

**Zehen Predig von den
sechs Hauptstücken Christlicher Lehr**
(Catechismus genant) allen Christlichen
Hausväter nützlich zulesen/ge-
predigt zu Lawgungen/
durch

**Jacobum Andree der
heiligen Schrifft Doctorn.**
Anno M. D. LX.



**Getruckt zu Tübingen bey
Ulrich Morharts Witib.**
AN. M. D. LXII.



THE NEW YORK
LIBRARY
ASTOR LENOX TILDEN FOUNDATION
1215 6TH AVENUE
NEW YORK 17, N.Y.

THE NEW YORK
LIBRARY
ASTOR LENOX TILDEN FOUNDATION
1215 6TH AVENUE
NEW YORK 17, N.Y.



THE NEW YORK
LIBRARY
ASTOR LENOX TILDEN FOUNDATION
1215 6TH AVENUE
NEW YORK 17, N.Y.

Den Fürsichtigen - Er- samen vnnnd Weyßen / Burgermei-

stern / Rath vnnnd Christlicher Gemein der
Statt Carowingen / wünschet Das
cobus Andree

Gnad vnd frid in Christo Jesu.

Ich bin auch selbst der meinung / das
es bedenklich / vnd nicht aller dings
nuzlich seye / allerley Büchlin zütru-
cken / dardurch die nuzlichsten vnnnd
heilsamesten / dem gemeinen Mann
auf den handen getriben / vnnnd an der selbigen
statt andere gebracht / die jenen nicht züvergleich-
en sein. Also hette ich auch für vnnöttig geach-
tet / Nach dem die thewren Selben vnd hoher-
leuchten Männer Gottes D. Martinus Luthe-
rus / vnnnd Johannes Brentius die Hauptstück
Christlicher Leer nuzlich / vnnnd nach aller not-
turfft erkläret / das ich oder ein anderer nach
jnen über solliche etwas schreiben / vnd ans liecht
geben solte. Sieweil aber sollichs ewer Christ-
lichen Gemein nicht allein gefallen / sonder mich
auch auff dz fleissigest gebetten / meine Predigen /

A ij so ich

Vorred.

So ich der armen vnuerstandigen Jugend zu gutem auff das aller einfältigst vnnnd Kindisch gethon/auffzuschreiben / vñ in truck züuerfertigen/ weil sie der Jugendt daselbsten eingebildet / auff das sie derselben nicht mehr vergessen / sonder ihr tägliche übung darinnen haben möchten/ hab ich solliche Christliche Bitte nicht weigern oder abschlahen sollen/ sonder gern die Müß vnd Arbeit auff mich genommen. Vnd bitte den Allmechtigen Gott vnd Vatter vnser **HEX** Jesu Christi/das er solliche Gnad/an ewern Kindern (die zeitt ich jnen beygewohnet) erzeigt/ erhalten vnd mehren wölle. Wölcher rsachen halber auch **E. S. E. W.** ich dise einfältige Predigen zuschreiben vñ beuelhen wölle / auff das sie rsach hetten ire Kinder des Gehorsams vnnnd Fleiß züerinnern / den sie nicht nur / sonder dem ewigen/allmächtigen vnd seligmachenden Wort bewisen vnd erzeigt haben. Zweiffels en/ wo sie in ermeltem Gehorsam/Zucht vñ Fleiß erhalten/ sie werden auch ewere Kindskinder / in denen ihr nach ewerem todt leben sollen / darauff ziehen / Wölches ewer einiger Wunsch / Reichthumb vnnnd Grewd sein solle.

Vnd ob ich gleich wol erachten kan / das sich ettlich finden werden/die jnen die einfalt vnd kindische

Vorred.

dische Art nicht aller ding werden gefallen lassen/
wölche ich in disen auch andern Predigen gebrau-
chet / so weiß ich doch wol / das jr selbst gern zeü-
gen werden/das sie nottwendig/ bey der Jugend
vnd vnuerstendigem Völcklin seye gewesen / ich
auch in täglicher erfahrung befunden / das es vil
mehr erbawe/dañ hohe zierliche Reden/deren die
Kinder vnd gemein Mann nicht gewont/ vnnnd
destweniger die heilsame vnd nottwendige Lehr
mercken vnd fassen. Der Allmächtig verleihe sein
Gnade / das es alles zů seinem Lobe / vnnnd

auffbawung seiner Kirchen/zür wa-
ren Gottseligkeit diene. Geben zů

Göppingen den XX. Tag

Novembris / Anno

M. D. LX.



2 ii Die

Die erste Predig über Die erst Vesper Predig.

Ein Vorred in die Kin-
der Leer.

1. Corin. 3.
1. Corin. 3.

ES hat Ewer Lieb in der heütigen Morgens
predig gehört / wie das die ganz Christlich
Kirch oder Versammlung aller Christglau-
bigen Menschen ein Geistlicher Baro / Haug
oder Tempel seie / gegründet auff den einigen
grund und Felsen unsern Herren Jesum Christum / vnder
das Dach des Schutzes und Schirm Gottes verfasst / wols-
liche die Pforten der Hellen nie überwaltigen mögen.
Weil dann an diesem Baro / die Kinder nicht die geringst
Zal der lebendigen Stein seien / sollen wir Christen (wie
billich) allen möglichem fleiß anfern und fürwenden / damit
die Steinlin nicht von diesem Baro durch den laidigen Sa-
than hinweg gerissen werden. Dann auß diesen kleinen uns-
ansehnlichen Steinen mögen mit der zeit ansehnliche / schö-
ne und gewaltige Quaderstein / das ist / solliche Leute wer-
den / die diesem Baro nützlich und wol ansteen mögen. Dann
es seind lebendig Stein / die von tag zu tag wachsen / dar-
umb sie sich auch zu diesem Baro / weil sie noch weich seind /
arbeiten lassen / wo sie aber erberten / bedarff es nachmals
vil mehr arbeit / wie wir hernach hören werden.

1. Pet. 2.
1. Pet. 2.

Es sollen aber die Kinder fürnämlich zu zweien dingen
gezogen

Den Catechismum.

I

gezogen werden/ Erstlich zu der waren Erkennnuß vnd
forcht Gottes/ darinnen die Weißheit vnd das ewig leben
steht. Zum andern zu eüsserlicher Zucht vnd Erbarkeit/
die auß der Erkennnuß vnd rechter forcht Gottes fließt.

Zu diser Zucht/ hat Gott der Herr dreierley Zuchtmel- Deut. vi.
ter gesetzet vñ verordnet. Erstlich die Elter/ die ihren Kin- Ephes. v.
dern das Gesezschöpffen mit Worten/ inneinbilden/ vnd Colos. iii.
mit der Rütten darob halten sollen. Darnach die Predi-
ger vnd Lehrer Gottes Wortes. Wie S. Paulus seine
Jünger Timotheum vnd Titum vermanet vnd Leer-
gibt/ wie sie mit ihnen umgehen sollen. Zum dritten die
Oberkeit/ wa Zucht der Elter vnd Vermanung der Lees-
rer nichts verfaben wölte/ seind die ungehorsame Kinder
an Leib vnd Leben gestrafft worden. Wie im Propheten
Mose zusehen. Wann jemandes ein eigenwilligen/ unge- Deut. xxi.
horsamen Son hat/ spricht Moses/ der seines Vatters
vnd seiner Mütter stim nicht höret/ vnd wenn sie in züch-
tigen/ nicht volgen will/ so soll in sein Vatter vnd Mütter
fahen/ vnd zu den Eltesten iher Statt füren/ vnd zu dem
Thor desselbigen orts/ vnd zu den Eltesten der Statt sa-
gen/ Diser vnser Son ist eigenwillig vnd ungehorsam/
vnd höret vnser stim nicht/ vnd ist ein Schlemmer vnd
erankner Boltz/ so sollen in versteinigen alle Reut dessel-
bigen orts/ das er sterbe/ vñ solt also das böß von dir thon/
das es das ganz Israel höre/ vnd fürchte sich. Dieweil es
dann in diser Statt auch ein grosse anzahl der Kinder vnd
Jugent hat/ darmit an der selbigen ewigen hail vnd Sees-
ligkeit nichts durch vns versaumt werde/ wollen wir auch
ein

Die erst Predig über

ein jeder nach seinem Verhoff thün / was durch Gottes wort von uns erfordere würde. Denn es ist in aller Welt ein gemeine und grosse klage über die Kinder / die Jugend wöll sich nicht mehr ziehen lassen. Aber so wir die Hauptsach bedencken und erwegen / woher es komme / würde es sich finden / an wem der grösser mangel bisher gewesen sei. Was nun mich als ein Lehrer und Prediger der Kinder belangt / will ich mit der hilff Gottes euch auch in diesem stuck mein dienste und fleiss treulich erzeigen.

Auff das aber auch die Elter ihren Dienst / wie sich gebürt / nicht vnderlassen / sonder mit lust und fleiss verrichten / wollen wir ein wenig von ihrem Ampt hören / Nachmals auch anzeigen / wie sich die Kinder gegen den Eltern in der Leer und Zucht halten sollen / zweiffels on / wo es an beiden theilen fähen wolte / die Christlich Oberkeit werde auch ihr Ampt in diesem gantz notwendigen Werck nicht vnderlassen / sonder dasselbig / wie sich gebürt / mit ernst beweisen und verrichten.

Es ist kein Vatter so vnuerständlich nicht / er wölte gern mehr an seinen Kindern erleben und sehen / das sie weis und verstendig wurden / die mit der zeit zugebrauchen wesen. Wie man aber solliches anfahren und erlangen soll / leeret die heilig Schrift an vilen orten / wir wollen nur etlich wenig Spruch / so in der Hausstafel begriffen / auff dismal für uns nemen. Salomon spricht: Die forcht Gottes ist ein anfang der Weisheit / darmit leeret er / wann man wöll weise Kinder ziehen / so müßte man es mit ihnen an der forcht Gottes anfahren / Wie aber die forcht Gottes in die Kinder und Jugend zupflantzen sei / hörend / was der Herr durch

den Catechismum

¶

Durch den Propheten Mosen den Eltern bevolhen hat / da Deut. vj.
er spricht: die wort / die der Herr dir gebet / solt du zu hertzen
nemen / vnd solt sie deinen Kindern scherpffen / vnd das
von reden / wann du in deinem Haus sitzest / oder auff dem
Weg geest / wann du dich niederlegst oder auffstehest. Mit
diesen wortten leeret Moses / das alle Hausväter / sollen
auch Hausprediger sein / die nicht allein Gottes wort wiß
sen / sonder zu hertzen farn / vnd jnen selbst lassen hertlich
angelegen sein / darnach jr leben der Jugend zu einem Ex
empel anrichten / vnd mit sonderm fleiß vnd ernst die Kin
der darzu halten vnd ziehen sollen / Darnach sollen sie jnen
das Gesetz auch dabaimbe scherpffen / das ist / mit verman
ungen vnd eröwungen anhalten / wie hoch sie Gott zeitlich
vnd ewiglich straffen werde / wann sie seine Gebott über
tretten werden / vnd sollen es thün im Haus / vnd asserhalb
des Haus / wo sie gehn vnd stehn / da sollen sie dauon reden.

Was sich aber durch die vermanung die Kinder nichts
wolten ziehen lassen / alsdann leeret Salomon weiter / Prover. xxi.
was Väter vnd Mütter darzu thün sollen: Laß nicht
ab / spricht er / das Kind zu züchtigen / dann wa du es mit
der Ruten harwest / so darff mans nicht tödten / du harwest
es mit der Ruten / aber du errettest sein Geel von der Hel
le. Vnd abermals: Der setzet Ruten schonet / der hasset
seinen Son / wer in aber lieb hat / der züchtiget jn bald. Vñ
Sprach: Hast du Kinder / so zeuch sie / bieg jnen jren Hals
von Jugend auff / laß jnen jren mütterlichen nicht in der Ju
gent / vnd entschuldige jr Thorheit nicht. Dife Sprich leet
ren / wa die wort vnd vermanung nicht helfen will / so solz
len die Eltern zu der Ruten greiffen / dieselbig nicht spa
ren /

¶

ren /

Die erste Predig über

Ephes.vj.
Colos.iiij.

ren / als lieb jnen der Kinder zeitliche vnd ewige wolffart
 seie. Wie sie aber auch hierinnen maß halten sollen / leere
 der heilig Apostel Paulus an die Epheser / vñ Colosser /
 da er also spricht: Ir Väter erbittert ewer Kinder nicht /
 auff das sie nicht scheuch werden / sonder ziehen sie auff in
 der zucht vnd vermanung zu dem Herren. Dann es finden
 sich wol Christliche vnd eiferige Eltern / die jren Kindern
 nichts übersehen / aber in der zucht brauchen sie kein maß /
 sündigen im zorn / sind den Kindern so hart / das sie scheuch
 werden / wissen nicht was sie thun sollen / Umb deren wil-
 len / hatt der Apostel dise Warnung gesezt / darmit sie in
 der Zucht nicht zu hart / sonder Christliche maß halten / vñ
 Kinder in gebührender forcht gehalten werden.

Deut.vj.
Exod.xx.

Was aber zu sollichem fleiß die Christliche Eltern
 erreiben soll / haben sie sich selber wol zuerinnern. Dañ erst-
 lich ist es der ernstlich beuelch Gottes / wie wir hieoben ge-
 höret / dem alle Christen zugehorsamen schuldig sind / vmb
 der ursach willen / auch der Herr im dritten Gebott so fleiß-
 sig gebotten hat / das nicht allein die Alten den feiertag hei-
 ligen sollen / sonder hat es auch den Kindern vnd dem gan-
 tzen Haussgesinde aufferlegt / da er also saget: Du solt kein
 Geschäfte daran thun / vnd gleich darauff: du vñ deine Ew-
 ne vnd deine Töchter / vnd deine Knecht / vnd deine Mägd-
 vnd dein Och / vnd dein Esel / vnd all dein Vieh / vnd der
 Fremdbding der in deinem Thor ist / auff das dein Knecht
 vnd dein Mägdthue / gleich wie du. Darumb lesen wir
 im vierten buch Mose / da ein Mann funden ward / der an
 einem Sabath tag het Holtz gelesen / da hat jne auß dem
 beuelch Gottes / das gantz Volck versteiniget.

Num.xv.

Nun

Nun ist es Gott nicht allein an der arbeit / sonder für
nämlich an der entheiligung der Sabaths tags / vnd erger-
lich Exempel gelegen / das diser Man dem gantzen Israel
gegeben hat. Er will / das diser tag mit seinem Wortte vnd
verordneten Gottes dienst soll zugebracht werden. Wer nun
seine Kinder vnd Ehalten nicht zu Gottes wortte zeucht /
der soll sich nichts rundern / wann sie gleich vnters sein vnd
nicht gerathen / daß wa sollen sie es gelernet haben. So sind
die Elter jren Kindern sollichen fleiß sonderlich darumb
schuldig / weil sie jnen als den Pflegern von Gott so hoch
benolhen seind / dann die Kinder / Gottes Kinder seind /
wie Christus sagt / sollicher ist das Himmelreich. Werden Mar. r.
nun die Eltern an den Kindern etwas versäumen / so würd
es Gott an jenem tag von jnen erfordern / da sie auch ganz
schwere Rechenschafft thun müssen.

Es finde auch sollich dienst die Eltern dem gemeinen
nutze schuldig / dann wie man sagt / auß Kindern werden als
te Leut. Wenn nun die Jugend nichts lernet / was sollen
sie im alter künden / ja das noch mehr zülag ist / wer in
der Jugend versäumt würdt / der will sich im Alter gar
nicht mehr ziehen lassen / vnd verderbt also ein varlessiger
Vatter nicht allein sein Kind / sonder er ist auch schuldig /
am verderben der armen Kinds Kinder / die von jren eigen
vnd vngottseligen Kindern geboren werden / bey wöllichen
enlich auch die erkennuß Gottes verlisset / darauß ein
wilt / wild leben volget. Wie gremlich aber Gott solli-
che varlessigkeit beides an den Eltern vnd Kindern straf-
fet / hat der Herr aller Welt einen Spiegel an dem Eli
dargestelt / der auch seinen Kindern zu leinß mit der straff

Die erste Predig über

i. Sam. ij. wurde / gestattet ihnen ihren mächtwillen / da schickte ihn der Herr einen Mann Gottes / der solt ihm sagen: Also spricht der Herr / du ehrest deine Sünde mehr dann mich / darumb sprichet der Herr der Gott Israel / Ich hab geredt / dein Haus und deines Vatters Haus solten wandeln vor mir ewiglich. Aber nun spricht der Herr / es sey fer von mir / sonder wer mich ehret / den will ich auch ehren / wer aber mich verachtet / der soll wider verachtet werden. Siehe es würde die zeit kommen / das ich will entwey brechen dinen Arm / und den Arm deines Vatters Haus / das kein Alter sey in deinem Haus / vnd wirst sehen deinen Widerwertigen in der Wohnung / in allerley Güt Israels / vnd würde kein Alter sein in deines Vatters Haus nimmermehr / vnd das soll dir ein zeichen sein / das über deine zwen Sünde Hophni vnd Pinehas kommen würde / auff einen tag werden sie beid sterben. Wöllich bald hernach an jnen beiden erfüllet ward. Denn Hophni vnd Pinehas kommen in der Schlacht wider die Philister vmb / vnd das es Eli angesaget ward / das seine Sünde todt / vnd die lade Gottes gefangen wurde / fiel er zu ruck vom Stül am Thor / vnd brach sein Gnück entwey vnd starb. Diß erschrockenlich Exempel sollen billich alle Christenliche Eltern zuherzennemen vnd sich warnen lassen / darmit sie Gottes ragnad auff sich vnd ire Kinder nit laden / wie laider hin vnd wider zusehen.

Es sind aber Christenliche Eltern nit allein schuldig die Kinder zur Predig zuziehen vnd in der Zucht halten / sonder (daran schier am aller meisten gelegen) auch jnen ein güt Exempel vortragen / wie der Herr Christus leset /

den Catechismum iii

ret: woe der Welt der Ergernuß halben / wer da ergetet Matth. xxiij.
 diser geringsten einen / die an mich glauben / dem wer bisset
 der / das ein Mäldlein an seinen Halsz gehencket wurde / vnd
 ererentet wurde im Nid / da es am tieffesten ist. Darumb
 sollen die Eltern fleissig vmb sich sehen / fleissig auff sich
 selbst vnd ire Kinder vnd Sünd achtung haben / damit sie
 dieselbigen weder mit Worten noch Wercken ergern / dann
 sie merckenes bald / vnd künden es nachlernen / vermeinen
 auch / es sey nit so grosse Sünd / weil es auch ire Eltern /
 Herren vnd Frawen thün. Vnd wa sich je einer nicht wol-
 te vor den Kindern scheuen / so solt er sich doch vor den lie-
 ben Engeln scheuen / von denen hie Christus sagt / das der Matth. xxiij.
 Kinder Engel on vnderlaß das Angesicht ihres Vatters
 sehen. Wer nicht eigen Kinder hat / soll sich vor den fremb-
 den ebenso wol scheuen / vnd wissen / wa sie die selbigen er-
 gern / es werde es Gott nicht an ihnen ungestrafft lassen. So
 kan grösser freud auff Erden nicht sein / denn so einer seine
 Gottesfürchtige vnd gezogene Kinder hat / darvon der Pro-
 phet im 128. Psalmen redet / da würdt das Haus vom
 Herren gebawet vnd gesegnet. Wa aber alsdann etliche
 vnder den Kindern nicht gerhaten / so seindt die Elter ent-
 schuldiget / haben ein güt Bwissen / vnd künden sich mit
 den Exempeln der lieben Väter trösten / denen auch nicht
 alle Kinder gerhaten seindt. Adam muß ein Cain haben /
 Noe ein Cham / Abraham ein Ismael / Isaac ein Es-
 sau / Jacob ein Ruben / ic: Dauid ein Absolon / vnd kün-
 den es auch dem lieben Gott benehmen.

Wer ist aber vnder den Eltern / der disen fleiß bey seinen
 Kindern fürwendet: Darumb ist es ein vergeblicheenes

B ij schuldig

Die erste Predig über

Schuldigung/da man für gibe/ die Kinder wöllen sich nicht mehr ziehen lassen/ wir haben es noch nicht recht angefangen/ darumb ist die klage vil zu frö. Wenn wir uns die sorg der Seelen unserer Kinder so hoch lieffen angelegen sein/ als wie wir sie zeitlich versorgen/ die forcht vnd zucht vourde one zweiffel vil grösser sein/ weder sie laider ist/ verhoff aber zu Gott vnd euch/ sie soll gewisslich auch besser werden.

Wa nun die Elter mit lernst vnd fleiß jr Ampt also verrichten/ so sollen auch die Kinder erinnert werden/ was jr Ampt sey. Erstlich ire Eltern mit aller ehre nbietung nicht anderst als Gott selbst hören/ darnach allem dem/ das men auß dem beuelch Gottes fürgehalten würdt/ gehorsamlich volgen/ so haben sie in der Schrift herrliche verheissung. Erstlich/ das es seine weise Leute werden/ die mit der zeit jnen selbst vnd dem gemeinen nutz zugebrauchen werden/ wie oben gehört/ das der anfang der weisheit
1 Ephes.v. sey die forcht. Darnach werden sie lang leben/ denn diß
Deut.vj. ist das erst Gebott in der andern Tafel/ das verheissung hat. Zum dritten/ so würdt es jnen wol gehn/ wie im
Psalm.xxxiiij. Psalmen steht: Kommet herzu/ o jr Kinder (spricht der Prophet) höret mich/ ich will euch die forcht des Herren lehren/ wölcher ist der lust hat zuleben/ vnd gern gütetage haben wolte. So es dargegen ungehorsamen Kindern übel geht/ jämertlich sterben/ vnd ob sie gleich ein zeit lang glück haben/ doch endlich verderben vnd umbkommen müssen.

Darumb liebe Eltern vnd liebe Kinder/ wöllen jr zu beiden theilen an einander ehr vnd freud/ glück vnd wolfare erleben/

den Catechismum

6

erleben / vnd euch vor ewigem verderben bewaren / so laßt
euch auff dismal diß kurtze Vermannung zu hertzen gebn /
das jr Elter' gedenckt / hinfuro mit grossen ernst vnd fleiß
in der Leer vnd gütten Exempel erweru Kindern vorzu-
steen / jr Kinder aber mit mehr ehrentbietung vnd gehor-
sam solliche zucht vnd Lehr annemen / so verhoffich zu dem
Allmächtigen vnd euch / der Herr werde grosslich züdiser
nser 'Christlichen Übung / so wir in den nachfolgenden
Predigen haben werden / seinen Segen vnd gedeien reich-
lich geben vnd mittheilen. Das verleich vns der barm-
hertzig Gott vnd Vatter unsers Herren Jesu
Christi durch den heiligen
Geist. Amen.

Die

Die ander Predig über Die ander Predig für Vesper.

Die sechs Hauptstück Christlicher Lehr / so
einem jeden Christen Menschen zu-
wissen von nöthen sein.

Es. lv.

Es spricht der Herr im Propheten Esaiä als
so. Gleich wie der Regen vnd Schnee vom
Himmel feller vnd nicht wider dahin kompt/
sonder fruchteet die Erden vnd machet sie
fruchtbar vnd wachsend / das sie gibt Gro-
men zäusen vnd Brod zäessen: Also soll das Wort / so auß
meinem Munde geht / auch sein / Es soll nicht wider zu mir
leer kommen / sonder chün / das mir gefelt / vnd soll ime ge-
lingen / darzu ichs sende. Dis Wort ist nicht allein je vnd
allwegen war gewesen / sonder es hat sich auch (Gott hab
ewig lob vnd danck) an euch befunden / denn nach dem ich
euch vor acht tagen / vnd heut frö zur Morgenpredig ver-
manet / das jr euch samenelich Alte vnd Jung zur Kinder
Leer schicken / sihe ich / das jr es nicht als mein Wort /
sonder als Gottes Vermanung selbst angenommen / vnd
in sollicher grossen anzahl erscheinen / darfür ich auch dem
Allmechtigen von hertzen danck / vnd zweifelt mir nicht /
das Wort Gottes werde nicht on grosse merckliche fruchte
vnd nutz abgehn / bitte ich euch auffß fleissigst / jr wöllen in
sollichem Christlichen Eifer vnd fleiß verharren / darzu
der

der Herr nachmals sein Gnad vnd Geist verleihen wölle/
Amen.

Es haben aber in vorgebender Predig / beides jr Elter
vnd Kinder gehört / was ewer Veruff vnd Almpst sey / das
mit die Jugend / in der forcht Gottes / aller Zucht vnd
Erberkeit gezogen werde. Nun wollen wir die Hauptstück
für uns nemen / vnd auff dñmal nicht nach der lenge / sons
der auff das aller kürzest vnd einfältigst handeln.

Vnd erstlich / vom namen der Kinderleer ist vnuer
ndeten / weitleuffig zūhandlen / wölches / zweyfels on / allen
Christen wol bekant ist. Dann Catechismus heisset hie
nichts anders / dann ein kürzer / einfältiger / gründlicher
Bericht / von den fürnemesten Hauptstücken Christlicher
Leer / die ein jeder Mensch bey seiner Selen seligkeit schul
dig ist nicht allein zūwissen / sonder auch sich darnach richten
vnd zūleben. Wärdt aber Kinderleer genennet / nicht das
kindische Ding darinnen getriben oder gelehret werden /
(dannes werden hie die gröfste Geheimnussen des Reichs
Gottes fürgetragen / die wir mit vnser Vernunft nims
mer mehr / sonder allein mit dem Glauben begreifen kün
den). Sonder weil dise Leer der Jugend fürgetragen
wärdt / als ein sum vnd inhalt der gantzen heiligen Ges
chrifft / die sie fleissig vnd wol lernen sollen / nach wölcher sie
nachmals sich in die heiligen Schrifft schicken / vnd alle
Predigen Gottes worts richten vnd theilen lernen / dar
vmb pflegt man sie ein Kinderleer nennen. Wer nun solli
chen Bericht noch nicht empfangen / oder wol gelernt hat /
der wärdt sich one zweiffel nicht ungern vnder die zal der
Kinder zölen lassen / vñ sich beflüssigen / dieselbige zūlernen / Ephes. iij.

C darnit

Die ander Predig über

i. Pet. 4. darmit er nach der Lehr S. Petri wiß seines Glaubens
und Hoffnung antwort zugeben einem jeden/der sie von ihm
fordert. Wölches euch darumb desto leichter sein würde/ und
lustiger machen/ weil jr/ zweiffels on/ mehrer theils dise
Stuck wissen/ rind durch dise Predig erinnert werden/
was für ein theurer Schatz darinnen verborgen lige/ und
künden nachmals solliche Stuck den Kindern mit mehr
verstand und frucht einbilden/ wie dann jr Elter/ nach dem
beuelch Gottes zuehän schuldig seide. Die Jüngling aber
runderwachene Jungfrauen/ so sich in den ehlichen Stand
begeben/ da sie nach Gottes ordnung miteinander Kinder
zeugen werden/ sollen billich dise Lehr vor allen dingen fass
sen und wol lernen. Dann wie solte men Gott der Herr
Kinder geben/ die sie weder zu seinem lob/ noch gemeinem
nutzen rechte künden auffziehen:

Darumb würde dise Leer uns alle/ Prediger/ Ober
keit/ Eltern/ Kinder/ Jüngling rind Jungfrauen an
gehn/ deren wir uns mit allem ernst annemen/ zülernen
und zuüben von hertzen geneigt sein sollen.

Es hat aber dise Kinderlehr sechs Hauptstück/ die ein
jeder Christenmensch wissen soll. Das erst seind die zöhen
Gebote. Das ander/ der Christlich Glaub. Das dritte/
das Liebet/ so man das Vater unser nennet. Das vierte
die heilige Tauff. Das fünfte/ das Nachmal Christi.
Das sechste und leetste ist das Almte der Schlüssel. Was
nun hin und wider im alten und neuen Testament geschrib
ben steht/ das kan under diser sechs stuck eines gezogen wer
den/ von denen wir jetzund kurtzlich rind in einer sum
mören wollen. Nachmals aber ein stuck nach dem andern

den Catechismum. 61

dern für uns nemen/ vnd ein jedes in einer kurtzen Predig
 aussprechen vnd erklären/ das ich verhoff/ jr sollend nach-
 mals alle Predigen desto besser verstehen vnd richten kun-
 den. Die zöhen Gebote lehren uns/ was Gott von uns
 haben will in allem vnserem leben/ das wir jm als vnserm
 Herren vnd Schöpffer/ vnd nachmals vmb seiner willen
 vnserm Nächsten thun sollen/ er sey höher oder weniger
 dann wir/ oder uns gleich/ damit er an allem vnserm
 thun vnd lassen ein gefallen haben mög. Vnd diß ist ein
 sehr nützliche Leer/ damit wir nicht lang vmb lauffen dörf-
 fen vnd sachen/ warmit vnserm Herrn Gott wir dienen
 sollen. Dese Gebote schreiben uns souil für/ daran wir nicht
 allein die Tag vnser Lebens züthun haben/ sonder auch
 vnser höchste Vnvolkommenheit vnd vermügen/ als
 vnnütze Knechte/ erkennen müssen. In wölchem Stuck
 auch vnser lieber Gott vnser Schwachheit bedacht/ vnd
 nach seiner Weißheit alles in wenig Stuck verfasst/ dar-
 mit es ein jeder wol mercken vnd leichtlich behalten kändet.
 Das ander Hauptstück/ seind die Artikel vnser Christ-
 lichen Glaubens/ darinnen uns angezeigt würdet/ weil wir
 die Gebote Gottes nicht gehalten haben/ was wir uns zu
 vnserm lieben Gott versehen sollen/ nämlich alles gätes/
 dann er will uns vmb der Sünden willen nicht verwerffen/
 sonder vnser Vatter sein vnd bleiben. Christus will vnser
 Erlöser vnd Seligmacher sein. Der heilig Geist will vnser
 Tröster vnd Tröster in allen nöthen vnd widerwertigkei-
 ten Leibs vnd der Seelen sein. Dese trost vnd lehrt/ wer-
 dendie Artikel vnser Christliche Glaubens uns fürhal-
 ten/ die wir auch mit fleiß lernen sollē. Das drit Hauptstück

Die erst Predig über

ist das Gebett / wölches wir das Vatter vnser nennen / das Christus seine Jünger gelehet / vnd vns allen hat für schreiben lassen / darinnen wir gewisen werden / wen wir in allem vnserm anligen anruffen sollen / Auch alle vnser notturff darinnen begriffen / das doch nichts / was zu Leib oder Seel gehöret / vnderlassen oder vergessen ist. Das vierde ist die heilig Tauff / in wölcher der Herr Christus / durch seinen heiligen Geist / den Glauben / alle verheissung seiner Gnaden versigelt / das sie daran nicht zweiffeln / sonder durch das Pfand ires Heils / so ihnen in diesem heiligen Sacrament geschenkt ist / gänzlich versichert werden / deren sie sich auch an frem letsten ende vnd größten nöten zutrösten haben. Das fünfft ist das heilig Abendmal vnser H E R R N vnd seligmachers Jesu Christi / wölches er nicht allein mit seinen Jüngern gehalten / sonder auch seiner Kirchen biß an jüngsten Tag zūhalten / mit ernst gestiftet vnd beuolhen hat / da wir fürtragen würde die lebendigmachende Speiß vnd Trancß / durch wölche warhaftig vnser Glaub in aller Widerwertigkeit gestärckt / vnd vnser leben durch sein Gnad soll gebessere werden / wa wir dasselb nach seinem Beuelch halten vnd gebrauchen. Das sechst vnd letst Stuck / ist das Ampt der Schlüssel / auch von dem Herrn Christo gestiftet / da wir hören werden / was der Schlüssel sey / damit der Himmel auffgeschloffen wäre / wa derselbig Schlüssel zūfinden / wie er zūgebrauchen / auch was man sich desselben vertrösten vnd überheben soll. Dise sechs Hauptstück wollen wir in künfftigen Predigen / ordentlich nacheinander verklären / darauf ewer Lieb dise groß frucht haben mag. Erstlich /
das

den Catechismum. liij

das jr sehen/wie vnser Leer nicht ein new/sonder ein vralte Leer sey/vonden Patriarchen/Propbeten/Christo vnd den Apostel selbst getriben. Zum andern/das jr ein feine Summa vnd kurzgen berichte haben/von allen Articulen der reinen Christlichen Leer/die sonst weitteiffig in andern Predigen behandelt werde/dajr auch allwegen leichtlich werden richten vñ theilen künden/in wöllichen Hauptstück der Christlichen Leer ein jedes geböre.

Vnd damit es die Jugend dest leichter begreifen/ fleissiger lernen/vnd lenger behalten möge/will ich dieselbige auff das aller einfältigst vñ verstendelichst darthun/das ich verhoffe/sie sollen alles wol fassen vnd lernen künden. Vnd will hie gar nicht einführen die Schülhader vnd Pfaffengezenc/so sich über etliche diser Hauptstück erhebt/die auch nicht hieher für die Jugend gebörn/sonder allein die Jugend auff das aller einfältigst lernen vnd vnderweisen/wie sie ihres Glaubens Rechenschaft geben sollen vnd mögen/allen denen/die es von jnen begern.

Denn wer dise sechs Hauptstück nicht wißte/vnd seines Glaubens Rechenschaft nicht geben kan/wie darff sich ein sollicher Mensch/für einen Christen außgeben: Wenn ein Wandergesell sich zu einem Wagner verdingte/vnd in der Werkstatt zoge ein Nadel vnd Fängerhut heraus/vnd wolte damit arbeiten/so wurde nicht allein sein Meister über in vnwillig sein/sonder es wurde auch jederman sein spotten/der sich für ein Wagner außgebe/vnd wer seines Handwercks ein Schneider:Also ist es auch vor Gott vnd den Menschen einem ein schand/der sich für einen Christen außgeben wolte/vnd wißte doch die Hauptstück Christ-

Die ander Predig über

licher Leer nicht/die ein jeder Christen Mensch wissen solt.
Wie denn laider an etlichen orten Leer gefunden werden/
die nicht wissen ihren Glauben/ auch nicht die Hebert Gottes
etlich auch das Hebert nicht/ noch vil weniger was die
Lauff seie/ warum und wie sie getaufft seien. Desgleichen
auch nicht vil vom heiligen Abendmal/ etliche auch gar
nichts vom Schlüssel/ darmit uns der Himmel aufges
schossen werde.

Und hie gilt nichts/ das einer sagen wölte/ er künde was
der schreiben noch lesen/ wie es ihm dann möglich sein solt
solliches zu wissen und lernen. Denn wann niemandt solt se
lig werden/ denn der die Schrift selbst lesen künde/ wurd
der gemein Man ganz gefährlich und ubel steen. Wir wöl
len aber dise Hauptstück lernen/ wann wir gleich nicht lesen
künden/ allein/ das jr mit fleiß auffmercken/ so werdet jr
auch ein sein einfältig/ Christlich Vortheil schöpfen und
bald mercken künden/ wenn jr recht oder vnrecht gelernt
werden.

Sollichen fleiß solten wir von dem verstorbenen/ armen/
verblendten Volck Gottes den Juden lernen/die ire Kin
der mit sollichem fleiß in irem vnglauben auffziehen/ über
Mat. xxiij. die der Fluch gehe/dem sie geräffen haben: sein blut sey über
Luc. xxiij. uns und unsere Kinder/ wie gar die Juden kein fleiß mit
Leer und vnderweisung an ihnen sparen/ die doch auch an
zeigen künden ire vermeinte rsachen/ warum sie nicht an
Messiam glauben/ wievil mehr sollen wir sollichen fleiß
mit unsern Kindern fürwenden/ die in der gnädigen ver
Gen. xij. roß. heissung Gottes begriffen sein/ das Gott auch ir gnädig
Mar. i. ger Gott wöll sein/ auff dessen namen sie getaufft seind

Aber

den Catechismum ix

Alber mir zweifelt gar nicht/ jr werden mit allem fleiß/ Ernst vnd Eifer darzu thun / das an eweren Kindern in dem sahl nichts verfaumt werde. So will ich mit der hilff vnd gnad Gottes auch meinen Dienst thun.

Das sey gnüg zãm Eingang gesagt / darumb wenn jr Eltern sampt eweren Kindern jetze heim kommen/ so sollen jr Eltern auch ewer Ahnte bey den Kindern thun/ ewere Kinder alle fürfordern/ vnd erstlich sie fragen/ ob sie in der Predig gewesen seien. Ist eines vnder men nicht darinn gewesen/ so haben wir auß dem Salomon gehört/ was der Vatter thun solle / Wer die Rütten sparet/ der Pro. xxiij. basset seinen Son/ du solt es deinem Kind als wenig schencken/ als wann man dir ein Diebstall von ihm angezeigt hette. Dann der da gſagt hatt/ du solt nicht stelen/ der hatt auch gſagt/ du solt den Feiertag heiligen. Wölliches gſchicht / wenn man Gottes Wort mit fleiß höret / das nicht allein den Eltern / sonder auch den Kindern vnd Gesünd zugehöret.

Zãm andern/ wenn sie alle darinn gewesen seind/ so frag sie/ was sie darauß behalten haben/ künden sie nichts sagen/ Jacobi. j. so gehört aber die Rütten darzu/ die man nicht sparn soll/ Rom. 9. damit sie von Kindeheit auff gewohnet werden / Gottes Wort mit allem fleiß hören vnd lernen.

Zãm dritten / wann sie die Predig behalten haben / so solt jr Vatter die selbig men schörrffen/ die jr mehr behalten vnd besser verstehn / dann die Kinder/ vnd sie vermanen/ das sie diser Leer nicht vergessen / vnd sollichen brauch sollen die Eltern für vnd für behalten/ so ist kein zweifel Gott

Die ander Predig über

Gott würde Gnad geben / das wider ein feine Christliche
vnd züchtige Jugendt gerlanget / an deren die Eltern Ehr
vnd freud erleben / vnd sie ewigklich seelig werden mögen.
Amen.

Die dritte Predig.

Von dem ersten Hauptstück Christ-
licher Lehr / den zöhen Gebotten.

In der nähern Predig haben wir gehört /
das sechs Hauptstück seien der Christlichen
Lehr / die ein jeder Christen Mensch wissen
soll / der zu seinem verstande kommen ist /
nämlich die zöhen Gebott / der Glaub /
das Bacter vnser / die Tauff / das heilig
Abendmal / das Ampte der Schlüssel. Wer dise nicht
waisst / kan sich / aber nicht mit ein / ein Christen nennen /
lassen. Nun wollen wir ein stück nach dem andern für vns
nemen / aber nicht weitläuffig oder nach der leng handeln /
sonder auff das aller kürzest vnd einfaltigest dardurch
gehn / damit jr dieselbigen allein lernen verston / vnd nach
denselben andere Predig richten vnd theilen lerneten.

Das erst Stück seind die zöhen Gebot / die Gott durch
seinen Diener Mose dem Volck Israel gegeben hat / von
denen wollen wir jetzt allein handeln.

den Catechismum

P

Es spricht der Apostel Paulus zu den Ephesern: Es sey Ephes. iij.
 ein Herr/ Nämlich Gott der Herr des Himmels vnd der
 Erden. Wie auch Moses spricht: Höre Israel/ der Herr Deut. vi.
 vnser Gott/ ist ein einiger Herr. Daraus folget/ das alle
 Menschen auff Erden/ hoch vnd niderstands/ seine Knechte
 vnd Diener seyen. Nun kan man aber in einem Haus nicht
 lang fridlich leben/ wann die Knechte nicht wissen/ was sie
 thun sollen/ Wie man dann zuzeiten Herren findet/ denen
 heit diß/ morgen ein anders gefelt/ vnd wissen die Knechte
 nimmer/ wann sie recht oder vnrecht thun. Ist nun Gott
 vnser Herr/ vnd wir seine Knechte/ so stünd es nbel/ wann
 wir ihm nicht dienen wolten. Mancher wolt gern seinem
 Herren dienen/ wann er nur wüßte/ was er thun solte: Nun
 ist vnser Herr vnd Gott/ ein Gott/ der in seinem Willen
 ewiglich bestendig vnd vnverendert bleibe/ was vnd wie er
 heit bevolhen hat/ das gefelt ewiglich. Gott ist nicht Num. xxiij.
 wie ein Mensch/ zeiget die Schrifft/ der heit et was ge-
 biete/ vnd morgenjme nicht gefiele/ sonder die Gebott/ so
 er von allen Menschen will gehalten haben/ die gefallen im
 für vnd für/ so lang die Welt steht. So ist es auch ein treu-
 wer Gott/ der uns seinen Willen mit so kurzen vnd ein-
 faltigen Worten dargethon vnd beschriben hat/ das ein jes-
 der Mensch/ wie ringuerstendiger ist/ denselben leichtlich
 fassen vñ lernen kan. Er hat ein groß/ breits/ langs Land/
 als weit nämlich der Erdboden ist/ aber ein sehr kurze
 Landesordnung/ in wenig Articulen begriffen/ darnach
 sich seine Knechte halten sollen/ Nämlich/ wie sie Moses Exod. xxxij.
 nennet/ nur zehen Wort. Zum dritten/ auff das wir sie im-
 mer behielten/ vnd nimmermehr vergessen/ hat sie der
 Herr

Die dritte Predig über

Herr einem jedem Menschen an sein Geirnen rind Herr
 geschriben / das keiner darf weit lauffen / rind lang in der
 Landtsordnung suchen. Alles das jr wöllende / das euch die
 Leute chän sollen / das chüt jr men / das ist das Gesetz rind
 die Propheten. Wan du deinem Nächsten einlad wilt zus
 fügen / so findestu in an der Geirnen geschriben / das du es
 berstehn solt / wie dir dein eigen Herrt zeignuß gibe / dann
 du hettest es nicht gern / das er es dir chet / so solen es ihm
 auch nicht chän. Zu dem / so hat es der Herr nicht mit einer
 Kreiden oder Rötelstein daran geschriben / das wir sie
 künden bald auslöschten / sonder er hat es mit einem griffel /
 ja mit seinen eigen finger hinein geschriben rind gegraben /
 das wir sie für rind für mit rind bey uns tragen. Das müß
 se ein feiner Herr sein / der seinen willen so kurtz rind fleißig
 uns auffgezeichnet hat / darumb der wol nicht ein Mensch /
 ich geschweiz ein Christ solt genennet werden / der in nicht
 weiß / rind dise Wort nicht erzölen kan. So mercken wir
 mit stetß auff / wer sie nicht kan / das er sie lerne: der sie gele
 ret hat / das er sie auch recht verstehe.

Da der Herr dise göhen Wort seinem Volck hat durch
 Moßen lassen fürhalten / hatt sie der Herr in zwö Tafflen
 geschriben. In der ersten Taffel seind drey Wort oder Be
 boet gestanden / darinnen wir geleret werden / wie wir uns
 gegen Gott halten sollen. In der andern Taffel seind sibem
 Wort oder Beboet geschriben / die uns leeren / wie wir uns
 umb Gottes willen gegen den Leuten halten sollen / bey
 denen wir leben rind wandlen.

Das erst Beboet in der ersten Taffel / lautet also: Ich
 bin der Herr dein Gott / du solt nicht andere Götter neben
 mir

den Catechismum.

xi

mit haben. Wer rede das? Der ewig Gott/ der Himmel
 und Erden/ das Meer/ und alles was darauß und darinnen
 ist/ auß nichts erschaffen hat/ der ist ein einiger Gott/ wie
 geschrieben steht: Höre Israel/ der Herr vnser Gott/ ist ein Deut. vi.
 einiger Herr/ der hatt allen gwalt über dich. Was will er
 dann vor allen dingen von dir haben? Er spricht: Du solt
 nicht andere Götter neben mir haben. Möchtestu aber sa-
 gen. Seind dann nieß: Götter/ dann einer? Nein/ wie der
 Apostel zeiget: Wir wissen/ spricht er/ das ein Götz nichts 1. Cor. viii.
 in der Welt sey/ vñ das kein anderer Gott sey/ on der eini-
 ge. Wann dann keiner ist/ wie kan einer dann vil Götter ha-
 ben? Als dann machestu aber einen Abgott/ wann du etwas
 höher oder weitterer heldest/ dann Gott selbst. En sprichs
 st das verbiet mir Gott/ das ichs thün solte. Nun ist es
 also/ und geschicht vil/ wie wir hören werden. Wan dir Gott
 etwas ernstlich gebiet / so bistu schuldig das züthun / ja
 sprichstu ich bins schuldig. Es kompt aber ein gwalziger der
 verbeit dirs/ und so du es thust / wöll er dich an Leib vñnd
 Leben/ an Haab vñnd Güt straffen. Du last dich erschrecken
 en/ und vnderlast es/ so frag ich dich/ fürchtst uerget nicht ein
 Menschen mehr/ dan Gott selbst: Liebestu nicht dein Güt Matth. ix.
 mehr/ dann Gott selbst: Dancst du es verlassen wilt/ so
 lassetu ehe Gottes Wort vñnd beuelch faren. Also wann du
 dich auff einen Menschen/ oder dein Haab vñnd Güt/ auff
 dein Gerecht vñnd Weißheit verlast/ hastu darauß lautter
 Abgötter gemacht. So erfordert nun vnser Herr vñ Gott
 imersten Gebott/ dein ganz Hert/ das du ime mit ganz
 em Hertzen anhangen sollest / über alles in förchten/ über
 alles lieben/ ime über alle ding vertragen.

D iß Das

Die dritt Predig über

Math. xv.
Luc. vij.

Das ander Gebott: Du solt den Namen deines Gottes nicht unnützlich führen / dann der Herr würde den nicht ungestraft lassen / der seinen Namen unnützlich führt. Weß das Hertz voll ist / deß gebe der Munde über / sagt Christus. Wie der Mensch in seinem Herten gesinnet ist / also redet er auch / steht sein Hertz recht gegen Gott / so würde er auch recht von Gott reden / redet er übel von Gott / so ist auch sein Hertz verrückt. Darumb erfordert Gott in dem andern Gebott ein reinen Mund / wie in dem ersten ein rein Hertz. Wann du den Namen Gottes auff dein Zangen legst / solst du es nicht leichtfertig thun. Daraus die Juden wol ein Aberglauben gemacht haben / das sie den grossen Namen Gottes Jehoua nicht lesen / sonder darfür lesen sie Adonai. Aber das fordert Gott nicht von uns / doch sollen wir hie mercken / wann das verblende m̄ versteckt Wolck die Juden / den Namen Gottes so hoch halten / wie übel und schändlich es uns anstehe / wann wir denselben leichtfertig und tippiglichen mißbrauchen.

Es würde aber der Name Gottes auff vielerley weß unnützlich gebraucht / deren wir etlich hören wollen.

Erstlich wenn man darnit die Abgötterey bestetigt / Das heiße Abgötterey / wenn man Gott anderst dienen will / denn er es beuolhen hat. Auff das nun der Sathan Exod. xxxij. die Menschen dahin bringen künde / so klabte er den Namen Gottes auff die Menschen satzungen / gibe für / Gott gesfall es also. Und das ist der aller schädlichste Mißbrauch des Namens Gottes / wölich Gott greulich zu allen Zeiten gestraft hat / dann die Abgötterey nur deßter greulich ist / je mehr der Nam Gottes dar zu mißbraucht würde.

Item

den Catechismum xij

Wann andern/würde er mißbraucht zum fluchen/da ein Mensch dem andern darmit alles unglück an Leib und an Seel wünschet/ Gott ist/der uns allein zu ehren bringe/so wünschen verrückte Leute einander/Gott soll sie schenden. Das Leiden Christi hat uns bey Gott wider zu gnaden und ehren gebracht/so wünschet einer dem andern/es soll in schenden/und also geredt von allem dem/das Christus unser HERR ist. Christus ist nicht darumb verwundet/hat sein Blut nicht darumb vergossen/hat seine heilige Sacrament nicht darum eingesetzt/das einer den andern darmit schenden/und da sie in deinem rnsanbern/vnreinen Maul umziehen/vund also zureden/mit Füßsen treten follest.

Sollich Laster/das erschrockenlich ist zühörn/wollen eelich mit der Gtronheit entschuldigen/und sagen/sie haben so ein brauch an jnen. Behüt Gott/behüt Gott/was hin ist es kommen? Wam einer sein Landesfürsten ein Bößwicht schelt/und sagt darnach zu jm/Herr je müßt es nicht achten/ich hab also ein brauch an wir/was meinstu das der fürst sagen werde? So sprech er widerumb/hastu den brauch/so hab ich auch ein brauch/das ich einem sollichen laß das Haupt abschlagen/auff das andere lernen/dem Obersten seines Volcks nicht übel reden/vn wurde jederman sagen/es geschehe jm recht. Dann der Herr hatt verbotten/ Exod. xxij.
Du solt dem Obersten deines Volcks nicht übel reden. Was meinstu dan/das Gott sagen werde/hastu ein brauch an dir zufluchen/so hab ich ein brauch/das ich solliche Leute mit Leib und Seel in das hellische fern werffe. Darumb er auch bevolhen hat/die Gottolsterer am leben zu strafe Leuit. xxij.

D iß fen/

Die dritt Predig über

fen / als die nicht were sein / das sie die Sonne mehr anschawen sollen / weil sie den Gott Himmels vnd der Erden gelichtere haben. Füre den Flücher hinauß für das Läger / sprich der **G E R R** / vnd laß alle die es gehört haben / fre Hende auff sein Haupt legen / vñ laß in die gantz Emeine steinigen / vnd sag den Kindern Israel / wöllicher seinem Gott flüchet / der soll seine Sünde tragen / wöllicher den Namen des **G E R R E N** löstert / der soll des tods sterben / die gantz Emein soll in steinigen. Wenn du in der Zech sessst vñ einer schmächt dir deinen Vatter / an seinen Ehin / so were es dir vnmüglich / das du es vnuerantwortet ließest. Wie kanstu dann zämal ein Christ sein / darbey sitzen vnd leiden / das dein Himlischer Vatter / dein Herr vnd Seeligmacher Jesus Christus / auff das aller höchst geschedet vnd gelöstert würde / vnd darzü von denen / die seinen Namen tragen / das sonst kein Lirck oder Laster so grausam ebete. Wann sonst kein Laster bey vns zeitlichen were / so weren wir doch zeitig vnd überzeitig / das vns Gott mit Straal vnd Hagel / Pestilentz / Hunger / Krieg vnd Blatuer gießen heimsüchet vnd vertheilt. Es löstert jetz ein Kind / wen es wil so. Daren ein ale Mensch gehon bette / man bett ime die Zungen zämalack heraus gerissen. Darumb wöhr / wer wöhr kan / ich sorg es sen vñ Leib vnd Sätt geschehen / ein jeder sehe / das er die Seel daruon bringe.

Zäm dritten würde er mißbrant zur Zauberey / wenn mann übernatürlicher weiß etwas will zuwegen bringen / vnd mißbrauche darzü den Namen Gottes. Vnd hilff hie nicht das die Leüt sagen / man brauch nichts dan gute wöte darzü /

Den Catechismum xiij

darzū / dann Gott hat sein Wort darzū nicht verordnet /
als da im Namen des Vaters / Sons / vnd heiligen
Geists etwas übergeschlagen würde / das sonst die krafft
nimmermehr hette. Denn der Herr hat bevolhen / in solli-
chem Namen zū auffen / aber nicht die Zauberrey darmit
auffzūrichten. Es helffe auch nicht das man sage / es helffe
dennoch den Leuten. Dann das weiß ich wol / das keiner
vnder euch ist / der den für ein guten Freund hiet / der im
ein Bagen schenke / vnd stele im ein Gulden. Also was ist
es / das auß Gottes verheißnuß / dir der Teuffel ein Reiß-
gunde mache / vnd bringe dich vñ die Seel / die er durch di-
sen Aberglauben von Gott abföhret. Wie seind aber Gott
sollichen Teuffelschwörern / Segnern vnd Zaubern seye /
mögen wir auß den Worten Mose lernen / durch den der
Herr also spricht: Wenn ein Seel sich zū den Warfagern Levit. 17.
wenden wäre / dz sie inen nachhurret / so willich mein And-
lich wider dieselbig Seel setzen / vñ will sie auß irem Volk
roten. Darum je mehr der Nam Gottes zū der Zauberrey Math. 23.
gebraucht wäre / je ein grössere vñ greuelichere Sünd ist es.
Zum vierten / wäre der Nam Gottes mißbraucht zū
liegen vnd betriegen. Es ist / laider / mit vns dahin kom-
men / da ja / nicht mehr Ja / vnd Nein / nicht mehr Nein
bey vns sein will / darumb mißbraucht man den Namen
Gottes eineweders leichtfertig on not vnd vnach / oder
auch fälschlich zū bestätigung der Lugen / nicht allein in
kauffen vnd verkauffen / da einer bey Gott schwöret / vnd
weiß in seinem Hertzen / das er falsch redet / sonder auch in
allen vnsern reden. Höher kanstu nicht reden / den so du sagst /
bey Gott / du hast je alles genemmet / wenn du Gott nen-
nest. Nun ist es jetze laider ein Weiber vñ Kinder Schwär-
worden.

Die dritte Predig über

Psalm xliij.
Matth. x.
i. Thes. v.

worden/ vnd will für kein Sünde vnd leicht gehalten wer-
den. Das heiße den namen Gottes vnmutzlich vnd miß-
brauchen. Es würde vns aber dafür gebotten/ das wir
in allen nöten vnser zûflucht zu dem namen Gottes haben/
sine anruffen für zeit der verfolgung/ vns des nicht sche-
men/ vnd denselbigen loben vnd preisen/ von dem wir em-
pfangen haben/ alles was wir sein vnd besitzen.

Das dritt Gebott/ du solt den Feiertag heiligen. Gleich
wie Gott der H E R R im ersten Gebott das hertz/
vnd im andern den Mundt erfordert/ das sie beide rein se-
en/ Also erfordert er in dem dritten auch das eüsserlich
Werck/ das wir sine thun sollen/ wöllliches vnsern näch-
sten Menschen nichts/ sonder allein Gott vnd einen jeden
Menschen in sonderheit angeht. Was ist es aber für ein
Werck? Es ist ein sollich Werck/ das wir mit müssig geen
künden außrichten/ nämlich den Feiertag heiligen/ das
sollen nicht allein die Etern/ sonder auch alle ire Kinder/
Knächt vnd Mägde thun. Nun ist es ein wonder/ das wir
sonst alle nicht gern schaffen/ vnd da vns vnser H E R R
Gott heist feiren vnd rhawen/ da wollen wir schaffen?
Gott hat die sechs tag geben zûschaffen/ vnd deinen Leib
vnd irdisch Leben zûversorgen/ Am sibenden tag solt du
feiren vnd Gott in dir arbeiten lassen/ vnd dein Seel mit
dem Himmelbrod speisen/ das ist/ du solt nider sitzen/ vnd
nur zûhörn/ was dich dein Gott leeret/ das du es die tag
deines Lebens thuest/ auch wißest/ wie Gott gegen dir ges-
timmet sey. Zu dem Müßiggang kan man die Zeit weder
jung noch alt an vilen orten bringen. Ebe sie müßig
giengen/ sie siengen ebe vnder der Predig ein Zech/ Spil
oder

Exod. xvi.
Job. viij.
Job. xiiij.

den Catechismum. xliij.

oder sonst etwas an / das heist aber den feiertag nicht heiligen / vnd Gott wüdt auch sollichen Vätern vnd Kindern Arbeit nicht segnen / weil sie jme seinen rha nñ feiertag nicht heiligen / wie wir newlich gehört haben. Man soll das Wort Gottes mit allem fleiß gern hören / vnd lernen darnach das leben anrichten. Wann man aber Gottes wort nicht gern hört / so tröret vnser Herr Gott einen Hunger seines Wortes / da er durch den Propheten Amos also spricht: Es kompt die zeit / spricht der Herr Herr / das ich einen Hunger in das Land schicken werde / nicht einen Hunger nach Brodt / oder Durst nach Wasser / sonder nach dem Wort des Herren zühören / das sie hin vnd her / von einem Meer zum andern / von Mitternacht gegen Morgen umblaufen / vnd des Herren Wort suchen / vnd doch nicht finden werden. Disz wer ein Straff über alle Straffen. Darumb wir gegen Gottes wort danckbar sein / dasselbig gern hören / vnser Kinder vnd Bfind darzu ziehen sollen / auff das wir Gott nicht msach geben / solliche Straff über vns vnd vnser Kinder zugehn lassen.

Amos viij.

Vnd souil von der ersten Tafel / wie wir vns mit Herzen / Mund vnd Wercken gegen Gott halten sollen. Nun volgt die ander Tafel / die hat sibben Gebot / die vns lehren / wie wir Knecht vnd Mägd vns gegen einander halten sollen. Dann wie ein Hausvatter nicht zufriden ist / wann sich die Kinder gegen jme recht geschaffen halten / sonder er will auch / das seine Kinder / Knecht vnd Mägd vnder sich selbst einig bleiben / vnd keins das ander in einichen weg belaidige / Also lasse sich auch Gott nicht benügen / wann du dich gleich gegen jme leidentlich hieltest / vnd aber dich mit
E deinem

Die dritt Predig über

deinem Nächsten nicht vertragen wöltest / sonder demselben laid und schaden zufügest. Darumb hat er auch mit seinem finger in die andern Tafel sieben Gebott geschriben / daraus wir lernen / wie wir uns auch gegen unsern Nächsten halten sollen / das Gott nicht dardurch wider uns erzürnet werde.

Im vierden Gebott / wölchs das erst ist in der andern Tafel / leret er uns / wie wir uns gegen den Oberknechten Gottes halten sollen / die Gott alle mit zweien Worten begriffen / nämlich / Vatter nñ Mütter begriffen hat. Dardurch werden verstanden / Kaiser / König / Fürsten / Rauen / Pfleger / ie Herren und Frauen / und alle die Gewalt über uns haben. Die beuolcht der Herr zu ehren / das ist / wir sollen ihnen nicht allein gehorsam / sonder mit aller ehrentbietung thun / was sie uns beuelhen / und nicht anderst halten / als wann wir Gott selbst hören reden / so sie gebieten / das nicht wider Gott ist. Wan wir jetzund Christum leiblich sehen / und er wölle einem etwas beuelhen / so wäre ein jedes Kind gedanken / Als wann es Christus mit beuelhe. Nun sollen aber alle Kinder wissen / wann sie ihre Eltern / Vatter oder Mütter etwas beissen / so sollen sie nicht anderst gedanken / als wann sie Christum vor ihren Augen sehen / der ihnen solliches beuelhe / und wissen / das die verheissung an ihnen gewisslich war werde / da der Herr sagt: Sollichen gehorsamen Kindern / Erhalten und Endersohnen soll es wol gehn / und sie werden lang leben. Dargesagen aber werden die ungehorsame Kinder und Besind umb ihres ungehorsams willen gestafft / das sie nicht lang leben / nñ kein Segen / Glück / noch Wolsart auff Erden haben / wie

Ephes. v.

Colos. iij.

Gen. iij. ix. xxi.

ij. Sam. xv.

wie die Exempel Cain/Cham/Jamael/Absolon/ Esau und anderer bezeugen. Wan ein Fürst schickt ein Diener zu einem Bürger/ so würde jme umb des Fürsten willen alle Ehr gezeigt/ vngesehen/ wie er für sein Person ist. Also sollen wir Gottes willen die Kinder jren Eltern/ vnd die Vnderthonen jrer Oberkeit alle Ehr zeigen/ dann sie sind uns an Gottes statt/ wir von Gott fargefetzt worden. Hat der Oberknecht vnrecht/ sein Herr würde in wol darumb finden/ aber der Vnderknecht soll darumb dem Oberknecht schuldigen Gehorsam nicht entziehen.

Im fünfften Gebott/du solt nicht tödten/gebiet Gott/das wir unserm Nächsten an seinem Leib und Leben kein Schaden zufügen/ das erklärt Christus im Euangelio/ Math. v. und begreift darunder den Zorn/ Wollen/ Neid vñ Hass/ Zank vñ Hader/ wie auch Ioannes schreibet: Wölcher j. Joan. iij. sein Brüder hasset/ der ist ein Todtschläger. Es hat aber der Herr das Leben des Menschen so hoch geachtet/ das er auch ein gar ernstlichen Beuelch gegeben: Wann man ein erschlagen auff dem Feld gefunden hat/ wir nicht gewüßet/ wer in erschlagen hat/ hat man von dem erschlagenen zu den umbligenden Stetten gemessen/ wölche Stett nun die nächst gewesen ist/ derselben Eltesten haben müssen ein junge Kib von den Kindern nemen/ vnd fürn an ein fischeten Grund/ der weder gearbeitet/ noch beset sey/ vnd daselbst im grund j den Hals abhawen/ darmit widerumb Blüt vergossen werde. Darumb sollen sich die Kinder von jugent auff Frid vñ Einigkeit befließen/ vnd von allem Zank vñ Hader abziehen/damit sie nicht etwann in jrem Alter in ein sollichen laidigen Fahl gerhaten.

E ij Das

Die dritt Predig über

Das sechtes Gebott / du solt nicht Ebrechen. In disem Gebott / verbeit der H E R R alle Unzucht / die mit des nächsten Egemabel mag geübt werden. Denn nach dem Leib vnd Leben / hat ein ehelicher Mann nichts lieber / denn sein ehelich Gemabel / die Gott ordentlich zusamengefügt hat / das zwey ein fleisch seien. Es verbeit aber der H E R R nicht allein die That vnd das vnzüchtig Werck / sonder will auch hiemit verbotten haben alles / das risach zu sollicher Unzucht geben mag / als da seind vnzüchtige Wort / vnzüchtige geberde / freche vnd schamlose Liedlin / hochfertige Klaiden / vnd was dergleichen mehr sein mag. Hatte auch im alten Testament die Straff des Todes darauff gesetzt / das der Ebrecher mit der Ebrecherin ist mit Steinen zu todt geworffen. Was es aber die Oberkeit vngestraft hatt lassen hin gehn / da hats der H E R R mit erschrockenlichen Landesvnderben gestrafft. Wie im Sündflaß vnd den fünf Scetten zusehen / die mit Schwebel vnd Fegew vom Himmel herab seind verderbt worden. Darumb wer nicht allein sein leben zeitlich / sonder sein Seel ewig erhalten will / der befließ sich der Keuschheit vnd zucht / wie geschriben steht / Selig seind / die eins reinen Hertzzen seind / den sie werden Gott anschawen / so dargegen die vnzüchtigen Hertzzen müssen der Teuffel gellen sein ewiglich.

Das sibende / du solt nicht stelen. Hie verbeit der Herr / das wir vnsern Nächsten an seinem Gut kein schaden zufügen sollen / es sey heimlich oder öffentlich / sonder wa wir in sehen stecken in einer noth / inne sovil möglich / helfen vnd rhaten / damit er sein Gütlin vnd Armütlin möge behalten.

den Catechismum xvi

behalten. Von diser Sünde soll man in der Jugend die Kinder ziehen / vñ nicht übersehen / wenn sie etwas frembds heim bringen / sonder bald wider lassen an das ort tragen / da sie es genommen haben / vñ vmb des stelen willen mit der Rütten züchtigen / den wa die Eltern das nicht thün / so muß es hernach der Henschler thün / mit schanden der Kinder / vñ hertzen laid der Eltern. Pro. xxiij.

Das acht / du solt kein falsche Zeugnuß reden wider deinen Nächsten. In diesem Gebott / würde in summa verboten die Lügen / vñ gebotten die Warheit. Die Warheit ist einerley / nämlich sagen vñ reden von ein ding / wie es an jm selbst ist / die Lügen aber ist mancherley. Als wenn einer ein falschen Eid schwöret / wenn einer von ein ding thut / oder darzu thut / wenn einer dem andern sein Ehr abschneidet / heimlich nachredet vñ verkleinert / Disß Laster hasset Gott sonderlich / so feinde jm auch die Menschen feinde. Denn was kan doch feindseligers sein / denn wenn ein Mensch verlogen ist / vñ man nicht waiß / wenn er die Warheit redt oder leugt. Sollichß Laster sollen die Eltern eben so wenig / als das stelen / iren Kindern gestatten. Dann es seind geschwoisterige Kinder / vñ gemeinlich bey einander / Wer leugt / der stilt auch gern / darauff aber nichts / dann Schand vñ Schmach volgt. Die Kinder aber sollen gezogen werden / das sie die Warheit sagen in allen dingen / niemandt nachreden / sonder von mängtlichen güts reden / vñ sein Schand nicht mit Lügen / sonder stillschweigen zudecken / das gfele Gott wol. Ephes. a. Pro. xxij.

Das neündt vñ zöbende Gebott / du solt nicht begern deines nächsten Haus. Du solt nicht beagn deines nächsten

Die dritt Predig über

Weib/ Knecht/ Magt/ Dich/ oder was sein ist. Dife
Gebot seind ein Erklärung/ der fünff vorgehenden Gebot/
vñ lehn vns/das sich Gott nicht will zalen lassen/das
auch seinen Gebotten noch nicht gnüg geschehen seie/ wenn
wir gleich vnserm Nächsten/ weder an seinem Leib/ noch
Gemahl/ Kindern/ Vätter vñnd Namen keinen Schaden
zūfügen sollen/ sonder er will auch/ das wir vns dessen nicht
gelusten lassen. Denn wenn dir Gott heet wollen ein Weib/
ein Gebalten/ Reichthumb/ Estande vñnd Namenges
ben/ wie deinem Nächsten/ er heete es wol künden thān.
Nun er es nicht gethon hat/ so will er/ das du dich solliches
auch nicht gelusten lasset/ den diser Gelust ist Sünde. Es
ist gestolne arbeit/ mach du daraus was du wilt/ die Wele
beles wol nicht für Sünde/ aber für Gott ist es warhafft
Rom. viij. eig ein Breuel/wie der Apostel sagt/ Ich wisse nichts von
der Lust/ wa das Esatz nicht hee gesagt/ laß dich nicht ge
lusten. Also sehen wir/ das Gott in disen Gebotten ein
gantz vollkommen Menschen erfordert/ der kein fähl noch
mackel habe/ weder in seinem Herzen/ noch auff seiner
Zungen/ noch an andern seinen Gliedmassen/ sonder er soll
heilig sein vñnd vollkommen an Leib vñnd Seel/ vor Gott
vñnd dem Menschen.

Also habe nun jr lieben Kindlein das erst Hauptstück
der Christlichen Leer/ nämlich die zöben Gebot/ auff
das aller kürtzest vñnd einfeltigest erkläret/ vñnd daraus den
willen Gottes gelernet/ das jr nun wissen/ was Gott gfall
oder nicht gfall/ waran jr recht thon/ oder nicht recht thon.
Die seindt so kürtz/ einfältig vñnd dencklich gestellt/ das ein
jeder dieselbig leichtlich fassen vñnd verstehen kan.

Darumb

den Catechismum.

rbij

Darumb jr Eltern/wann jr heim kommet/ so solt jr
 ewere Kinder furenemen vnd fragen / was sey geprediget
 worden: da werden die Kinder sagen/ lieber Vatter/ oder
 liebe Mütter/ der Prediger hat die löben Gebott gepre-
 diget vnd ausgelegt. So frag du dein Kind weiter/ hast
 aber auch behalten: vnd das Kind hat nichts behalten/
 sonder ist gefessen schmetzen/ soltu sie mit der Rütten züch-
 tigen: Welches aber behalten hat/ das würde sagen/ Vat-
 ter ich kame/ der Prediger hat gesagt / vnser Herr Gott/
 hat ein kurtze Landtsordnung in zwö Tafflen geschriben/
 vnd vns an die Steinen/ ja ins Hertz hinein gegraben. In
 der ersten Tafel seind drey Gebott/ die leeren vns/ das wir
 ein rechte aufrichtig Hertz zu Gott haben / in rechtem
 Glauben / in rechter Lieb/ vnd rechter Forcht/ das wir
 nichts höhers halten dann in: Wir sollen sein Namen nicht
 vnnützlich brauchen / die Predig vnd sein Wort gern hö-
 ren / den Eltern alle Ehr gehorsamlich erzeigen / vnsern
 Nächsten kein Schaden weder an seinem Leib/ Gema-
 bel / Ehr/ noch Gut zufügen. Darumb Vatter soltu
 dich zu mir versehen/ das ich mit der hilff Gottes/ will ein
 frombs Gottesfürchtigs Kind werden / du solt kein Fluch
 dein lebenlang von mir hören / will die Predig fleissig be-
 suchen/ so bald man leitet/ Vatter/ so will ich der Kir-
 chen zulauffen/ ich will dir vnd der Mütter gehorsam sein/
 ich will mit niemande zanken oder hadern / ich will mich
 hütten vor allen schamparn vnzüchtigen Worten vñ Wer-
 cken/ ich will niemande etwas jelen/ will dir mein leben-
 lang kein lügen sagen/ will mich auch zu denen Vätern nicht
 gesellen/ die zänkisch sind/ die schampar rede/ die liegen/ ste-
 len/

Die dritt Predig über

len/hinder Kirchen gehn / vnd iren Eltern ungehorsam
sein/Wölches Kind souil auß der Predig gelernet hat/das
hat gnüg gelernet.

Also sollen jr Eltern ewere Kinder examinieren/so bei-
ligent jr den Feyrtag mit jnen/vñ wa jr es mit fleiß thun/
werden jr nicht allein fromme Kinder ziehen / sonder auch
an den selben zeitliche vnd ewige Wolsart vnd Ehr erleben.

In der folgenden Predig / wöllen wir hören / war-
umb die zöhen Gebott gegeben seind / jetzt ist es
gnüg/wann die Kinder vnd das Gesind/
dieselben ordenlich erzölen künden/
vnd wissen/was Gott dar-
innen gebotten vnd
verbotten hat.



den Catechismum xviij
Die vierdt Vesper
Predig.

Warumb die zöhen Gebott gegeben/ vnd
warzû sie nutz vnd güt seyen.

Inder nechsten Predig habet jr Kinder auff
das kurtzest vnd einfaltigst das erst Haupte-
stück der Christlichen Leer/ lernen verstehn/
was Gott darinnen gebiet vnd verbiet/ was
güt oder böß/ was recht oder vnrecht/ was
wir thun oder lassen sollen. Dertund wollen
wir hören/ warumb dise zöhen Gebott gegeben/ vnd war-
zû sie uns nutz vnd güt seien.

Zum ersten werden Leute gefunden/ die da glauben vnd
halten/ Gott hat darûm dise zöhen Gebott seinem Volck
durch Mosen gegeben/ das sie dieselbigen mit iren Wercken
erfüllen/ vnd dardurch die Seeligkeit verdienen vnd er-
langen. Leeren auch/ das es möglich sey dieselbige zu halten
vnd zu erfüllen. Dann Gott gebiet nicht vnmögliche ding.
Disen Leuten fählet es daran/ das sie nicht wissen/ wann
die zöhen Gebott erstlich gegeben seien/ sonst weren sie in
disen Irthumb nicht gefallen. Ir Kinder solt aber nicht
gedencken/ das die zöhen Gebott erstlich auff dem Berg
Synay gegeben seien/ als weren sie zuor nit auch gewesen.
Sonder unser lieber Herr vnd Gott hat sie geben/ so bald
die zwey ersten Menschen/ Adam vnd Eva in die Welt
geschaffen

Die vierdt Predig über

geschaffen sein/ vñ hat sie nicht in steine Tassen gegraben/
sonder Adam vnd Eua in das Hertz vnd Seel geschrieben/
die nach dem Ebenbild Gottes sind erschaffen worden / in
Gene. 1. gerechtigkeit vñ heiligkeit. Was nun Gott in seinem
Ephes. 1. Götlichen Wesen ist / das hat in disen zweien Bildern ge-
scheinet vñ geleuchtet / vñ wann sie nicht gefallen weren/
so heet der Herr dise Gebote in kein steine Tafel schreiben
dürffen / denn der Mensch hat sie im Herten gehabt / wie
wir zñ gñten theil / auch nach dem fahl derselben er-
kennnuß haben. Dennes sey der Mensch so Gottlos als
er immer wölle / so kan er dannoch nicht aller dings die gö-
hen Gebote auß seinem Herten kratzen / die Gott hinein
geschriben hat. Das Gesetz bleibe / was du nicht wilt / das
Matth. 23. überheb auch deinen Nächsten. Es ist auch dem ersten
Menschen Adam vnd Eua nicht vñmüglich / sonder leiche
vñ müglich gewesen / dise Gebote vollkommen zñhalten / den
sie waren zñm Ebenbild Gottes erschaffen / vñ hetten ein
freien willen / der nicht verderbt ward / sonder vollkommen
vñ frey / der es hat halten mögen oder nicht. Denn nach
der Erschaffung hat er in jme selber kein erib zñm bösen
gehabt / er ist gleich in der Wag ingestanden / hat mögen
bestehn oder fallen / wie Syrach schreibt. Der Herr hat
den Menschen von anfang geschaffen / vñ jm die Wahl ge-
geben / willen so hale die Gebote / vñ thñ was jm gefelt / im
rechten vererawen / Er hat dir fñer vñnd Wasser farges-
stelet / greiff zñ wölldem du wilt / da ist es dem Menschen
müglich gewesen. Aber da er sich hat verfürten lassen / da ist
sein verstande dermassen veruncfelt / vñ sein will also ver-
fñret worden / das jm vñmüglich ist / das Satz Gottes vol-
kommen

den Catechismum.

rix

Kommen zähalten. Wie der Apostel zeuget / fleischlich ges
sinnet sein / ist ein Feindschaft wider Gott / seittemal es
dem Gesetz Gottes nicht runderhon ist / dem es vermag es
auch nicht. Was kan deutlicher ghat werden / dann das hie
der Apostel schreibe / es sey uns unmöglich das Gesetz
Gottes züerfüllen. Rom. viij.
Galat. ij.

Da nun der Mensch durch den Fahl also jämertlich züges
richtet ward / der zuvor ein schön Bild Gottes gewesen /
der ist jetzt ein feindselig / abscheulich Bild des laidigen
Teufels worden / in dem das erkennenuß des Göttlichen
Willens hefftig vertunckelt ward. Da hat Gott sein Ge
setz auff dem Berge Sinay widerumb erneuerten wollen /
warumb: das es wir erfüllen sollen: nain / Den er weißt /
das es nach dem Fahl uns unmöglich ist / warumb denne
das wollen wir jetztund hören / Nämlich umb dreierley re
sach willen.

Zünersten / das sie uns unserer Sünd erinnerten / vnd
wir darauff lerneten / die selbige rechte erkennen / vnd für vnd
für vnder der Hand Gottes uns demüetigen. Das will ich
euch Kindern in einer Gleichnuß züerstehn geben: Es ist
ein Herr / der hat ein Hausknecht / dem beuillt er / er soll
trew sein / daß so er vntrew erfunden werde / soll er gehenck
werden. Der Hausknecht laßt sich das Belt blinden / wäre
vntrew / cregt ab / vnd stilt seinem Herren. Der Herr het
wol gütten sag / das er in hencken ließ / ehäts doch nicht. Als
ber er laßt ein Täfelin machen / vnd laßt darein schreiben:
Der Hausknecht soll trew sein / so er aber vntrew erfunden
würde / soll er gehenck werden. Das Täfelin henckt er an
ein Wand / da der Knecht alle tag mitß fürgehn vnd lesen /

f ij Was

Die vierdt Predig über

Was ist dem Hausknecht diß Täfelin nutz: das er kein Dieb werde: Nein/ er ist ein Dieb gewesen/ ehe das Täfelin gemacht ist worden/ was nütze es dann: Es ist darzu gut/ so oft der Hausknecht fürüber gehe/ rind liest sein Mißhandlung vnd Straff/ die er wol verdienet/ sein Herr aber laßt sie nicht an jm volstrecken/ das er sein Mißhandlung beweien/ sich vnder der hand seines Herren demüctige/ niderträchtig vnd verschlagen herein gehe/ nicht stolz oder hochmüctig werde. Dann so oft er das Täfelin ansicht/ bedencke er/ was er verschuldet habe/ erschricke darab/ es ist jm laid/ wolte gern er hett es nicht gethon.

Gen: 3.

Joh. 11.
Eph. 3.

Ein solliche gestalt hat es rumb das Befehl Gottes vnd uns arme Menschen. Aldam was ein Hausknecht im Paradyß/ vnd ward jm sampt seinem Weib beuolhen/ sie solten treu sein/ aber sie seind vntreu worden/ vnd haben unsern Herrn Gott abgetragen. Was: ein Apffel. Soll das so groß ding sein: Es ist ein schlechte ding rumb ein Apffel/ Aber es ist nicht ein schlechte ding Gottes Wort/ das lautet also: Du solt nicht essen von dem Baum wißens gut vnd böß/ dann wölches Tags du darvon issest/ wirst du des Tods sterben. Diß Gebott ist ein groß ding/ das haben Adam vnd Eva übertretten/ vnd seind Dieb worden/ vnd unsern Herrn Gott gestolen/ darumb seind sie auch sampt iren Kindern vnd Nachkommen des Tods schuldig. So bald Adam das thut/ hangt jm das Täfelin vor der Nasen/ vnd da in der Herr rufft/ Adam/ verkreicht er sich vnd darff sich nicht sehen lassen. Desgleichen auch sein weib Eva/ vnd ob sie sich gleich vnderstehn züensschuldigen/ so
machen

den Catechismum xx

machen sie doch darmit böß noch erger / legt eins die schuld auff das ander / so sie beid schuldig seind.

Weil dann wir dises Hausknechts Gottes Nad kom: Joh. iij. inen sein / vnd eben die art haben / die er hat / damit auch wir uns für vnd für demüetigen vnder Gottes gewaltiger Hand / so hat vnser lieber Herr vnd Gott dises Täfelin vnder die Augen gehenckt / wir stehn auff oder gehn nider / das wir uns on vnderlaß darrinnen erschen vnd lernen erkennen / was wir für ellende Leute seind vor Gottes angesicht. S. Jacob vergleicht das Gesetz einem Spiegel. Jacobi. j. Dann zü gleicher weis / wie einer in einem Spiegel die flecken am Angesicht sehen kan / die er sonst nicht sehe / Also wann wir in den Spiegel Gottes Gebott sehen / so finden wir vil grosser Sünd vnd Vnrecht / das wir sonst nimmermehr erkennen / wie wir dann in der auslegung der zöhen Gebott gehört / deren wir keins gehalten / sonder alle überretten haben.

Darumb sagt der Apostel: Aus dem Gesetz kompt er: Rom. iij. vij. kamm auß der Sünde. Vnd abermals: Ich heet nichts gewist von der Lust / wann das Gesetz nicht saget: Du solt dich nicht lassen gelusten. Da David ein Gebruch beging / 2. Reg. xij. achet ers nicht so grosse Sünde / als da ihm der Prophet Nathan das Täfelin vnder die Nasen hielt / da fieng er erst an rechte Bäß wircken. Also demüetiget uns das Gesetz / zerschmettert unsere Hertzen / erschrecket unsere Bewissen / prediget den zorn Gottes / vnd bringt uns zü einer rechten / waren Reu / das wir die Sünd recht erkennen / vnd herzlich beweinen.

Die vierdt Predig über

Zum andern / warzu seind sie mehr geben / warzu seind sie mehr nutz: Das wollen wir von einem Lächerlin oder einer Köchin lernen / die auff einer ehlichen Gastung auß der Kuchin in die Stuben geht vnd fürerregt / vnd ist als lenthalben rhomig vmb das Angesicht / da nun die Best der Köchin lacheten / lauffe die Köchin eilendes über den Spiegel / vnd sihe das sie rhomig ist / sie als bald einem reinen Wasser zu / vnd wäscht den Riß ab. Der Spiegel hat sie nicht gewaschen / dann wann sie gleich einen halben Tag vor dem Spiegel gestanden were / so were sie nicht sauberer worden. Aber der Spiegel hat sie zum Wasser getriben / das sie sich wäsch / sonst were sie mit dem rüssigen Angesichte noch lang vmbgelauffen.

Also seind wir alle rüssig durch die Sünd / durch des Satans list vnd betrug worden / der uns vnder das Angesichte gefarn ist / mit seinen schwarzen Klauen. Wann wir nun in das Gesetz sehen / so macht es dz Gesetz nicht hüpscher / wie der Apostel zeiget: Wann ein Gesetz gegeben were / das da künde lebendig machen / so keme die Gerechtigkeit warhafftig auß dem Gesetz. Aber die Schrift hat es alles beschlossen vnder die Sünde / auß das die Verheißung keme / durch den Glauben an Jesum Christum / gegeben denen / die da glauben. So zeiget uns nun der Spiegel / wir sollen uns vmb Wasser vmbsehen / das uns die flecken abwasche. Wer ist das Wasser: Johannes sagt. Das blut Jesu Christi macht uns rein von aller Sünde. Also leeret Paulus: Das Gesetz sey ein Zuchtmeister auß Christum / das wir durch den Glauben gerecht werden / dz ist / Das Gesetz / weil es uns nicht reinigt

Gal. ij.

j. Joan. i.

Gal. iij.

gen

den Catechismum xxi

gen kan / sonder zeigt uns allein vnser Unreinigkeit an/
weist uns auff Christum / der hat ein rein sauber Wasser /
damit er uns von allen vnsern Sünden reinigen kan / das
aus seiner Seiten geflossen ist. Also sagt auch Christus: Joan. xij.
Wer gewaschen ist / der bedarff nichts / denn das er die Füß
wasch / dann er ist ganz rein. Also rein der Herr Christus
ist in seinem Gehorsam / so rein ist ein jeder gläubiger
Mensch / der sich dieses Wassers hat theilhaftig gemacht /
vnd ist darnit gereinigt worden.

Zum dritten / hat das Gesetz noch ein Eigenschafft /
wie der Spiegel / denn wie dir der Spiegel anzeigt / wann
du schön oder häßlich sein wöllest / was du sollest anrühren o-
der nicht anrühren / also zeigt dir auch das Gesetz Gottes
an / wenn du gereinigt bist durch das Blut Christi / was
du hinfüro thun oder lassen sollest / darnit du nicht wider
in Gottes Zorn fallest / vnd das lest erger werd mit dir /
dann das erst. Hat sich die Kechin am Kessel oder Pfannen
rhonig gemacht / so lerne sie ein ander mal die Pfannen
am rechten ort angreifen / da sie nicht so rüßig ist. Also ist
die ganz Weile nichts anders / dann ein rhoniger Kessel
vnd rüßige Pfann / daran sich einer bald rhonig vnd rüß-
ig mache. Syrach spricht: Wer Ruch angreiffet / der be- Syrach. xij.
sudelet sich damit / vnd wer sich gesellet zum Hoffertigen /
der lernet Hoffart / die Hoffart ist ein rhoniger Kessel /
wenn ein Mensch hoffertig wurde / so hat es der Teuffel
mit Ruch angestrichen. Eua grüß erstlich den Kessel sein Gen. iij.
berlich an / da sie sich entschuldiget auff Gottes Gebott /
wer sie nur darauß gebliben. Aber / da sie dem Teuffel
folget / hat er sie auch heßlich vnd rüßig gemacht / das sie je
selb

Die vierdt Predig über

selb nimmermehr hat gleich gesehen.

Johan. viij. Also ist stülen vnd lügen ein rüssiger Kessel / denn wann ein Bäß leigt oder stilt / so würt er schwarz wie der Teüfel / denn er ist ein Vatter der Lugin / vnd sehen die Bäßben alle dem Teüfel gleich / die liegen oder stülen.

Also flachen ist auch ein rüssiger Kessel / wer sein Mund zur löstung Gottes auffhebt / dem hat der Teüfel die Zungen rüssig gemacht / das sie dem Sathan gleich siben.

Also ist der Gebrauch ein rüssiger Kessel / wer mit seines nächsten Weib oder Kind vnzucht treibe / der ist so rüssig worden / das Gott in güte rsach hette zänerstossen in abgrund der höllen.

Der Geitz ist auch ein rüssiger Kessel / denn wenn du vil Gutes zusamen bringst / so streicht dir der Sathan ein rüssige Farb an / das du dem Mammon dienest / stoltz vñ hochmüctig werdest.

Die Trunckenheit ist ein feindseliger / rüssiger Kessel / wer sich daran beromet / da sieht man / das er nicht mehr ein Mensch ist / wie vor / hat sein vernunft verloren / wütet vnd tobet / lestert Gott / schendt vñ schmächt die Leut / trachtet nach vnfrid. Das mag nur wol ein rüssiger Man sein.

Plutarchus. Es schreibe ein weiser Heid. Es künden beides hüpsche vnd feindselige den Spiegel nützlich brauchen. Ist ein Mensch schön von Leib / vnd sieht in Spiegel / so soll er gedanken / das er seinen Leib mit keiner Sand verunreinige. Dann ein schönen Leib / ziert ein fromme Seel. Wann aber der Leib schön vnd die Seel vnrein / vnkeüsch / hochfertig ist / so ziert er den Menschen / wie ein guldene Spang
ein

den Catechismum. xxij

ein Sarv auff dem Riessel/ wie Salomon sagt: Ein schön Prouerb. xj.
Weib on Zucht/ ist wie ein Sarv mit einem guldin Haar-
band. Siehet dann ein heyllicher Mensch in ein Spiegel/ so
würde er erinnert/ das er sich dest mehr an der Seel ziere/
vnd erstatte/ was im Gott am Leib versaget hat. Also ha-
ben auch wir alle in den Spiegel Gottes Besatz zusehen
vnd zülernen/ wer from ist/ durch den Geist Christi/ das
er from bleib/ der nicht from ist/ dzer sich befeisse fromer
zu werden/ alsdann werden wir disen Spiegel nützlich
brauchen. Der aber nun obenhin darein sicht/ vnd vergisset
wie er gesehen hat/ dem ist er nichts nutz/ wie S. Jacob Jacobi j.
leeret: Das seind die Leute/ die zün zeitten in die zöhen Ges-
bott sehen/ vnd vergessens gleich wider in irem leben/ rñ ge-
den. Ken nicht/ was inen übel angestanden ist/ das sie es mei-
deten. Denen Leuten ist eben/ als wann sie die zöhen Ges-
bott nie gesehen hetten: inen auch schädlich/ Dann es wer in ij. Pet. ij.
vil besser/ das sie es nicht gewußt hetten/ dann das sie sich
feren von dem heiligen Gebott/ zu irem eitelten wandel.

Das wir aber nach den Gebotten Gottes leben sollen/
zeiget S. Paulus/ da er schreibet: So seind wir nun liebe Rom. viij.
Brüder schuldner/ nicht dem fleisch/ das wir nach dem
fleisch leben/ dann was ir nach dem fleisch lebent/ so werden
ir sterben müssen/ Das fleisch ist nicht so wol vmb vns ver-
dienet/ das wir inie einiche dienst schuldig weren/ aber der
Herr Christus ist wol vmb vns verdienet/ das wir vns
billich nicht allein als Schuldner erkennen/ inie die tag
vnsers lebens züdienem. Solten wir doch sollich nur von
den Velekindern lebmen/ wann einer einem nur drey Heller
in der nott hat fürgestreckt/ so weißt der Schuldner
B nicht/

Die vierdt Predig über

nicht/ wie er den gnügkam züforderst halten soll nñ eben/der
1. Pet. i. im geliben hat. Christus hat uns aber nit Gold oder Sil-
ber/ sonder sein Leib nñ Leben für gestreckt/ warumb sol-
ten wir dem nicht schuldig sein/ uns seines Willens zübes-
fleissigen?

Wann ein armer Man umb seiner Missethat willen
zum Tode erkennet were/ der Nachrichter fürte ihn zur
Thonarbucken und wölte in errencken. Es kam aber ein
frommer ehlicher Man/ schnit dem Hencker den Strick
ab/ machet den armen Man ledig/ und ließ sich an sein stat
errencken. Was meinst du/ das diser arm Mensch/ dem
Frommen für ein danck schuldig were? Oder warmit will
er in vergleichen/ der sein Leben für in geben hat? Wenn
aber der arm Man von der Bucken haim gieng/ und sieng
an den frommen Man zülöstern/ der sich für in hat erren-
cken lassen/ was würden die Leut von ime sagen? sie wür-
den sprechen/ er were der grössst Bößwicht/ der auff zwei-
en Beinen gehn möchte/ und werde/ das er dem Hencker nit
allein wider an Strick gefasset und errencket/ sonder/ wo
möglich/ zöhen tödt anhäng solt.

Der arm Man und Ibelthäter seindt wir arme Sü-
Rom. viij. der/ die der Nachrichter Gottes der Teuffel/ schon an
Strick gehabt/ und den ewigen höllischen Pfal zügeführt
hat. Da kompt unser Herr Christus/ schneidet den
Strick ab/ lasset sich umb unsern willen errencken/ und
sencken in abgründe der Höllen/ und macht uns also ledig
von allen unsern Sünden. Seindt wir ime denn nit schul-
dig danckpar züsein/ und dienen/ die tag unsers Lebens/ in
für und für vor unsern Augen haben/ und mit dem wenig-
sten nicht wider in handlen? Was

den Catechismum. xxij

Was sollen wir aber von dem halten / der im nicht allein
mit danckpar ist / sonder schändet vñ löstert in erst darzu. Ist
er nie werde / das er dem Schencker wider an die Handt er-
kenneet werde: wie geschriben steet: deren Verdammnis bil-
lich ist / deren keiner auch des Reich Gottes ererben würt. Rom. 17.
ij. Cor. vj.
Galat. vj.

Wer aber dem Herren Christo danckpar sein will / der
würde gewißlich offte in disen Spiegel sehen / darmit er sich
vor Sünden beware vñ in der Huld Gottes bleibe / dar-
ein in der Son Gottes durch sein Verdienst gesetzt hat.

Also habe jr liebe Kindlein / warzu euch die zöhen Ge-
bott nutz vñ gut sein / ob jr gleich nicht dardurch künden
selig werden. Nämlich / das jr auß disem Täfeln lernen
eure Sünd erkennen / vñ durch disen Spiegel getrieben
werden / Christum / das Wasser / züsachen / der uns raini-
get / Auch / wie er uns weiset / was wir meiden sollen / so
wir rain bleiben wollen.

Das sollent jr Elter mit eweren Kindern daheimbe-
setzundt üben / vñ sie fragen / was sie auß diser Predig ge-
lernet haben / die es behalten / werden sagen / Vatter / ich
hab gelernet / das die zöhen Gebott seyen ein Täfeln /
darauf wir lernen unsere Sünd erkennen. Ich hab auch
daran gelesen / vñ befind / das ich ein grosser Sünder bin.
Darnach hab ich auch gelernet / wie mich diser Spiegel
weise auff das Wasser Christum / der uns von unsern
Sünden reiniget. Zum letzten / wie wir den Kessel an-
greiffen sollen / das wir nicht römig werden. Vñ solt dich
zu mir verschew Vatter / ich will mich zu keinem Bösen
mehr gesellen / der rässig ist / wann einer leugt / stult / schwö-
ret / will ich von im gehn / vñ sehn das ich fromm bleib.
Wer es also behalten hat / der würdt ein frommes Kind
S ij sein /

Die dritte Predig über

sein/ und die zöhen Gebott recht wissen. Solchs verlesche
euch Kindern allen der allmächtig Gott vnd Vatter vn-
seres Herrn Ihesu Christi durch seinen heiligen Geist/ A-
men.

Die fünfft Predig.

Ein kurtze Auflegung der Artickel
vnseres Christlichen Glaubens/ &c.

Ich hab euch/ liebe Kindlin/ in den zwölz vor-
gehenden Predigen das erst Hauptstück
Christlicher Leer außgelegt/ Nämlich die
zöhen Gebott / vnd euch darauß angezeigt/
das die zöhen Gebott ein Tafel in seyen/ dar-
ein jr alle Tag sehen sollent/ euch selbst zäer-
innern/ das jr wißend/ was jr thün oder lassen sollent / vnd
das sie auch ein Spiegel seyen/ der vns vnser Unreinigkeite
vnd Maasen/ nicht allein am Angesicht / sonder am gans-
zen Leib in allem vnserm Fleisch / das ist / an Leib vnd
Seel anzeigt/ vnd vns treibt/ das wir nach einem sollichen
Wasser vns umbsehen / das vns von disen vnsern Fäbl vnd
Mängeln / das ist / von allen vnsern Sünden wasche vnd
reinige.

So volget nun das ander Hauptstück / Nämlich der
Christlich Glaub/ wölcher ein vnderscheid machet zwischen
vns

den Catechismum xxiij

uns Christen / vnd allen andern Völkern die vnder der Sonnen leben. Den müssen wir sonderlich wol lernen / dann darinnen würde das rechte Wasser beschrieben / wölches uns wäscht vnd reiniget von allen unsern Sünden. Es spricht der Herr durch den Propheten Habacuc: Der Gerechte werde seines Glaubens leben. So liebeuch nun das Leben ist / so fleissig solt jr die Artikel des Christlichen Glaubens lernen. Darumb auch die Christliche Elter nicht verziehen / sonder so bald sie immer künden / sollen sie ihre Kinder den Glauben lehren / auff wölchen sie getaufft sein / damit sie nicht allein in der gnad Gottes bleiben / die ihnen der Herr in der heiligen Tauff zugesagt hat / sonder auch darinnen zämenen / verharren / vnd ewig selig werden.

Wir wollen aber die Artikel nicht anderst abtheilen / denn wie sie in ewerem Catechismo abgetheilt sein / Nämlich nach den Namen vnd Personen der heiligen Dreifaltigkeit / in drey Artikel. Der erst ist von der Schöpfung / der ander von der Erlösung des menschlichen Geschlechts / der dritt von der heiligung / von wölchen wir ordenlich nach ein ander hören wollen.

Der erst Artikel lautet also / Ich glaub in Gott Vatter / Allmechtigen / Schöpffer Himmels vnd der Erden. Diser Artikel lehret uns zwey Stuck / das erst / das ein Gott sei / das ist / ein ewig Göttlich Wesen / das weder anfang noch ende habe / vnd von dem alle Creatur sichtbar vnd unsichtbar erschaffen seien vnd herkommen. Vnd solt jr Kinder sonderlich mercken / das Wörtlein / Ich glaub / denn so wir Gott sehen / so derfften wirs nit glauben / wie der Apostel von der Hoffnung schreibet: wie kan

S iij man

Die fünfft Predig über

man das hoffen / das man siehet: Also auch das wir nicht
sehen / glauben wir dennoch / wenn uns Glaubwürdig Lere
1. Tim. vj. darvon sagen. Man zeuget S. Paulus: Gott wohne in ei-
nem Lichte / da niemand zu kommen kan / vnd der Herr
Exod. xxxij. selbst spricht zu Mose / mein Angesicht kanst du nicht se-
hen / denn kein Mensch würde leben der mich siehet. Wie hä-
ret jr Kinder / das man Gott in diser Welt nicht sehen
kan / wir arme Menschen sind vil zu schwach / das wir leis-
den künden oder sehen die Herrligkeit Gottes / das wol
Joan. iijij. Moises vnd Philippus begert haben / aber seindt von jren
Bedanken abgewisen worden. Ob wir nun gleich Gott
nit gesehen haben / auch nicht sehen künden in diser Welt /
nicht dest weniger glauben wir / das ist / wir haben es in
vnserm Hertzen für gewiß vnd vngezweifelt / es seye ein eini-
ger / dreier / Allmächtiger / güetiger / gerechter / weiser /
barmhertziger Gott. Wann zwen auff dem Marcke ein
ander geschlagen hetten / vnd es käme ein warhafftiger
Man / der hets gesehen / vnd sage dirs / so glaubst du / das
ist / du haltest es so für gewiß vnd war / als wenn du es selbst
gesehen hettest. Also das ein Gott sey / haben wir nicht ge-
sehen / aber wir haben warhafftige / vnsehbare Zeugen / die
vns sollichs anzeigen / das wirs glauben.

Es sind aber zwen Bücher / darinnen man geschriben
findet / das ein Gott seie. Das ein Buch / ist das alte vnd
newe Testament / das zeuget von Gott / nicht allein / das
er seie / sonder auch was er mit den Alten vnd Künig vnd
Propheeten geredt vnd gehandelt habe. Der Propheet
Deut. ij. vj. Moises spricht: höre Israel / der H E R R vnser Gott
ist einetiger H E R R / Vnd abermal. Es ist kein
Gott

den Catechismum. xxv

Gott in Himmel noch auff Erden/der es deinen Wercken
vnd deiner Macht künde nachthun. Vnd Esaias: So Esai. xliij.
spricht der H E R R / der die Himmel schafft vnd auß-
breitet / der die Erden mache / vnd jr Gerächse / der dem
Volk / so darauff ist / den Odem gebe / vnd den Geist des
nen / die darauff wohnen. Im neuen Testament / sprichet
der Apostel Paulus / wie wol es seind / die Götter genen- j. Cor. viij.
net werden / es seyn im Himmel oder auff Erden / (seitens-
mal es seind vil Götter vnd Herren) so haben wir doch nur
einen Gott / den Vater / von welchem alle ding sind / vnd
wir in jme / vnd einen Herren Jesum Christ / durch welchen
en alle ding sind / vnd wir durch jn. Dergleichen Spruch
seind vil im alten vnd neuen Testament / welche alle von
diesem einigen / Ewigen vnd Allmächtigen Gott zeugen.
Vnd solliche Leer in barden Testamenten ist mit groß-
sen / unerhörten Wundern vnd Thaten bestätigt worden.

Das ander Buch / welches auch von Gott zeuget / ist
wol ein groß Buch / aber hat nur drey Blätter / die doch
alle wol geschriben seind / nämlich der groß mächtig Bar-
den jr mit ewern Augen ansehent / der Himmel / das Erds-
reich / vnd das Meer.

Der Himmel ist nicht allein groß / sonder auch schön
vnd herrlich mit Sonn / Mon vnd Sternen gezieret / die
jren gewissen / stäten Lauf haben / vnd nicht eines Haars
breite jr gehn / wie geschriben steht: Die Sonne weißt jren Psal. ciiij.
Nidergang. Also alle Planeten / alle Stern / bleiben in
jrer Ordnung wie sie der Herr gemacht hat. Wer in diesem
Buch / vnd in diesem Blat liest / das ist / der da betrachtet
den Himmel vnd seine Zierd / Son / Mon vnd die Stern /
der

Die fünfft Predig über

der muß bekennen / das ein Allmächtiger Gott seye / der
solches alles erschaffen hat.

Also auch das Erdreich / welches ist das ander Blat
in diesem grossen Buch / das man sehen vnd lesen kan / wie
voller Wunder ist es: Es hange niergent an / vnd stehe
niergent auff / vnd ist so schwarz / noch felle es nicht / son-
der steht fest vnd unbeweglich / Ist nicht diß ein Wunder
über alle Wunder? Darumb der Herr im Propheten E-
Esa. xlviii. saia allen Abgöttern den Trutz heut / vnd spricht: Höre
mir zu Jacob / vnd du Israel mein Verlässner / Ich bins/
ich bin der erste / darzu auch der letzte / Mein Hande hat
den Erdboden gegründet / vnd mein rechte Hand hat den
Himmel umbspannet / was ich rüffe / das stehet alles da.
Samlet euch alle vnd höret / wer ist vnder disen / der solches
verkündigen kan: Es ist das Erdreich nicht allein gegrün-
det / sonder auch dermassen gezieret / wo einer hin sibet / so
findet er allenthalben gescriben / das ein Gott seye / Dann
so vil vnd mancherley Verom vnd Früchte / Blümen / vil
mancherley vnd wunderbarlicher Thier / was zeigen sie
anderst / dann jren Schöpffer / der sie gemacht hat: Wann
ein Knab oder Töchterlin in ein Garten gehe / vnd weisse
nicht / was dise Buchstaben bedeuerten / als Büren vnd
Apffel / dem soll man nichts daruon geben. Dann es seind
eitel Buchstaben / die da leeren / das ein Gott seye / der all-
mächtig / weiß vnd gütig ist / dem wir auch von Herzen
für dises alles danken sollen / so oft wir es anschawen.

Das dritte Blat in diesem grossen Buch/ ist das Meer/
vnd seine Zierd/ in wöldem grössere Wunderkhter seind/
dann auff Erden. In das Meer selber ist ein Wunder.
Dann

den Catechismum xxvi

Dann ob es wol höher ist dann das Erdreich / noch überschwemmet es nicht / dann Gott hat es eingefasset / als wann es in einem Schlauch were / vnd nicht weiter laufen kan / dann jm Gott geordnet hat vnd beutlicht / Wie im Psalmen geschriben steht: Der Herr helet das Wasser im Meer zusamen / wie in einem Schlauch / vnd legt die tiefe ins verborgen. Dann wo Gott das Meer nicht hielte / so wurde es das Erdreich in einem Augenblick überschwemmen / vnd alles was ein lebendigen Odem hat / erschaffen.

Psalm xxxij.

Also sehet jr liebe Kindlin / wie man in disem grossen Buch lesen soll / vnd dartinne finden kan / das ein Gott seye. Wie dann durch dises Buch alle Menschen gelert werden / vñ kein Volk so grob auff Erden me gewesen ist / das nicht gehalten oder geglaubt hette / das ein Gott seye.

Zum andern ist hie sonderlich zu mercken / Das wir sagen / in Gott / dann es ist nicht gnüg glauben / das ein Gott seye / sollichs glauben auch die Teuffel / wie S. Jacob schreibt / Aber sie zittern darbey / das ist / es ist ihnen kein Freud oder Nutz. Sonder wir müssen in Gott glauben / das ist / all unser Vertrawen auff in setzen / vnd vns alles guts zu ihm versehen. Dañ also brauchen auch wir Teutsch en das Wörlin / Glauben / so wir sagen / diser Mensch hat einen güeten Glauben / das ist / man darff sich gewiß auff seine Wort verlassen / was er sagt / dem ist gewißlich also / vnd darff niemand daran zweiffeln. Wie nun der Herr verbeit sich auff einen Menschen verlassen / wie geschriben steht im Propheten: Verflucht ist der Man / der sich auff Menschen verlaßt / vnd helet Fleisch für seinen Arm. Also

1. von Gott

Jacobi ij.

Jere. xvij.

S vermanet

Die fünfft Predig über

Jere. xvij. vermanet er uns/das wir gläubē in Gott/das ist/wie Jeremias erkläret/ Besegnet ist der Man / der sich auff den Herren verläset / vnd der Herr sein züuersicht ist. Denn Gott hat einen guten Glauben bey uns/das ist/was er zusaget/das helet er gewißlich/ vnd ob seine Rede vnd Zusagungen fählen solten/ ob müßte der Himmel brechen/ vnd das Erderich weichen/das er gegründet hat. Das Hero **Isa. xl.** verdorret / vnd die Blüm verwelcket / sage der Propheet Esaias / aber das Wort vnseres Gots bleibet ewiglich.

Allein hat es ein Anhang / den wir nicht gern haben / nach dem fleisch / wenn uns Gott etwas verheisset vnd zusaget / so gibe ers uns nicht gleich / wann wir wollen / sondern wenn es jme gefelt / vnd uns nutz vnd gut ist. Mit diesem Verzug probiert offtermals der Herr vnsern Glauben / ob wir waren wollen auff sein Hilff / vnd an jne glauben / das ist / auff jne vertragen / er werde uns nicht verlassen.

Gen. xxxij. Er hat Joseph im Traum geoffenbaret / das er jn wölle zu einem grossen Herren machen / aber es verzögert sich nicht allein lang / sonder laßt sich auch ansehen / als wölle gar nichts daraus werden / sonderlich / da er als ein Jüdel über die zwey Jar müßte im Kerker liegen. Aber da Joseph in seinen Gott glaubt / das ist / auff jn vertragen / er werde sein Unschuld an tag bringen / vnd jne erlösen / kande er nicht zu schanden werden / vnd halff jme Gott nicht allein wunderbarlich auß / sonder macht jn zu einem **Gen. xli.** grossen Herren über Egypten Land / vnd würdt seines Vatters vnd aller seiner Geschwisterigen trost / die da vermeinten / er were nicht mehr auff Erden.

Also

den Catechismum. xxviij

Also hat er auch seinem lieben Son unserm Herrn Jesu Christo gethon / der müste zuvor andie vnderste ort der Erden / das ist in die Hölle faren / eh er den Namen über alle Namen überkommen hat / das im Namen Jesu sol-
 len alle Knit gebogen werden / deren die im Himmel / vnd deren die auff Erden / vnd deren die vnder der Erden sein / vnd alle Zungen bekennen / das Jesus Christus der Herr seie / für ehre Gottes des Vatters. Darumb findet sich gemeinlich für zeit der Widerwertigkeit / es sey leiblich oder geistlich / ob der Mensch glaube oder nicht / vnd wie starck oder schwach der Glaub in einem Menschen seie.

Warumb aber ein Mensch in Gott glauben / das ist / alle sein Vertrauen auff jne setzen vnd sich verlassen soll / volge weiter im ersten Artikel. Vatter allmächtiger / erschaffer des Himmels vnd der Erden. Dese Wort zeigen vns an / das kein Fehl oder Mangel an Gott seye / warumb jne doch ein Mensch nicht glauben oder nicht vertrauen solte. Dann ist er vnser Vatter / so manglet es gewislich an seiner Liebe oder Willen nicht / dann das er vns von herten gern / als seinen lieben Kindlin helfen will / wie der Herr spricht: Wo bittet vnder euch ein Son den Vatter vnser Math. xi. Brote / der jne ein Stein gebe: ic. So dann jr / die jr arg seide / kündet ewern Kindern Saaben geben / vil mehr würde der Vatter im Himmel den heiligen Geist geben / die jn bitten. Zum andern ist er Allmächtig / so ist kein noch so groß nicht / wann es vns nutz vnd gut ist / er kan vns dar auff helfen vnd erretten. Das er aber Allmächtig seye / dessen hat er vns ein Muster für die Augen gestellt wie volge / Schöpffer Himmels vnd der Erden. Ist er so mächtig /

H ij das

Die fünfft Predig über

das er auß nichts Himmel vnd Erden vnd alle Creatur erschaffen hat / so ist jme freylich nichts unmöglich. Dann dise Welt ist noch nicht sechs tausent Jar gestanden / vnd so er wölt / ist er so mächtig vnd gewaltig / das er noch tausent sollicher Welt schaffen künde. Aber es ist vns grüß an diser Welt / das wir darauff lernen sein Allmächtigkeit vnd vnaussprechliche Weißheit erkennen / darinnen wir die tag vnser Lebens zälernen haben / vnd kündens doch nicht anß lernen.

Mancher Vatter helffe offte seinem Kind gern / aber er ist zu arm vnd schwach / er vermags nicht. Aber diser vnser Vatter ist Allmächtig / es ist jm nichts zu stark vnd mächtig / es ist kein Noth so groß / darauff er nicht helfen künde.

Darumb wenn ein Kindlein mit disen ersten Artikel auß warem Glauben sprechen kan (wie je denn alle Tag thun sollen) so kan es ein starcken Trost wider alle Widerwertigkeit schöpfen / sie seien wie häßlig vnd groß sie immer sein mögen.

Auß disem Artikel lernen je Kindlin auch / woher wir alle kommen / nämlich das wir vnser Leben nicht von vns selber haben / sonder wir seien Gottes Geschöpf vnd Creatur / das ist / Gott hat vns erschaffen / vnd nicht wir vns selbst / wie der Psalm sagt / vnd alles was wir seind / was wir besitzen vnd überkommen / das kompt alles von Gott disem Allmächtigen vnserm Vatter her / darmit er vns als seine lieben Kindlin versorget.

Von disem Artikel haben wol auch die vnglaubigen Heiden etwas gewist / aber es ist in der Ansehung nicht bestanden.

den Catechismum xxviij

bestanden. Dann die Epistel an die Hebreer sagt / durch Heb. ij.
den Glauben mercken wir / das die Welt durch Gottes
Wort fertig ist / das alles / was man sieht / auß nicht wor-
den ist. Also habe jr Kindlin auffo kurtzejt vnd einfelti-
gest / die erklärang des ersten Artickels vnsero Christlich-
en Glaubens / die jr wol mercken / vnd nimmer mehr ver-
gessen sollen. Nun volgt der ander Artickel.

Ich glaub in Ihesum Christum / seinen eingebornen
Sohn / vnsern Herren / der empfangen ist vom heiligen
Geist / geboren auß Maria der Juncckfrawen / gelitten vn-
der Pontio Pilato / gerechtfertiget / gestorben vnd begrab-
en / abgefahren zur Hölle / am dritten tag widerumb auff-
erstanden von den Todten / auffgefahren gen Himmel / sitz-
end zu der gerechten Gottes des Allmächtigen Vatters /
von dannen er kommen würdt / zu richten die Lebendigen
vnd die Todten.

Dis ist der ander Artickel / der vns nicht allein leeret
die ander Person der heiligen Dreyfaltigkeit / namlich
Gott den Sohn erkennen / sonder leeret vns auch wie wir als-
lein durch ine erlöset seien von vnsern Sünden / vñ bey Gott
vnserm himlischen Vatter widerumb zu gnaden gebracht
worden sein. In wölchem stück all vnser Trost / vnd vn-
serer Seelen Seligkeit gelegen ist / den wollen wir auch
fleißig lernen / vnd merckendes also.

Im ersten Artickel haben wir gelernet / das wir alle
von Gott erschaffen sein. Die zwey ersten Menschen ha- Gen. ij.
ben geheissen Adam vnd Eva / die waren hübsch vñ schön /
vnd hatten kein fähl oder mangel / from / gerecht vnd heil-
ig waren sie. Aber sie seind nicht so hübsch vnd from bli-
ben /

Die fünfft Predig über

ben / sonder haben sich die Schlang den Teuffel verführen lassen / vnd seind Sünder worden / vñ haben also ir From-
keit vnd Heiligkeit verloren / seind ungehorsame Kinder worden. Weil denn durch die Sünde Leib vñd Seel von ihnen vergiftet worden ist vnd verunreiniget / so seindt auch alle ire Kinder der selben art nach vergiftet vnd verunreiniget / vñd haben wol ein Allmächtigen Vatter im Himm-
el / aber ein vngnädigen Vatter / der über sie zornig ist / vñ
Ephes. ij. sie straffen will / wie geschriben steet / wir waren von Nas-
sur Kinder des Zorns.

So hilffs vns nun nichts / liebe Kindlin / das wir ein Vatter im Himmel hetten / wann derselbig ewiglich zür-
nen / vñd vns von seinem gnädigen Angesicht verstoßen wolte. Darumb folget der ander Artikel vnseres Christ-
lichen Glaubens / darauff wir lernen / wie vñd durch wen wir von vnsern Sünden erlöset / vñd bey Gott vnserm himlischen Vatter widerumb seind zu gnaden gebracht / dz er vns vñb der Sünden willen nicht anfeinden noch straf-
fen / sonder hie in diser zeit gnädig sein / vñd dort zu ewiger Herrlichkeit mit seinem Gode erhalten will. Wöldes alles geschicht allein durch Jesum Christum / wie wir hören werden.

Ich glaub auch in Jesum Christum seinen eingebornen Son vnsern Herren / das ist / ich glaub nicht allein festig-
lich / das der ewig Gott vñd himlische Vatter / einen es-
Joan. j. wigen Son habe / vñd das er mein Herr sey / durch den ich sammt allen Creaturen erschaffen bin (dann alle ding seind durch me gemacht / vñd on me / sagt Johannes / ist nichts gemacht) sonder ich setze auch alle mein Vertrauen auff me /

Den Catechismum. xxix

jne/wie geschriben steht: Glaube jr in Gott/so glaubt auch Joh. xiiij.
in mich.

Das ich aber in jn glanbe/das ist/alle mein Hoffnung
vnd Züversicht auff jn setze/das machet/dann er heist vnd
ist Iesus/das ist auff Teütsch/ein Erlöser/Errötter/
Heiland vnd Seligmacher/der vns erlöset hat von den als
er größten/stercksten/grausamesten vnd ergsten Feinden/
nämlich der Sünde/vmb der willen/vn durch die der Tod/Rom. v.
Teuffel/Hell vnd Verdammuß/macht vnd gewalt über j. Cor. xv.
vns bekommen haben. Von disen Feinden hat allein Chri-
stus vns erlöset/darvmb er disen Namen erget/das er heis-
set Iesus/wie der Engel sagt/Dann er würde sein Math. i.
Volk erlösen von jren Sünden. Er ist auch Christus/
das ist/der gesalbte/der versprochen vnd verheissen Mes-
sias/den Gott gesalbet hat mit Freuden/öl/mehr dann psalm. xlv.
seine Gefellen. Dann er hat die Salbung/das ist/den heil-
igen Geist/nicht nach der Maß empfangen/das ist/etw-
liche Saaben allein/sonder von seiner Völle/haben wir als
er empfangen/vmb des willen auch Christen/das ist/ge-
salbet vnd mit dem heiligen Geist begabet sein vnd genen-
net werden. Joh. i.
Act. xij.

Diser ist der eingeborn Son Gottes/mit seinem Vater psal. ij.
ter gleich/ewig vnd allmächtig/gleicher Matestet vnd Joh. viij.
Herrlichkeit. Die andern Kinder Gottes seind gnaden
Kinder/das ist/die an Kindstatt sein angenommen/da sie
von Natur Kinder des Zorns warē. Aber Gott der Vater Eph. ij.
ter will sie vmb seines eingebornen Sons willen auch für
seine Kinder halten/vnd sie mit jme erben lassen. Dann
gleich wie ein reicher Mann/der nur ein natürlichen Son
hette

Die fünfft Predig über

bette/neme ein Bettelbäben auff / zöge jne seine Bettels
kleider vnd alte Lumpen ab / vnd kleidet me in Seiden vnd
Samet / vnd ließe me mit seinem natürlichen Son erben.
Also hat auch Gott neben seinem natürlichen Sone / vns
arme Bettelleute zu seinen Kindern / in vnsern zerlampe-
ten / zerrissnen Kleidern angenommen / die er vns aber durch
Psal. xxiij. Christum vnser alte Lumpen / das ist / die Sünde auß-
Rom. v. gezogen / das ist / mit seinem Blüt bedecket / vnd vns täg-
Act. xv. lich durch seinen heiligen Geist reiniget / vnd mit seinem
eingebornen Son will erben lassen / als weren wir für vnd
für gehorsame Kinder gewesen / vnd nie von seinen Gebote-
ten vnd Beuelch abgewichen.

Act. iij. Diesen Christum erkennen wir für vnsern Herren / dem
Joan. xiiij. wir zu gehorsamen schuldig sein / vnd jne als vnsern Brä-
dern lieben / das ist / sein Willen lernen vnd thun / wie ges-
schriben steht: Der mein Gebote hat vnd thut / der ist / der
mich liebet.

Wie er vns aber von Sünden / vnd Straff der Sün-
den hab ledig gemacht / das folget ordenlich nach einander
in diesem Artikel.

Erstlich ist er empfangen vom heiligen Geist / das ist /
sein Empfengnuß ist heilig vnd rein / nicht von einem
Man in der Sünde / sonder von dem heiligen Geist / der
Luc. j. über die Mariam kommen / vnd mit seiner Krafft sie ü-
berschattet hat. Vnser Empfengnuß aber ist geschehen
Psal. li. vom Man / vnd in der Sünde / wie David klagt: Siehe ich
bin auß sündlichem gezeitiget / vnd mein Mütter hat mich
in Sünden empfangen. Vmb diser Sünde willen / weren
wir auch in Mütter leib werd gewesen / das vns Gott von
seinem

den Catechismum xxx

Feinem Angesichte ewiglich verstorben hette. Dife vnser vn-
reine Empfengnuß deckt der eingeborn Son Gottes zu/
das Gott vmb seiner willen vns disen Lumpen nicht will
zärechnen/ noch vmb desselben willen vns verlassen.

Geborn auß Maria der Jungfrauen. Wie sein Em-
pfengnuß heilig vnd rein ist/dan sie ist vom heiligen Geist/
also ist auch sein Geburt/ dann sein Mütter ist vnd bleibe
ein reine Jungfrauen/ wie der Prophet von jr sagt: Siehe Esa. 7.
ein Jungfrau ist schwanger / vnd würde einen Son gebes-
ren/ den würde sie heißen Immanuel. Vnser Geburt as-
ber geschichte in Sünden/ wie Christus sage: Was vom Joh. 18.
Fleisch geboren ist/das ist Fleisch/das ist / es ist würdig vñ
werde der Verdammuß/darvon auch im Psalmen geschrie Psal. cxxxv.
ben steht: Wol dem/der deine junge Kinder nimpt / vñnd
erschmettert sie an den Seein. Dann was Art vñnd Na-
tur die Elter sein / eben der selben Art vñnd Natur seind
auch ire Kinder. Es bringe kein Wolff ein Lemlin/das
vñnd auch die Kinder werde seind des Zorn Gottes vñnd der
Verdammuß. Dife vnser unreine vñnd sündige Geburt/hat
der Son Gottes mit seiner reinen vñnd heiligen Geburt
bedeckt vñnd gereinigt/ wie geschriben steht: Vns ist ein Esa. 49.
Son gegeben / vns ist ein Kind Geborn. Vns / sagt der
Prophet/ister geboren/nicht jme selber/vñnd vnser willen/
nicht vñnd seiner willen ist es geschehen / Vñnd hat darnit
vns erworben / das vns Gott vnser unreine Geburt nicht
will zärechnen / sonder gnädiglich durch Christum verzei-
hen.

Belicten hat vñnder Pontio Pilato / gecreütigt/ge-
storben vñnd begraben. Nach dem wir aber nicht allein in
D
der

Die fünfft Predig über

der Sünd empfangen rind geboren / sonder auch nach vnser
Gebart / dieselbig art mit der That rind mit den Wercken
erzeiget / also das vnser gantztes Leben eittel Sünde ist /
wie wir daroben in Auslegung der zöhen Gebott Gottes
gehört haben / würde vns in disem Capittel oder Artick-
el angezeigt / was für ein Straff der Herr Christus für
alle vnser Sünde erstanden habe. Dann ob wol das gantze
Leben Christi nichts denn ein stätigs Leiden gewesen ist /
so würde doch in disem Artickel das furnempst erzölet /
namlich das er vnder Pontio Pilato hat gelitten. Vnd
hieher gehört der gantz Passion Christi / das ist / die Be-
schichte seines bitteren Leidens rind Sterbens / wie er von
den Juden als ein Ibelthäter gesucht / gebunden rind ge-
fangen / für den Heisllichen Rhat geführt / als ein Ket-
zer / Horelörterer rind Verführer des Volks / angeklagt /
rind zum Tod erkennen / Nachmals für den weltlichen
Richter geführt / daselbsten auch als ein Auführer rind
Lösterer verklagt / mit Geißeln oder Ruten gestrichen /
mit Dornen gekrönet / verspottet rind geschlagen / zum
Tod verurtheilet / das Cräblin über ime gebrochen / sein
Creütz selbst tragen müssen / daran genagelt / zwischen
zwen Mörder als ein Ergßb rind Ibelthäter gehencket /
mit Essig rind Gallen getrencket / rind so lang verspottet /
biß er hangende sein Haupt nigte (denn er heet nicht dahin
ers legete) rind seinen Geiße außgab. Dis alles würde
in disen kurzen Worten begriffen / da jr Kinder bekennet /
gelitten vnder Pontio Pilato / gerechtfertiget / gestorben
vnd begraben.

Weil aber Christus vnschuldig gewesen ist / warum hat
er sol

den Catechismum. xxxi

er solltichs alles leiden sollen: Er hat ihe kein Sünde ge- Esa. liij.
 thon/ vnd wie der Prophet saget / so ist auch kein Betrug
 in seinem Mund erfunden worden. Dis lehret vns S. Pe-
 ter in seiner Epistel/ da er schreibet: Christus hat gelitten; 1. Pet. ij.
 für vns/ vnd S. Paulus spricht/ Er ist vmb vnser Sün- Rom. iij. viij.
 den willen dahin gegeben. Wir Menschen alle seind sollliche
 Ibelthäter für Gottes Angesicht/ die da solten gebunden
 vnd gefangen/ mit schanden/ nicht allein für die Mensch-
 en/ sonder für den Richterstul Christi gefieret werden/
 daselbsten als Gottes Lösterer vnd aberinnige Lette ans
 geklage / vnd mit warhaffteigen Zeugen allen Engeln
 Gottes/ vnd vnser eigen Bewissens überzengt vnd übers
 wisen/ Es solt über vns das Seäblin gebrochen/ vnd das
 erschrockenlich Dreheil des Todes gangen sein/ den wir
 mit vnsern Sünden tausentfaltig verschuldet hetten. Vnd
 were democh an solllichem allem noch nicht genüg getes-
 sen/ sonder hetten darzu auch in die Höll/ das ist/ in das
 ewig Verdammas fahren sollen/ Gottes gnädiges Ange-
 sichte ewig beraupe sein/ da vnser Fero/ wie der Prophet
 saget/ nimmer verleschen/ vnd der Wurm nicht sterben
 wardt/ der vns solte gestochen haben.

Die Straff hat der eingeborn Son Gottes auch auff Esa. lxxj.
 sich genommen/ vnd ist abgefaren zu der Hölle/ das ist/ er
 hat gelitten vnd empfunden das ewig/ höllisch Fero/ vnd
 empfand die Straff der Verdampfen/ wie es thū/ vnd
 vmb einen Menschen stehe / der von dem gnädigen Ange-
 sichte Gottes verstoßen ist/ wölches dann erst die höchste
 Straff der Sünden ist/ wie wir zu zeiten an den ver-
 zweifelten

Die fünffte Predig über

zweifelten Leuten sehen / in denen das höllisch Feuer brennet / ja die also lebendig in der Hölle sitzen / vnd den zeitlichen Tod für nichts achten.

Aber in diesem allem ist er nicht geblieben / ob es wol ein ansehen gehabt / da er im Grab ist gelegen / als sene es gar auß mit ime / da er auch noch die Leisterung vnd Nachred
 Math. xviii. leiden mußte / er were ein Verführer gewesen. Sonder am
 j. Cor. xv. dritten Tag erhebt er widerumb von den Todten / nach
 Act. ii. der Schrifft: Dieweil es vnmüglich was / das er solte von
 der Hölle gehalten werden / dann David sprichet von ime /
 Psal. cxj. Du wirst mein Geel nicht in der Hölle lassen / Auch nicht
 zugeben / das dein Heiliger die Verwesung sehe. Dann er
 hat kein Sünde gethon / darumb haben ime weder der Tod
 noch das Grab / noch die Hölle / noch der Teuffel hatten
 künden / er ist men allen zu starck gewesen / vnd hat also für
 vns / vnd vns zu güttem überwunden / die Sünde / den
 Tod / die Hölle / den Teuffel / vnd das ewig Verdanck /
 vnd vns zureuen gebracht / so wir an ime glauben / das vns
 dise Feinde gar nicht schaden künden / sonder zum besten
 j. Thes. iiij. dienen sollen. Dann der Tod ist vns ein Thür worden zu
 j. Cor. xv. dem ewigen Leben / das alle Glaubigen nicht sterben / sons
 j. Joan. v. der in dem Herrn entschlaffen / vnd diser Glaub / wie Jo-
 i. Joan. iiij. hannes sagt / ist vnser Siege / in dem wir überwunden /
 dann der durch den Glauben in vns wonet / der ist stercker /
 dann der in der Welt wonet.

Er ist auch auffgefahren gehn Himmel / vnd sitze zu der
 gerechten Gottes des allmächtigen Vatters / von dannen
 er kommen wäre zurichten die Lebendige vnd die Todten.
 Das ist / er ist eingangen in das Reich seines Vatters /
 vnd

den Catechismum xxxij

und eingenommen die Herrlichkeit / das ime ist gegeben ein Joan. xij. xvij.
 Name über alle Namen / das in seinem Namen alle Knä
 sollen gebogen werden / deren so im Himmel / auff der Er-
 den / vnd vnder der Erden sein / vnd alle Zungen bekennen phil. ij.
 sollen / das Jesus Christus der Herr seye / zur ehr Gottes
 des Vatters. Er ist gesetzt zu seiner Rechten in Himmel Ephes. i.
 über alle Fürstenthumb / Swalt / Macht / Herrschafft /
 vnd alles was mag genennet werden / nicht allein in diser
 Welt / sonder auch in der zukünfftigen. Im ist gegeben al Marb. xviij.
 ler Swalt im Himmel vnd auff Erden.

Der würdt auch wider kommen zäm Gerichte / vnd ein
 grossen Reichstag halten / vnd müssen vor seinem Rich-
 terstul alle Menschen erscheinen / die gelebt haben / die jetze
 leben vnd noch leben werden / aber ein grosse absündernung
 vnd abtheilung machen / denn ob er wol ein Schaffhirt ist / Johan. x.
 vnd seine Zuhörer / Schäflein / so seindt im doch vnder sein
 Härde vil stinckender Böck vnd Gers geloffen / die würdt Math. xij.
 er von den Schaffen absündern / wie den Waitzen von den
 Spreuern / vnd zu seinen Schäflein / das ist seinen Glaub-
 gen vnd gehorsamen Kindern sagen / Kompt her jr geseg- Math. xx.
 nete meines Vatters / ererbet das Reich / das euch berai-
 tet ist / von anbegin der Welt ic. Zu denen aber / die auff
 der linken stehn / würdt er auch sagen / Gehet hin von mir
 jr verflächten / in das ewig Feuer / das beraitet ist den
 Teuffel / vnd seinen Engeln. Diß werden zwö kurtz Pres-
 dig werden / aber wie man sagt / lange Biatwürst. Cons-
 derlich aber den Verflächten vnd Verdampften / die in dis-
 ser Welt nichts nach Gott vnd seinem Wort gefragt / sons-
 der in allen Mäthwillen gelebet haben. Disen würdt es ein

Die fünfft Predig über

lange vnd langweilige Predig sein. Dann wie der Him-
mel / das ist die ewig Frewd der außersolten Kindern
Gottes nicht auffhören / oder ein end nemen / sonder eines
wige Frewd sein würde. Also würde auch die Höl vnd
das ewig Frewd kein end nemen / noch auffhören / sonder es
wighen weren / wie der Prophet sagt / ir Frewd wäre
Esa. xlvj. nicht verleschen / vnd ir Wurm würde nicht sterben. Wenn
wir sollichs recht vnd von herzen glauben / wir werden
nicht so frech vnd müßwillig leben / sonder from vnd Gottes
fürchtig werden / denn wir haben nicht lang dahin / Ioan.
i. Joh. ij. nes sagt. Liebe Kindlein / es ist die letzte Stunde. So
würde es freilich bald auflaufen / denn Ioannes hat diß
wol vor fünffzeben hundert jaren beschriben. Wir haben
kein viertel an diser Stund mehr / da zweiffelt nicht an.

Also höret jr Kinder / was es den Son Gottes gekostet
habe / bis er uns die alten Lumpen vnd Bettelsack außges-
zogen / vnd mit seiner Gerechtigkeit / Frombkeit / Heiligs-
keit vnd Gerechtigkeit gekleidet hat. Dann er hat alles
Gen. xxiij. wider bringen wollen / was Adam vnd Eva verschüttet
Joan. ij. vnd verloren haben. Er hat wollen vnser Leitter we-
den / an wölcher wir gehn Himmel steigen. Dann so wir
uns auff der Heiligen vnd vnser eigen Verdienst verlas-
sen / vnd daran gehn Himmel steigen wolten / were es eben
ein ding / als wenn einer ein Sail auß dem Sand machen
wolte. Denn die ewig Warheit lehret uns / Niemande
Joan. xiiij. kompt zum Vatter denn durch mich / spricht Christus /
Was er aber gelitten vnd gethon hat vnd vnser willien /
das haben wir in diesem Artikel des Glaubens gehört /
vnd

den Catechismum xxxiiij

und was er uns damit hab zu wegen gebracht / Nämlich
 das uns Gott der Vatter umb seiner willen / das ist / von
 wegen Jesu Christi vnser vnreine / sandeliche Empfeng-
 niß vnd Geburt / nicht zurechnen / noch uns umb vnserer
 Sünden willen verwerffen vnd verdammen / sonder mit
 Christo erben lassen / vnd uns einsetzen in das himmelisch
 Wesen der ewigen Freud vnd Seligkeit / die uns von E-
 wigkeit beraitet / vnd allein durch das aller heiligst leiden
 vnd sterben vnseres Herren Jesu Christi ist erlangt vnd
 verdienet worden. Disß seind die grosse vnd vnaussprechens-
 liche Gütebaten vnseres Herren Jesu Christi / darumb
 wir billich an jne glauben / das ist / all vnser vertrauen vnd
 güttersicht auff sie setzen sollen / denn es ist in keinem andern
 heil / ist auch kein Nam vnder dem himmel gegeben / da-
 rinnen die Menschen selig wurden / denn der Nam Jesus.
 Darumb wir auch nicht erschrecken sollen / wölche stund
 vnd Augenblick der Herr kompt / vnd uns die alte Lumpen-
 pen außzeuche / das ist / uns durch den Tod himmelte / denn
 er wurd uns nicht mit Samat oder Seiden / sonder mit
 seiner ewigen Herrligkeit überkleiden. Dann S. Paulus 4. Cor. v.
 spricht / vnser Burgerschaft ist im himmel / von dan-
 nen wir auch warten des Heilandes Jesu Christi / des
 Herren / wölcher vnsern ichtigen Leib verklären wirdt / Phil. iij.
 das er ehulich werde seinem verklärten Leib / nach der
 Wirkung seiner Krafft / da er mit kan auch alle ding jne
 vnderthon machen. Nun folget der dritte Artikel.

Ich glaub in den heiligen Geist / ein heilige Christliche
 Kirch / gemeinschafft der heiligen / Vergebung der Sün-
 den / Auferstehung des fleischs / vnd ein ewigs leben.

Wir

Die fünfft Predig über

Wir haben im andern Artikel des Christlichen Glaubens gehört / was Sündt haten uns Christus beruhen vnd erzeugt habe. Derselbigen Sündt haten aber / wurden wir nimmer mehr gentsessen / wann wirs nicht mit einem rechten / warhafftigen vnd lebendigen Glauben annehmen vnd fassen. Wie geschriben steht: Vnd den Glauben ist vnnings-
Heb. xi. lich das man Gott gefalle. Vnd Christus selbst spricht:
Mar. xvi. Wer aber nicht glaube der würde verdampft werden. So folgt nun der dritte Artikel / welcher uns leeret / wer den Glauben in uns wircke vnd erhalte / Nämlich der heilig
Phil. i. Geist / wie der Apostel schreibt: Euch ist gegeben / vnd Christus willens zuehnen / das jr nicht allein an in glauben / sonder auch vmb seiner willens leidet. Ist jnen gegeben / so haben sie dise zwei Gaben nicht von jnen selber / nämlich glauben / vnd beim Glauben bestendig durch alles leiden
Math. xxiij. verharren vnd bleiben. Wie Christus spricht: Wer beharret biß an das Ende / der würde selig werden.

Darumb bekennen wir im Glauben weiter also. Ich
Joan. viij. xv. xvi glaub in den heiligen Geist / das ist / ich glaub nicht allein /
Math. iij. das d heilig Geist / so die dritte Person in der Gottheit ist / die von Gott dem Vatter vnd Son ausgeht / vnd gleicher Gott mit Gott dem Vatter vnd Sone ist / sonder ich setze auch alle mein Vertrauen vnd Hoffnung auff jne / das er den Glauben vnd das lebendig erkennniss Christi Jesu / durch die Predig des heiligen Euangelij in mir wircke / vnd Christum in mir verkläre / vnd das ich on seine Krafft / Bnad vnd Beystand / weder an Christum glauben / noch bestendig bey jne verharren vnd bleiben künde / sonder es seye sein Wercke / darumb ich jne von Herzen /
dancke /

den Catechismum. xxxiiij

dancke / vnd bitt / er wölle solliche Gnad in mir gnädiglich erhalten vnd mehren / vnd zur zeit der Ansehung vnd des Creutzes nicht von mir weichen / sonder mich trösten vnd stärken / darmit ich in meinem Herrn Christo bleiben möge ewiglichen. Ich glaub auch das alle heilige Bedanken von ihm herkommen / vnd ich nicht tüchtig seye etwas i. Cor. iij. güts auß mir selber zügedencken / ich geschweige / das ich etwas güts thun künde one seine Gnad / Wirkung vnd Krafft. Da S. Peter an sich selbst glaubet / das ist / sich Math. xxv. nicht auff die Gnad vnd Krafft des heiligen Geists / sonder auff sein Fleisch vnd Blut vertrawet / ist er gefallen vñ zu schanden worden / da leeret in erst Christus den dritten Artikel vnsers Christlichen Glaubens verstehen: Ich glaub in den heiligen Geist.

Diser heilig Geist würcker den Glauben nicht allein in mir / sonder in allen rechten / warhafftigen Christen / so in der gantzen weiteten Welt zerstreuet sein / vnd samlet sie i. Cor. x. zusamen / das ein Volk vnd ein Leib werde. Wölche ist Ephes. iij. v. vnd genennet würdt ein Kirch oder Versammlung / die heilig ist / das ist / deren Sünde mit dem Blut Christi abgewaschen / vnd durch den Geist Gottes geheiligt würdt / vnd so heilig ist / das sie Gott gefalle. Aber gleichwol so lang sie in diser Welt vnd im Fleisch ist / hat sie an vielen Blindern Krankheit vnd Schwachheit / sonderlich zu diesen letzten Zeiten / wölchen kein menschliche Weißheit / sonder allein der Geist Gottes helfen kan / darmit erfüllet werde / das geschriben steht: Der Glaubigen ward ein Act. iij. Herz vnd ein Seel. Dann wie der Apostel zeiget / so seind Rom. xij. wir alle Blider eines Leibs. Wie man nicht ein jeglich Blind i. Cor. xij.

R an

Die fünfft Predig über

an dem Leib ein eigen Seel hat / sonder alle Blider haben ein Seel / die aber mancherley Wirkung hat. Also in der rechten waren Christlichen Gemein / hat nicht ein jeder ein
1. Cor. xiiij. eigen Geist / sonder haben alle ein Geist / das ist der heilig Geist / Ob wol vil schwachheit des fleischs mit lauffen / die der heilig Geist nicht alle mit hinweg nimpt.

Vnd hie ist aller Himmlischen Güetter gemeinschafft / der Gembirt / so er gleubig vnd from ist / hat eben so wol ein gnädigen Gott / den Geist Gottes / vñ das ewig leben / als der aller höchst in der Welt. Wie wir dann am jüngsten Tag alle ein Himmel vnd ewigs leben haben werden / die an Jesum Christum glauben.

In diser Versammlung ist Ablass / das ist / verzeihung vnd vergebung der Sünden. Vñnd solt jr Kinder hie zwey Stuck wol mercken. Erstlich / das wir glauben Ablass / das ist / verzeihung vnd nachlassung / vñ nicht bezalung der Sünden. Dann wie wir daroben gehört haben / so künden
Luc. xviij. wir für vnser Sünd nicht bezalen. Es hat aber Christus Jesus bezalt / vmb dessen willen der himelisch Vater
Rom. iij. ter uns die Sünden nachlasset / vñnd verzeihet / auß lautter
Gal. iij. Gnaden / on allen vnsern Verdienst.

Zum andern / das allein in der Christlichen Kirchen
Marh. xviij. vergebung der Sünden seye / wie geschriben steht: Was jr auff Erden lösen werdet / das soll im Himmel loß sein. Darum jr Kindlin euch bekeißenigen sollent / in diser Christlichen Gemein mit Glauben vñ güttem Wandel zu bleiben / darein jr durch die Tauff eingepflantzet vñ eingenommen seind. Es ist nicht der Ablass / den die Lette in rotten Häuten vmb Belt außheilen / sonder der Ablass Christi / das
ist /

Den Catechismum xxxv

Ist / die gnadenreiche Zusagung / das dir allein durch den Luc. x.
Verdienst Christi / vnd nicht Marie / Petri oder anderer Matth. xvi. xxi.
Heiligen deine Sünde verziehen vnd vergeben seyen. Johan. xi.

Vnd ob ich gleichwol wie alle Menschen sterben muß /
vnd nach der Red des Herren / mein Leib wider zu Erden Gen. iii.
würde / so weiß ich doch für gewiß / vnd zweiffel nicht / mein
Fleisch oder Leib werde wider lebendig werden. Ey sprich
stu / wie ist das möglich / das ein Leib / der zu Palux vers
biennet oder verfallen / vnd sein Bein zerstreuet / solte wi
derumb zusamen kommen : es scheint unmöglich sein.
Antwort liebs Kindlin / Hastu schon den ersten Artikel
des Glaubens vergessen : da wir glauben in Gott Vatter
den Allmächtigen : Ist er allmächtig / vnd hat auß nichts
Himmel vnd Erden machen künden / solte er dann nicht auch
meinen Leib widerumb samlen vnd lebendig machen kün
den. Wie er dann sollich geredt hat : Es kompt die Joh. v.
de / in wölcher / alle die in den Gröbern seind / werden hören
die Stimme des Menschen Söns / vnd werden herfür
gehn / die gäts gethon haben / zur aufferstehung des Les
bens / die aber übel gethon haben / zur aufferstehung des
Gerichts.

Sollich hat Job vestiglich geglaubet / darumb sagt er:
Ich weiß das mein Erlöser lebet / vnd er würde mich her
nach auß der Erden auffwecken / vnd werde darnach mit di
ser meiner Haut umgeben werden / vnd werde in meinem
Fleisch Gott sehen / denselben werde ich mir sehen / vñ mei
ne Augen werden in scharwen / vnd kein frembder. Vnd ob i. Thess. iii.
wir nicht gleich alle sterben / so werden wir doch alle ver
wandlet werden / dann das sterblich maß hingelegt / vnd die i. Cor. xv.

K ij Vnsterbs

Die fünfft Predig über

Unsterblichkeit angezogen werden. Zum beschluß: Vnd ein ewigs leben. Das ist/ wann der Leib widerumb lebendig/ vnd mit der Seel vereiniget wirt/ als dann wirt geoffenbaret vnd angehn den ganzen Menschen das ewig leben/ das ist/ Er wirt mit Leib vnd Seel / immer vnd ewig
j. Thes. iij. bey dem Herrn sein/ wie der Apostel sagt. Was es aber für ein leben sein wirt/darvon schreibt S. Paulus also: Das
j. Cor. ij. kein Auge gesehen hat / vnd kein Ohr gehört hat/ vnd in
Esa. lxij. keines Menschen Hertzen kommen ist / das Gott bereitet hat denen/die in lieben.

Also habet jr Kinder ein kurtze einfältige vnd detteliche Auslegung vnsero heiligen Christlichen Glaubens/ vnd darauß gelernet erkennen/ nicht allein die Personen / sonder auch die Satchaten Gottes des Vatters / vnd des Söns vnd des heiligen Geists. Darumb wir in sie als vnsern Herrn vnd Gott glauben/das ist/ all vnser Vertrauwen vnd Zuversichn setzen sollen/den behaltend wol als lieb euch die Seligkeit vnd das ewig leben ist.

Dem Herren seye Lob/ Ehr/ vnd
Preis in ewigkeit/
Amen.

Die

den Catechismum. xxxvj
Die sechst Predig.

Ein kurtze Außlegung des
Vatter vnfers/rc.

WIR haben liebe Kindlein / zwey
Hauptstück vnserer Christlichen
leer lernen verstehn / Erstlich die
heilige zöhen Gebott Gottes / vnd
darauf gelernet / wie häßlich vnd
feindselig wir vor Gottes Anges Rom.xiij.
sicht seien von wegen vnserer Sün Ja.1.

den / die vns die zöhen Gebott als in einem Spiegel anzei-
gen. Zum andern / die Artikel vnserer heiligen Christ-
lichen Glaubens / darinnen vns der Mann gezeigt würt /
der vns von allen vnsern Sünden waschet vnd reiniget /
Nämlich Jesus Christus mit seinem theuren Blüt / vñ
welches willen allein wir durch den Glauben vergebung als
ler vnserer Sünden / einen gnädigen Gott vñd Vatter
vñd das ewig Leben haben.

Jetzt volgt das dritte Stück / nämlich das Gebett / wel-
ches wir pflegen das Vatter vnser nennen / darauf wir ler-
nen / wie wir mit Gott vnserm himmelischen Vatter res-
den / vñd in allen vnsern nöthen anruffen sollen. Welches
vns nicht weniger von nöthen ist zu wissen / denn die zwey
vorgehende Stück. Dann ob vns Gott wol die Sünde
in diser Welt vñb seines Sonß willen verzeihe / vñd vns
K iij für

Die sechste Predig über

für seine liebe Kinder helt / so nimt er uns doch nicht
Mat. xxi. gleich zu sich in sein Reich / das er uns versprochen und wir
q. Ti. iij. gewislich zuwarten haben: sonder laßt uns noch ein zeitlang
in diser Welt leben / da uns allerley Creutz und Widers
wertigkeit zuhanden stossen / wie der Apostel schreibt/
q. Ti. iij. Alle die da wollen Gottselig leben in Christo Ihesu /
die werden Verfolgung leiden. So ist sonderlich den
Christen von nöten zuwissen / wie sie mit Gott reden sol
len / dem sie allein / als irem lieben und getrewen Vatter /
ir Not und Anligen klagen dürfen.

Zuor aber / vnd eh ich die Wort des Vatter unsers
erkläre / sollend ir Kinder zu besserem Bericht etliche
Stuck vom Gebet mercken.

Erstlich / wann uns etwas widerwertigs an Leib
oder Seel / Ehr oder Gut zuhanden gehet / wen sollen wir
anruffen: zu wem sollen wir lauffen:

Von disem Stuck gibt uns unser Herr Christus ein
gutes Bescheid / den ir Kinder leichtlich und wol verstehn /
Luc. xi. können / denn da seine Jünger zu ihm crachten / und sprach
en / Herr lehre uns betten / wie auch Johannes seine Jünger
er leeret / sprach er zu ihnen / wenn ir bettet / so spreche: Vate
ter unser / der du bist im Himmel / &c. Hie hörend ir Kin
der lauteter und klar / wann ir betten wöllend / so solt ir Gott
erwern getrewen lieben vnd himmelischen Vatter anruffe
fen / vnd sine all ewer Not und Anligen klagen.

Hie

den Catechismum xxxvñ

Sie finden sich aber Leute / die fürgeben / wie ein mensch
also mit Gott reden dürffe / sey er doch nichts denn ein arms
Würmlin / und darzu ein grosser Sünder / wie er dann vor
Gottes Angesicht treten dürff / weil wir wissen / das Gott Psal. v.
alle Seltbäter hasset / vñnd die Sünder nicht erhört. Joan. 17.
Mit sollichen und dergleichen Worten haben sich einfältige
Leute nicht allein erschrecken / sonder auch (das noch vil
mehr züklagen vñnd zübeweinen ist) dahin bereden vñnd
bringen lassen / das sie von Gott irem Vatter abgeschreckt /
sich zü den abgestorbenen Heiligen gewendet / vñ mehr Lie-
be zü ihnen versehen / denn zü Gott dem Herren selbst / vñnd
haben fürgeben / es gebe im Himmel zü / wie auff Erden /
da pflegt es also zü zügehen / Wenn ein Armer Vnderthan
etwas von seinem Fürsten oder Herren erlangen wölle / so
sprech er den Cansler oder Hoffmeister an / das er ime sein
Sach treulich bey dem Fürsten wöll fürtragen / Auf
solche weis möge der Arme Man fürkommen und gefür-
deret werden / der sonst lange zeit warten müste. Also
sollen auch die armen Sünder thun / die vil zü böß seien /
dann das sie von Gott etwas bitten oder erlangen solten /
sie sollen aber die lieben Heiligen Gottes anruffen / denen
Gott nichts versagen künde / denen sollen sie dienen / so
werden sie gewislich widerumb bey Gott zü gnaden ge-
bracht / dann die lieben Heiligen haben solliches vñnd Gott
den Herren verdienet. Das hat man angenommen vñnd
geglaubt / dar auff sein genolget die Wallfarten zü den lieben
Heiligen / Bildnissen / sonderlich aber zü vnser lieben
Fravon / wie den alten Leuten mehr dann wol bewußt.

Alber

Die sechst Predig über

Aber liebe Kinder / es were nicht güt / das im Him-
mel zügiengae / wie auff Erden / sunst wurde vnser lieber
Gott vnd Vatter nicht drey tag regieren. Aber darmit
ir junge sibenjähige Kinder den sechzigjähige Zeiten kün-
den antworten / vnd ihres Irthums überweisen / so merck
ent also. Wenn ein Fürst oder Herr zu dir also sagte: wenn
dir etwas angelegen ist / es seie klein oder groß / wenig oder
vil / so kum zu mir selbst / sag mir selbst an / du solst deinen
freien zügang zu mir haben / ich will dich gnädiglich selbst
hören / vnd dir nicht allein ein gnädigen Bescheid vñ An-
wort widerfahren lassen / sonder dir helfen so stark ich bin /
das solt du mir vertragen / als war ich ein Fürst bin / setze
nun kein zweiffel in mich / vnd laß dich niemand abtönden /
kom zu mir / zu mir sage ich / ich will dir helfen. Wam /
sag ich / ein Fürst also zu dir sagte / woltest du auch deinem
Cantzler nach lauffen oder dem Hoffmeister / vñ bitten
das sie dir bey dem Landtsfürsten wölle für helfen: Nein /
sprichst du / ich wils nicht thün / warum aber: darumb /
wurdest du sagen / der Hertzog hat mich heissen selbst zu ihm
kommen / vnd mir gnädiglich versprochen vnd zugesagt / er
wölle mich hören / vnd mir helfen / ich soll nun kein zweif-
fel in ihn setzen / sonder von Hertzen vertragen / was er mir
zugesagt habe / das wöll er mir treulich laisten. Darumb
will ich zum Brunnen gehn / da ich weiß das mir gehol-
fen würde / sonst möchte mein sach in die lange Trüben
gelegt werden / das thatest du gewislich auff Erden. So ste-
het es nun dar auff / wenn ich euch Kindern beweisen kan /
das Gott ewer Himlischer Vatter euch beuolhen habe /
wenn euch etwas angelegen seye / das ir in anruffen solt /
vnd

den Catechismum. xxxviii

und das er euch versprochen habe zu erhören und erlösen / so werden one zweiffel jr euch nicht zu den abgestorbenen Heiligen weisen lassen.

Christus der Herr sagt: Du solt Gott deinen Herren ^{Matth. iiij.} anrufen / und jme allein dienen. Im Psalmen sagt der Psalm l. Herr: Ruff mich an in der Noth / so will ich dich erretten / so soltu mich preisen. Dis sagt dir dein Gott / der nicht allein warhafftig / sonder die ewig Warheit selbst ist. ^{Job. xij.} Erstlich beutliche er dir / das du in / im Tag deiner Noth anrufen / zu jm schreien und lauffen sollest. Darnach verheisset er dir / er wöll dich nicht allein erhören / sonder auch erretten / und auß der Noth erlösen. Was manglet dir an diser seiner Zusagung und Verheissung / ist er dir nicht warhafftig genög: Du sprichstu / Ich bin aber mit so vil Sünden beladen / das ich nicht für jn erretten darff. Hier auff höre / was Christus der Herr dir sagt: Die Starcken bedürffen des Arztes nichts / sonder die Kranken. Ich bin ^{Matth. ix.} kommen / die Sünder zur Bais zu überuffen / und nicht die Frommen. Dann es ist niemand from / wie der Apostel sagt: Wir haben alle gesündigt / und manglen des ^{Rom. iij.} Ehrens / darumb Christus Jesus in dise Welt kommen ist / ^{j. Tim. j.} die Sünder selig zu machen spricht S. Paulus / vnder wölchen er der fürnemste seye. Aber darumb seye jme Barmhertzigkeit widerfaren / auff das an jme fürnämlich Jesus Christus erzeugete alle Bedulte / zum Exempel denen / die an jme glauben solten / zum ewigen leben. So spricht Christus selbst: Kompt zu Mir / alle / die jr beschwardt und ^{Matth. xi.} beladen seide / Ich will euch erquicken. Wölches ist aber ein schwärerer Last / dan die Sünde / oder wie kan ein Mensch

R schwärer

Die sechst Predig über

- Erod. vij.** schwärer beladen sein / dann so jne seine Sünde anfechten/
und biß in abgrund der Hellen crucken wollen: Pharao
Gen. iij. plaget die Israeliter mit xfrondiensten / das sie nicht wol
keichen künden. Aber die selbig last ist nicht ein Schwart/
Matth. xxvij. gegen der last der Sünden / wann sie in einem Menschen
lebendig werden / wie an Cain / Juda und andern zusehen.
Weil dann Christus sagt / das Alle / Alle / Alle / Alle / bes
schwärten und beladnen sollen zū jm kommen / und verheiß
set jnen Erquickung / und jrer Seelen Ruo / was hat der
Mensch für xähl und Mangel an jmer ist er jm nicht stark
genüg: ist er ihm nicht warbafftig genüg: ist er ihm nicht
Rom. v. gnädig und barmhertzig genüg: mangelt es etwas an sei
ner Liebe / der für uns gestorben ist / da wir noch seine
Feind waren:

Ist aber diß nicht ein grosse Thorheit / mangeln
sollichen ernstlichen Beuelch Gottes (das wir jhne sollen
anruffen / und die tröstliche Verheissungen / das er uns er
hören wölle) hinlauffen zū den abgestorbenen Heiligen / und
sie anruffen / das weder Gott / noch die lieben Heiligen be
nolhen haben / wir haben auch kein Zergnuß oder Verheiß
ung / das uns die lieben Heiligen hören / dann sie müssen
an allen Orten sein / das allein Gott zūgehört / wir haben
auch kein Exempel im alten und neuen Testament. Ist /
sag ich / aber das nicht ein Blindeheit / auff ein sollichen
ungewissen Wahn gehn / vnnnd Gottes außgetruckten Be
uelch faren lassent:

Aber euch Kindlin ist es genüg / das jr wissende / wann
jr Gott den Vatter / im Namen Jesu Christi in allen
euren Nöthen anruffende / das jr recht thün / vnnnd dürfft
euch

den Catechismum xxxij

nach keiner Sünden gegen Gott / oder ungnad gegen den
Heiligen besorgen / wann jr die Heiligen nicht anruffend.
Vnd als lieb euch die huld vnd gnad Gottes ist / sollend jr
gar keinen abgestorbenen Heiligen anruffen / daß Gott hats
euch nicht gebotten. So ist er euch starck / warhafftig vnd i. Joh. 3.
gnädig genug / durch vnsern Herrn Jesum Christum / der i. Ti. 2.
erwer Fürsprech ist vnd Mittler / vnd vertritt euch. Vnd Rom. viij.
sollend euch kein new Vatter vnser lassen leeren / sonder
bey dem Gebett bleiben / das euch Jesus Christus gelehrt
hat.

Zum andern / weil wir wissen / das wir mit Gott reden
dürffen / mangesehen / das wir arme Sünder seind / so
müssen wir auch wissen / wie wir unsere Red stellen. Ir
Kinder sehet wol / wann einer ein schwären Handel hat /
das er vmb laufft / vñ sich vñsibet vmb ein feinen / geschick-
ten vnd erfarnen Schreiber / der jm all sein anligen in ein
Supplication ordentlich verfaß / vnd nichts darinnen ver-
gesse / vnd was einer einem sollichen Schreiber geben soll /
das thät er mit willen / vnd bedarft in nichts / darumb das
er jm all sein Anligen fleißig vnd formlich beschreiben hat.

Also wann wir mit Gott reden wollen / so bedürffen
wir eines weisen Raths vnd wolerfarnen Schreibers / der
vns all vnser Anligen fleißig zusamen erage / vnd nichts
vergeße / auch sein formlich vnd zierlich stelle / das nicht das
erst zu letzt / sonder ein jedes an seinem gebührenden ort stehe.
Weil aber Gott im Himmel ist / vnd vil ein andere Lang-
ley hat / dann die Herren auff Erden / wo überkommen wir
ein Schreiber / der die Art vnd eigenschafft der Bödelichen
Langley wüßet / darmit wir Gott sein gebührenden Titel

E ij geben /

Die sechst Predig über

geben/ vnd der Sachen weder zäul noch zu wenig ehetten:
Wer will vns diß leeren? wer ist in der Cantzley Gottes
Rom. xj. gewesen? wer hat des Herren Sinn erkannt? oder wer ist
Esa. xl. sein Rathgeber gewesen? So merckent jr Kindlin/ ich
Mich. v. will euch den Man anzeigen/der von ewigkeit in der Cantz
Esa. ix. ley Gottes gewesen ist/ der allen Rath Gottes weißt/ ja
der der ewig Rath ist/ wie man mit Gott seinem himm
lischen Vatter reden sollen/ er weißt die Art seiner himm
lischen Cantzley. Er ist aber vnd heiße Jesus Christus
Luc. j. vnser lieber Herr vnd Heilande/ von dem wir im andern
Math. j. Artikel vnser Christlichen Glaubens nach der lenge ge
hört haben.

Ja sprecht jr Kinder/ wann er vns dann ein solliche fei
ne Form fürschrube/ so wölten wirs fleißig lernen/ vnd dar
aus mit vnserm himlischen Vatter alle Tag reden. Wols
Math. vj. an liebe Kindlin/ Gott hab lob/ es ist schon gestelt vnd ges
Luc. xj. schriben/ vnd würde jetzundt allein daran gelegen sein/ das
irs wol lernen/ vnd euch mit allem Ernst vnd fleiß lassen
beuolhen sein/ wöllent jr anderst/ das sich Goet erwer in der
Noth anneme/ vnd euch als seineliebe Kindlin versorge.

Zum dritten/ wissende jr Kinder/ das grosse Herren
auff Erden nicht gern lange Beschwätz hören/ sonder was
man ihnen fürbringe/ soll kurtz vnd gut sein. Also hat auch
vns vor allen dingen Jesus Christus vnser Rath nū himm
lischer Schreiber gesagt/ Wir sollen nicht einlang Bes
schwätz machen/ wan wir betten wöllen/ da er spricht: Wan
Math. vj. jr bettend/ sollend jr nicht vil plappern wie die Heiden/
dann sie meinen/ sie werden erhört/ wann sie vil wort ma
chen. Darumb sollend jr euch ihnen nicht gleich machen/
Ewer

den Catechismum xl

Erwer Vater weißt / was jr bedürffe / ehe dann jr bettet.
 Das er aber uns heiße kurz betten / geschicht nicht der
 meinung / das Gott ein verdruß darab habe / wenn ein
 Mensch herzlich mit jme redet / er höret gern / sonder er
 hat es von unser Schwachheit wegen gethon. Denn wir
 seind durch die Sünde so übel verderbet / das wir nicht lang
 mit rechter andacht betten können / vnd plaget der Teuffel
 ein Mensch nimmer mehr vnd heftiger mit allerley seltsa-
 men vnd bösen Einfällen / als wann er mit Gott reden vnd
 betten will / dann er weißt wol wie ein mächtig ding es vñ Jacobi v.
 ein rechte glaubig vnd eiforig Gebett ist / das erlange was Syrach. xxxviii.
 es begeret. Diser unser Schwachheit zühelffen / hat unser
 Herr Christus bevolhen / das wir nicht vil plappers ma-
 chen / Ehe sie raffen / spruche der Herr im Propheten / will Esa. lxxv.
 ich antworten / vnd wann sie noch reden / willich hören. All-
 so sehen wir / das heilige Leut mit kurzem Gebett grosse
 Anfechtung überwunden vnd des Teuffels Anschlag g-
 hindert haben. David bettet in seinem Elend / da er h- q. Sam. xv.
 ret / das Abitophel im Bund mit Absolon war / sprach
 er / Herr / mach den Ratschlag Abitophels zur Arbeit.
 Diß was ein kurz Gebett / aber es hat Abitophel den
 Hals gebrochen / das er ist f-rgangen vnd hat sich selbst ge-
 benckt. Darumb sollen wir wissen / das unserm Herrn
 Gott nicht an worten / sonder an vil glauben vnd guttem
 vererawen alles gelegen seie.

Zum vierdten / wahei soll man aber disen geschribnen
 Brieff oder Supplication nemen? Ir Kinder sehene
 wol / wann die Patris Leut über feld gehn / vnd Brieff
 oder Supplication zu überantworten haben / so suchen sie

Die sechst Predig über

Es im Bäsē / rind so sie es ergriffen haben / überantworten sie es. Also auch jr Kinder / jr gebet oder stebet / sitzend oder liegend / solt jr dise Supplication für rind für im Bäsē haben / rind euch on dise Supplication nimmer finden lassen. Dind soll diser Brieff auff der linken Seitten im Bäsē / das ist / im Hertzen ligen / sonst will sie vnser Herr Gott nicht annehmen / wie geschriben stebet im Propheten / **Esa. lviij. xxiij.** Darumb das diß Volck zā mir nabet mit seinem Munde / rind mit seinen Lefftzen mich ehret / aber jr Hertze fern von mir ist / rind mich fürchten nach Menschen Gebot / die sie lehren / so will ich auch mit diesem Volck runderlich umbgehn / auffo runderlichest vñ seltsamest / das die Weisheit seiner Weisen rndergebe / rind der Verstand seiner Kläg verblendet werde. Da sebet jr Kinder / wenn die Supplication / das ist / das Gebet nicht auff der linken Seitten im Hertzen / sonder allein auff der Zungen ligt / das Gott nicht ehren / sonder die Zeit auch darob straffen will.

Darumb sebet jr Kinder zā / wann jr betten wöllend das es von Hertzen gebe / rind euch ernst seie.

Zām fünfften / mäß man nicht mit der linken / sonder mit der rechten Hand dem Herren überantworten / das ist / das Gebet soll auß einem rechten waren Glauben gehn / **Rom. xiiij.** sonst ist es Sünde / wie geschriben stebet / was nicht auß dem Glauben ist / das ist Sünde. Wenn nun ein Kind mit einem sollichen Brieff gefasset ist / in seinem Bäsē / rind kan jn mit der rechten Hand ergreifen / rind gibe in dem Herrn selber in die Hende / dem ist allbereit geholffen rind gerbaten.

Zām sechsten / Da spricht ein Kind / wa find ich aber den Herrn

den Catechismum xli

Herrn / das ichs jme überantworten künde: Es bleiben
 zwar die Herren nicht allwegen an einem ort / sonder seind
 jetze da / jetze dort / aber mit unserm Herrn Gott hat es ein
 ander Meinung / er ist allweg bey seiner Cantzley vnd das
 heimbt / man köm wann man wölle / tag oder nacht / früh
 oder spät / vnd laßt sich gern finden. Dann Gott ist nicht
 wie ein Mensch / der von einem ort in das ander Reiset /
 dann er ist allenthalben vnd erfüllet alles. Der Himmel ist *1. Ps. 103.*
 mein Stül / vnd die Erde meiner Füß Schämél / vnd *G. Ephe. 1. 23.*
 Paulus / Er ist über euch alle / vnd durch euch alle / vnd
 in euch allen. Vnd da man meinet / das er am wenigsten
 seie / da finde man am aller groiffesten. Wenn so es einem
 Menschen übel gehet / es sey mit Armüt / Kranckheit /
 Feindschafft / Verfolgung / so meint er / Gott sey von
 jme gewichen / so er doch am aller nächsten bey jme ist. *Dan Psalm 135.*
 also steht geschriben im Psalmen / das der Herr spricht:
 Ich bin bey jme in der Noth / ich will in heraus reissen /
 vnd zü ehren machen. Gebet jr Kinder / das man unsern
 Herren vnd Gott in der Trübsal findet / darumb darff
 man nicht weit lauffen / man darff auch nicht laut schreien /
 wie der Prophet Elias der Baals Püester spottet (die
 laut rüffent / vnd rüsten sich mit Messer vnd Pfrämen)
 vnd sprachen / Ruffet laut / dann er (Baal) ist ein Gott /
 er rüffet / oder hat zü schaffen / oder ist über feld / oder *1. Reg. 18. 26.*
 schläfft vñ leicht / das er auffwache. Unser Gott ist nicht
 ein solcher Gott / der schlief / er wachet für vnd für / sihet /
 höret / vnd weißt alles / regiert alles / erfüllet alles / vnd
 steckt bey seinen Glaubigen in der Trübsal / darinnen sie
 jne groifflich finden.

Vnd

Die sechst Predig über

Vnd ist die Trübsal gleich wie ein Nebelkap / darinnen
er sich ein zeitlang verbirgt / aber endlich offenbaret. Ma-
ria erkennet Christum nicht / da er jr erschine in eines Bert-
ners gestalt / desgleichen auch die zween Junger / so gehn
Emauß giengen / da jnen Christus in eines Bilgers oder
wanderer gestalt mit jnen wandlet / gleich wol haben sie in
hernacherkannt.

Also wenn ein jung Mensch krank würdt / erschrickt /
vnd vermeint Gott sey von jme gewichen / aber so es ein
zeitlang krank gewesen ist / findt es zu letzt / das Christus
in der Krankheit erst recht zu jm kommen ist / dann vor / da
es gesund war / fragt es nicht vil nach Gott / meinet es be-
te das Leben von jme selbst / jetzt in der Krankheit aber
erkennt es erst seine Sünde recht vnd sein Schwachheit /
vnd sihet das es Staub vnd Eschen ist / fahet an der Hoch-
fart feind werden / befließiget sich der Demüt / vnd der
forcht Gottes / vnd pleibet die Tag seines Lebens ein
froms Kind. Ist das nicht ein gesunde Krankheit : ist
unser Herr Gott nicht nach bey einem sollichen Menschen
Vnd was ich von der Krankheit gesagt hab / das will ich
von allem Creutz vnd Widerwertigkeit gesagt haben / wie
sie mögen Namen haben / mit wölchen Gott vns heims-
sucht vnd rätterlich züchtiget / darmit wir nicht mit der
Welt verdampft werden.

j. Cor. xi.
Pro. iij.
Ecc. xij.

Darumb wann es übel geht / so erschrick nicht / wie auch
Jacobi. j. S. Jacob leeret / sonder freue dich / dann gewislich der
Herr Kompt / sonder zueh dein Supplication auß dem
Bäsen / vnd gibs dem Herren in die Hand / vnd lass ihn
handlen / er würd es wol machen / da zweiffel nun nicht.
Er

den Catechismum xliij

Er wils thün vnd kans thün / was uns an Leib vnd Seel
nützlich vnd gut ist.

Item vollen wir die Supplication angreifen / vnd
nacheinander ordentlich lernen verstehen. Darum jr Kinder
merckend mit allem fleiß auff / das jr begreifen vnd be-
halten künden / dann es nicht vil / auch nicht schwär / wann
jr allein ein fleiß wöllet ankeren.

Es hat aber diß Supplicatz / das ist / das Vatter uns
ser drey theil. Der erst / begreift den Titel Gottes vnser
himilischen Vatters. Im andern würdt begriffen all uns
ser aaligen / was wir von Gott bitten sollen. Der drit ist
der Beschluß des Gebetts / vnd seind alle drey kurz / die jr
wol lernen mügent.

Erstlich vom Titel / der laut also: **Vatter vn-
ser / der du bist im Himmel.** Wer mit Gott
reden will / der soll jm vor allen dingen seinen rechten vnd
gebührenden Titel geben.

Grosse Herren auff Erden / haben ire lange Titel von
Künigreichen vnd Ländern / über die sie herrschen vnd re-
gieren. Unser Herr Gott aber hat ein kurzen Titel /
vnd heisset himilischer Vatter / mit wölchem die grösst
Herlichkeit begriffen ist / die uns Christus / auß dem Vbat
seines Vatters in diß Gebett anfänglich gestellt / auff das
wir dardurch erinnert wurden / was wir uns zu Gott ver-
sehen solten / wann wir jre in vnsern Nöthen ersuchen vnd
anreiffen.

Ob wir aber gleichwol heit acht tage von beiden Na-
men vil geredt / will ich doch hie noch etwas darzu sagen.

M Erstlich /

Die sechst Priedig über

Erstlich / das Gott will ein Vatter genennet werden /
sollen wir wissen / das er mit diesem Namen uns sein Lieb
be will anzeigen. Andere Herren / heist man gnädig Her-
ren / aber es ist nicht so vil / als Vatter / dann kein grössere
Lieb ist auff Erden / als der Elter gegen jren Kindern /
Niemandt kan auch nimmer mehr glauben / wie lieb er sei-
nen Eltern gewesen sei / er überkomme dann auch Kin-
der / so erfert er es. Darumb wann ein grössere Lieb gewes-
sen were / dann väterliche Liebe / so würde der Herr auch
sich mit seinem Namen haben nennen lassen / vnd will uns
also anzeigen / das wir uns alles Guts zu jme / als zu uns-
serm Vatter versehen solle. Wer uns jne aber zu einem Vat-
ter gemacht habe / nämlich der eingeborn Son Gottes /
haben wir in der Auslegung des Glaubens gehört. Wie
nun ein kleines Kind seinem Vatter in die schoß laufft / vnd
bey ihm Schirm sucht / wann es beleidiget würde / also sol-
len auch wir bey vnserm himlischen Vatter allen Schutz
vnd Schirm suchen / vnd wissen / das wir jn auch finden.

Esa. liiij. Dises Namens erinnere den Herrn der Prophet Esa-
ias / da er also spricht : So schawen nun vom Himmel / vnd
sibe herab von deiner herrlichen Wohnung / Wa ist nun dein
Eifer / vnd dein Macht : Dein grosse herrliche Barm-
herzigkeit heit sich hart gegen mir. Bist du doch vnser
Vatter / dann Abrahami wußt von uns nicht / vnd Israel
kennet uns nicht.

Luc. 7. Der Herr Christus spricht : Wa bittet vnder euch ein
Son den Vatter umbs Broet / der jme ein Eein darfür
bittet vnd so er umbs ein Fisch bittet / der jme ein Schlän-
gen für den Fisch bittet. Oder so er umbs ein Aly bittet / der
jm

den Catechismum. xliij

Imein Scorpion darfür biette: So dann jr / die jr arg
seid / könne ewern Kindern gütte Laaben geben / vil mehr
würde der Vatter im Himmel den heiligen Geist geben /
denen / die m bitten. Dis erinnert uns Christus bey dem
wörclein Vatter.

Der ander Nam heist: **Der du bist im himel**
das ist so vil / als himmelisch / nicht allein züm vnderscheid
vnsers irdischen Vatters / sonder darnit uns seines Ge-
wales vnd Mache züerinnern / dann wie der Himmel allent-
halben ist / also ist er auch allenthalben / vnd mehr / der den
Himmel geschaffen hat / wie wir im Glauben gehört haben.
Darumb wann jr Kinder sprechen / Unser Vatter der du
im Himmel bist / ist es eben so vil gesagt / als wann jr spre-
chend / Herr Gott / der du allmächtig bist / vnd hast ein
väterlich Hertz zü uns / wir kommen zu id bitten dich / der
du uns helfen kanst vnd helfen wilt / dann du bist Vatter /
vñ darzū allmächtig / das glauben wir als deine lieben kind-
lin / vnd suchen dich als vnsern einigen Helfer vnd Erlöser.

Warumb sagen wir aber Unser Vatter / vñnd nicht
mein Vatter: Das merckend liebe Kinder. Unser Herr
vñnd Gott will solliche Kinder haben / die nicht einander
feind seien / sonder die einander lieb haben / fridlich vñnd ei-
nig sein. Wie auch Christus sagt: Darbey würde jederman
erkennen / das jr meine Jünger seide / so jr Liebe vnder ein- Joh. xij.
ander habt. Es will der Herr / das je einer für den andern /
ja alle für einander bitten / auff das wir alle selig werden. Jacobi. v.
wie der Apostel sagt. Darumb wan ein Kind dem andern
feind were / vñnd wolt nicht für das ander bitten / sonder

M ij spreche /

Die sechst Predig über

freuche / Mein Vatter / gib mir / 1c. Ein sollich Kind soll
wissen / das vnser Herr vnd Gott an seinem gantzen Ge-
bett kein gefallen haben wurde. Dañ ein sollich s Kind will
ein new Vatter vnser machen / das da heiße / Vatter
mein / vnd nicht Vatter vnser / 1c. Du mißst das vnser auch
darein machen / das merckend jr Kinder wol / so werden jr
nimmer in Vneinigkeits schlaffen gehn / sonder zñvor vnd
ehe jr anfangent betten / einander von hertzen verzeihen
Ephes. iij. vnd vergeben / wie auch der Apostel leeret : Wir sollen die
Luc. vij. Gonn nicht lassen über vnsern Zorn vndergehn / sonder vn-
sern himlischen Vatter nachschlagen.

Nun volgen siben Bitt nacheinander / darinn vnser lie-
ber Herr vnd Gott all vnser Anligen verfasst vnd begrif-
fen hat / vnd das ist liebe Kindlin ein Meisterstück / so vil
vnd mancherley Anligen / als in der Welt sein / in so kurtze
vnd wenig Artikel bringen. Das kan die ewig Weisheit /
das sonst einem Menschen vnmüglich were / dann es ist kein
Creutz vnd Anligen / das nicht in diser siben Bitt einer be-
griffen seye.

Die drey erste Bitt hangen aneinander / vnd fleißt eine
auff der andern / darinnen wir von Herren bitten die höch-
ste Saaben / die auff Erden sein / oder den Menschen gege-
ben werden. On wölche alle andere Saaben mehr zu dem
ewigen Verderben / dañ zeitlichem Welfart dienen. Dar-
umb sollent jr Kinder auff dise drey erste Bitt sonder fleiß-
sig achtung haben / darmit / wann jr sie sprechen / jr wissen /
was jr bettet.

Geheiligt werd Dein Nam.

Erstlich

den Catechismum. xliiij

Erstlich bitten wir / das der Nam Gottes geheiligt / das ist / auff das aller heiligst vnd ehlichst gehalten / vnd nicht mißbraucht oder gelöset werde von den Menschen. Dann wo er entheiligt / mißbraucht / oder gelöset wäre / haben wir im andern Gebott gehört / das der Herr solliches nicht ungestraft will lassen. Wie aber / vnd auff was weiß der Name Gottes entheiligt werde / haben wir auch in der Auslegung des andern Gebotts gehört. Darumb bitten wir vor allen dingen / das Gott der himelisch Vatter sein Gnad verleihe / darmit allenehalben auff Erden sein Göttlicher Nam nicht mißbraucht werde / zur Abgötterey vnd falschen Gottesdienst / zum Fluch vnd Lästern / zum Zanbern / Liegen oder Trügen / Sonder das er recht angeruffen / bekennet / gelobt vnd geehret werde.

Wie hoch aber solliches von nöthen seye / vor allen dingen von Gott diser zeit zü bitten / das kündet jr Kinder leichtslich abnehmen. Dann wo das nicht geschicht / so haben wir vns keiner Gnaden / sonder Zorn / Vngnad / vnd allerley Straffen / zeitlich vnd ewig zünersehen. Wir sehen aber laider / wie der Nam vnd das Wort Gottes so vilfältig zur Abgötterey mißbraucht würde / darmit man allerley erschrockenliche Irthumb will verdecken vnd verstreichen / wie dann der böß Feind sich selbs auch in ein Engel des j. Cor. xj. Liechts verstellen kan / wan die arme Leut wenen / sie haben Gott gedienet / so haben sie / wie der Psalm sagt / den psal. xcvi. cvj. Teufeln gedienet.

Wie erschrockenlich der Nam Gottes verlöset / mit fluchen vnd löstern / von Jungen vnd Alten / ist vns allen auch leider bewußt / vñ wo sonst kein Sünde were bey vns /

Die sechst Predig liber

so hat doch diser vor langest ein schwäre Scraff / ja einenes
lich verderben verdienet.

Wie unverschampt auch der Nam Gottes zur Lugin vn
Betrug mißgebraucht werde/erfaren alle die/so mit andn/
sonderlich aber mit kausen vnd verkauffen zuehän haben.

Wie vnhalich auch der gemein Hauff / so sich des Nas
mens Christi rümet/ vnd darauß getaufft ist/lebe/ vnd
dem Euangelio vnwiirdig wandle / gibt laider auch die
Erfarung.

Auß disem vnd dergleichen mögen jr Kinder abnemen/
wie übel es in der Welt stehe / vnd wa wir unserm lieben
Herrn Gott solliches nicht abbeten / das wir uns keines
eüsserlichen Segens zäuersehen haben. Darumb wann jr
Kindlin dise Bitt betten/sollend jr disem Tamer nachge
denken/zü hertzen füren/ vnd bitten / das der Herr will
abchaffen vnd besseren/ vnd sonderlich das er der Oberkeit
ein sollich Gotsfürchtig Hertzgebe / darmit sie alles das/
was wider die ehr vnd heiligung seines Namens ist/abs
schaffe / ernstlich vnd hertzglichen straffe / dargegen mit
erst vn fleiß über seinem Wort/ aller Christlichen Zucht
vnd Erbarkeit halte. Dann so sie laste vmb zeitlichen frie
dens willen einen ernstlich straffen/der den andern mit frä
uendlichen Worten schmächt/ wie wurde sie es als ein Christ
liche Oberkeit immer mehr veranwurten / wann sie erz
scho. fenliche Gottes lesterung ungestrafft / oder nicht so
ernstlich gestrafft laste hingehet der bey Gott abnemen mü
ge/das sie seinen Namen heilig vnd hoch halten. Darumb
liebe Kindlin bettend/ ist es vnnot gewesen zübetten/ so ist
es jetzt warlich not vnd mehr dann not.

Die

den Catechismum 16

Die ander Vitz / **zukome vns dein Reich /**
 Folgt gar fein auff die vorgebnde / darauff jr Kinder
 mercken / was her manes nennen müsse / wann der Nam
 Gottes soll geheiligt werden. Auff das jr aber mercken /
 solt jr wissen / das zwei Herren sein / da ein jeder über vnd
 in dem Menschen gern regieren wölle / Der ein Herr / ist Psal. cxxvj.
 der Herr aller Herren / namlch Gott vnser Schöpffer /
 Erlöser vnd Heiligmacher / dem auch die Herrschafft vnd
 das Regiment über den menschen gebürt / dann der mensch
 ist geschöpff / den er erschaffen vnd gemacht hat / wie der
 Psalm zeuget : Er hat vns gemacht / vnd nicht wir vns Psal. c.
 selbst. Aber der mensch ist von seinem natürlichen Leib Gen. iij.
 herren abgefallen / vnd hat ein andern angenommen / namlch
 den Teuffel / der auch über des menschen Leib vnd
 Seel regieret hat / darumb ihne Christus ein Fürsten /
 vnd S. Paulus ein Gott diser Welt nennet. Disen vnser
 fern andern angenommen Tyrantischen Herren / hat Chris
 tus überwunden / vnd die Menschen / so an ihne glauben / auß
 seinem Gewalt erlediget / vnd hat vns frey gemacht / das
 der Teuffel vmb der Sünden willen (die durch Christum
 bezalt / vnd in vns mit seinem Gehorsam zgedeckt ist) Rom. iij.
 kein Gewalt mehr über den Menschen hat. Weil aber die
 Sünde noch im fleisch steckt / vnd der alte Schuleiß
 der Teuffel gern widerumb in das Dorff wære / den auch
 vnser verderbt fleisch nicht so ingern zu einem Schuleiß
 sen hat / weil er allen iren Lust vnd Mächtigkeiten statt gibe
 vnd förderet / durch wölches Anstiftung der Nam
 Gottes mit Worten vnd Wercken entheiligt würdet /
 So

Die sechßte Predig über

So bitten wir in der andern Bitt/das das Reich Gottes zu uns komme/das ist/das Gott wölle vnser Hertz einnehmen mit dem heiligen Geist/ vnd darinnen regieren/ vnd
Psal. 4. das Reich der Sünden vnd des laidigen Satans zerstören/auff das wir jne die Tag vnser Lebens / als vnserm
Rom. vj. einigen Herrendienen/ vnd nicht mit dem wenigsten erzürnen. Vnd ob sich gleich die Sünde vnd der böß Feind auch
Gal. vj. widerumb in uns regen / das wir doch jnen das Regiment nicht gestatten/sonder ritterlich darwider kempffen / vnd den Sig behalten.

Soll aber liebe Kindlin / diser Herr bey einem Menschen einreiten/so pfleget gemeinlich vor im her sein Trommeter ziehen/das ist/die Predig seines göttlichen Worts/Wann dasselbig recht geprediget würdt / so würckt er dar bey vnd dardurch mit der krafft seines heiligen Geists in
Johan. xiiij. den Hertzen der glenbigen Zuhörer. Wer nun disen Trommeter verachtet/oder nicht gern höret/der soll wissen/das der Herr bey jne mit Gnaden nicht einreiten oder einkehren würdt. Darumb bitten wir in diser Bitt / das der Herr sein Wort lautter vnd rein wölle verkündigen lassen/ vnd den Zuhörern mit seinem Geist das Hertz auffheben/das sie es glauben/vnd nach demselbigen leben / so regiere warhafftig Gott in einem sollichen Menschen / vnd ist
Luc. xvj. Gottes Reich in jne / er habe vor der Welt ein ansehen wie er wölle.

Wo also bey einem Menschen Gott wonet vnd regiert/da geht die dritt Bitt nützlich vnd kreffteig: **Dein Will**

den Catechismum 163

Will geschehe / auff Erden wie im Himmel.

Dann eines sollichen glaubigen vnd bes-
keren Menschen Will ist / das es allenthalben recht vnd
nach dem Willen Gottes zugehe / vñ wolt gern / das nichts
wider den willen Gottes geschehe. Weil aber der Mensch-
en Will / durch den Fehl vnserer ersten Eltern / dermassen
verkeret ist / das er immer dar das Widerspil haben will / Gal. vi.
was Gott will / das wollen wir nicht / vnd was Gott nicht
will / das wollen wir / so bitten wir / vnser himlischer Vater Kom. vii. vii.
ter / wölle disen vnsero Fleisches bösen vnd verkeren willen
brechen / vnd in uns durch seinen heiligen Geist ein sollichen
willen schaffen / der im gefallen lasse / vnd wölle / was Gott
wölle / darmit es auff Erden zugehe / wie im Himmel.
Frisset vnd saufft man auch im Himmel : Nein / schwöret
vnd flücht man auch im Himmel : Nein / creibe man auch
Abgötterey vnd falsche Leer im Himmel : Nein / stile /
leage vnd bereuget man auch im Himmel : Nein / creibe
man auch vnzucht im Himmel : Nein / ist man auch stolz
vnd hochfereig im Himmel : Nein / redt man Gott auch
ein / vnd murret man auch wider in im Himmel : Nein.
Also bitten wir auch / das auff Erden solliche Stuck nicht
färgen / deren anstifter der laidig Teuffel ist.

Wer dise Bitt recht auß Herten vnd warem Glauben
beten kan / der würde aller Sünde vnd Bosheit feind
sein / vnd selenger je feinder werden / vnd würde sich künden Math. xxv.
in alle Widerwertigkeit schicken / das er nicht murre oder Johan. xviij.
vngedultig bleibe / sonder alles in den willen Gottes erge- 4. Reg. xv.

N be/

Die sechste Predig über

be/ wie Christus vnd Dauid gehon haben / der kam vnd
weiß es alles zum besten schlaffen/ on alle vnser Gedanken.

Vnd diß seindt die drey ersten Artikel in der Suppli-
cation/ die vns Christus hat für geschriben. Wan sie reches
geschaffen von ein Kindlin gebettet werden/ so soll es auch
vmb die vierde Bitt kein not haben / da wir betten.

Unser täglich Brot gibe vns heit /

Darumb es vnserm verderben Fleisch am aller meisten
zähm ist/ daim was die Menschen in diser Welt anhaben/
das ist fast alles nur vmb diß Stuck Brode / das ist / vmb
die zeitlich Nahrung zähm / da keinem kam anig werden/
vnd gebet wie den kleinen Kindlein/ denen der Vatter oder
Mütter Brode auftheilet / vnd ye eins das ander besuche/
vnd murren gegen einander/ weinet immer eins die Mütter
hab ime das kleinst Stuck geben/ vnd wolte gern ein größ-
ers haben.

Vnd sollend jr Kinder wissen / das Christus den Sone
Vatters/ die ewig Weißheit mit dem wahren Brode/ alles
das begriffen hat/ was wir zu vnserer Leibs nahrung bedürf-
fen / desselben ist souil / das es kein Mensch alles erdencken
kan/ ich geschweiz/ das es eins selte erzelen können/ so haben
wir auch so ein groben Verstand/ dz wir nicht wissen/ was
vns nutz oder schad ist. Darmit wir nun in vnserm Gebete
nicht vnderlieffen / auch weder zuvil oder wenig begerten/
oder wider vns selbst beteten / hat es Christus der Herr
alles in ein einzig Wort verfaßet / das heisse Brode. Wan
du diß nimmest / so weißt vnser Herr Gott vil besser was
du bedarffst/ dann du es im sagen oder erzelen küncest.

Das

den Catechismum xlvij

Das aber auch hie stehn die Wörlin Vns vnd Vnsere/
vñ Christus nicht gesetzt hat. **Gib mir mein täglich**
lich Brodt/lehret vns Christus/das der Herr nicht
wöll Kindlin oder Vetter habendie Geitzig seind/dan die
Geitzigen Leut haben ein eigens vñnd besonders Vatter
vñser/das heisset/Gib mir mein täglich Brodt/Gott
gebe/was ander Leut haben/wann allein jr Sack vol ist/
vñd sie gnäg haben. Dife Leut haben ein besondern Gott
der heiße Mammon/ oder der Geitz/ der hat sie auch ein
besonders Gebett gelet. Ir Kinder aber sollend ebenso
wol für ander Leut bitten/als für euch selber/wie jr auch
andern zübelffen/vñd nicht men das jr nemen/schuldig sein.

Das er aber setze die zwey Wörlin/Täglich vñ Leut/
will er hiemit gar nicht gebotten haben/das ein Mensch
nicht macht solt haben/dann souil er den selben tag brauch
en kan/sonder er will/das wir alle Tag betten sollen. Dan
ob wir gleich das Korn auffdem Lasten/vñd den Wein in
dem Keller haben/kan vns doch dieselbige vñser Herr vñd
Gott alle stund vñd tag nemen/darumb wir Gott bitten/
das er sollich täglich behüt/vñd also täglich geben wölle/
des er zu aller zeit/vñnd zu aller stund in seiner Hand hat/
vñd kans geben oder nemen wann er will. Also werden wir
nicht mehr begeren/dann vns Gott durch vnsern Dienst/
oder sunst erlaube Mittel gibe/vñnd werden jme alle tag
vñd stund danck sagen/für alles das wir besitzen/vñnd auß
seinem Segen überkommen haben.

Folge die fünffte Bitt/Vergib vns vnser

N ii Schuld/

**Die sechste Predig über
Schuld / wie auch wir vergeben vn-
sern schuldigern.** In der Bitt bekennen wir
erstlich / das wir vnserm Herrn Gott vil schuldig seien.
Namllich das wir vil güts vnderlassen / das wir nach sei-
nem Gebott solten gethon haben / vnd das wir auch vil bö-
ses wider seinen Gütlichen willen gehandelt / das wir sol-
ten vnderlassen haben / vnd derhalben / ime schuldig seien in
sein Straff zeitlich vnd ewig zůstellen / wann er vns forde-
ret. Wie wir dann von disen beiden Strücken in der Abgäb-
ung der zöhen Gebott / vnnnd vnsero Christlichen Glaus-
bens gehört haben.

Matth. xviij. Zum andern bekennen wir auch hie / das wir dise Schuld
weder mit vnsern Wercken / noch mit der Straff künden
abtragen / dann die Schuld ist zů groß / vnd die Straff zů
schwār / wir seind der Schuldner im Euangelio / der zöhen
tausent Pfund schuldig ist / vnd künden nicht zalen / darvñ
bitten wir vnsern himlischen Vatter / das er vñns dise
Schuld vergeben / das ist schencken vñnd nachlassen / vnd
die selbige nicht mehr an vñns heischen / noch vil weniger
straffen / sonder gnädiglichen verzeihen wölle.

Warumb aber / vñnd vñb was willen er vñns vnsero
Sünde vergebe / haben wir auch daroben im Glauben ges-
hört / da wir bekennet / wir glauben Ablass / das ist / verge-
bung vñnd verzeihung der Sünden / durch wen : durch den
Mann der gelitten hat vñder Pontio Pilato / ist gecreut-
tigt / gestorben / begraben / abgefahen zů der Hölle / ic. Di-
ser Jesus hat dise vnsero vñnd der gangen Welt Schuld
bezalt.

den Catechismum. xlviii

bezalt / für die er ist bürg / vnd denmach gewürge worden /
Vnd vmb seiner willen allein vergibt vns der Vatter vns
ser Schuld. Darvmb wer nicht auß Glauben / das ist / auß
vertrauen auff den Herren Ihesum bettet / dem würde
sein Schuld nicht nachgelassen / sonder er würde sie im bö
lischen Feuer mit der Haat / das ist / mit Leib vnd Seel
bezalen.

Also haben alle Heilige / Apostel vnd zeitigen Christi ^{Psal. 111.}
gebeten vñ geglaube / das alle ire Schuld durch Christum ^{Rom. 11.}
bezalt / vnd vom Vatter vns auß lauter Gnaden / on als ^{Gal. 11.}
len vnsern Verdienst vergeben / das ist / geschenkt vnd
nachgelassen werde.

Ir Kinder sollende auch hie die Weißheit Christi lers
nen erkennen / dann wie in der vorgehenden Bitte / mit dem
wörlein / Broc / alle unsere Nothdurfft begriffen / vnd nichts
vnderlassen oder außgeschlossen hat / also hat er hie mit dem
wörlein / Schuld / alle unsere Sünde vnd Mißthat be
griffen / vnd keine außgelassen / auff das wir vns selbst nicht
martern dürfen / wie im Papstumb beschehen / vnd leider
noch geschicht / da die arme Leute ire Sünde nicht gnädig
erzölen können / vnd immer gefürcht / sie übersehen oder ver
gessen etliche / die ihnen vnuerzigen bleiben. Vor diser Angst
vnd Noth / hat euch Kindlin Christus gefreyet / das wann
ir von Hertzen / auß einem waren / lebendigen Glauben bet
tet: Vergib vns unser Schuld / so haben ir all ewere Sün
de gebeichtet / vnd keine vergessen oder vnderlassen.

Ir sollen auch wol mercken / was unser Herr Christus
an dise Bitte gehencket hatt / wie auch wir vergeben vnsern
schuldigern / dann wie wir täglich thon vnd vnderlassen /
N ij daran

Die sechste Predig über

daran Gott kein gefallen hat. Also finden sich in diesem schwachen leben auch immerdar Leute / die auch wider uns thün / oder underlassen / das wir nicht gern haben / denen sollen auch wir vergeben vnd nachlassen / ein kleine Schuld / weil der Herr uns die groß Schuld vergibt vnd nachlasset / für die wir auch bitten / vnd sie in die widerlein / Uns vnd Unser einschliessen / das Gott ihnen vergeben wöll / was sie wider ine vnd uns sündigen vnd mißhandlen. Dann wer seinem Nächsten nicht vergeben kan / der kan auch nimmer mehr Glauben / das ine Gott sein Schuld vergeben habe. Er kan auch dise Bitt nicht betten / oder er bietet wider sich selbst / zu seinem ewigen vnd zeitlichen Verderben. Also sehet jr Kinder / das wir des täglichen Brodes / das ist / nicht werd seind / vnd was er uns gibt / das haben wir nicht verdienet / sonder er gibts alles auß seiner milten Gütten / allein durch den verdienst unsers Herrn Jesu Christi.

Die sechste Bitt: **Füre uns nicht in Versuchung.** Wann wir einen gnädigen Gott haben / nñ dar zu alles was wir bedürffen / so ferret der leidig Satan nicht / sampt seinen Kindern den Weltkindern / dar zu auch unser Fleisch lustig ist / vnd sicht uns an / das wir in die Sünde / vnd widerumb auß der Gnaden in die ungnad Gottes fallen / dar wider die gläubige Kinder Gottes biß an jr ende streiten vnd kempffen müssen. So bitten wir / das uns Gott nicht darein füren wölle / das ist / das er sein Hand nicht wölle von uns abziehen / sonder mit seiner Krafft beystehn / vnd helfen überwinden.

Sie haben jr Kinder abermals die Weißheit Christi zälernen /

Job. vij.
Galat. vij.

den Catechismum. xlii

zülernen / der mit einem einigen Wort alle Anfechtungen
vnd Versüchungen begriffen hat. Dann die Anfechtungen
seind nicht einerley / sonder wol tausenterley / wie dann der
Teuffel ein tausentlistiger Geist ist. Wann wir jme auß
einer Anfechtung engehn / so legt er uns zwön oder drey an-
dere / das wir also immer rsach haben zübetten / die wir in
diser Wele / als auff einem hülen Eiß gehn / vnd nach der
Beer S. Pauli fleissig auff uns acht haben sollen / Wer da Rom. xij.
steht / das er nicht falle. Dann so einer siber in verachtung 1. Cor. x.
Gottes Worts dahin lebe / zeigen die erschrockenliche Ex-
empel des alten vnd neuen Testaments / was es für ein
jämmerlich End nimpt / wie an dem Cain / Absolon / Gen. iiij.
Saul / Juda Iscariot / vnd andern zusehen / da nichts 1. Sam. xv.
an jnen beliffen wöllen / hat Gott sein gnädige Hand abge- 1. Sam. xviij.
zogen / vñ nach seiner Gerechtigkeit sie in jr verderben zetes
lich vnd ewiglich gestossen. Math. xxij.

Dise Exempel sollen euch Kinder / Jung vnd Alte / von
der Sicherheit abschrecken / vnd zur Forcht Gottes / auch
ernstlich Gebettreiben / so solt jr gewiß sein / wie Chris-
tus vmb ewer vnd unser aller willen angefochten vnd ver- Math. tiiij.
sucht worden / aber gewaltig überwunden / also wann jr
mit rechtem Glauben jme anhangen / vnd disem Artikel
in der Supplicatz fleissig vnd ernstlich betten / werden jr
auch allen ewern Feinden / dem Teuffel vñ der Wele starck
genüg sein / vnd endlich den Sig erlangen.

Die siben nñ letzte Bitte: **Sonder erlöse vns**
vom übel oder bösen. Wie begreiffet vnd be-
schleiffet

Die sechste Predigt über

schleüßte vnser Herr Christus all vnser Anlügen mit einem einigen Wort / das wir nicht gern haben / oder das vns schaden mag an Leib vnd an Seele / zeitlich vnd ewig / vnd heiüßte es böß / oder übel / dann wir haben nicht gern etwas böses / vnd wann es vns übel geht / so sehen wir sawr.

Eccle. i
Job. xij.

Darbey jr Kinder zübedencken haben. Erstlich / wie ein arm ding es seye vmb dises irrdisch / vergänglich leben / das mit übel vnd bösem / das ist / mit vil Noth / Jamer vnd Ellend erfüllet ist. Wölches vns darzū dienet / das wir desto mehr vnd eifertiger nach einem bessern leben trachten / da kein böß oder übel ist / nämlich nach dem ewigen leben.

Zum andern / stellen wir Gott heim / die erkennnuß vnserer Widerwertigkeit / der es am besten wissen vnd vns unterscheiden kan / was böß oder güt ist / das wir nicht wissen künden. Armüt / Kranckheit / Feindschafft / Widerwertigkeit / seind böß / dann es seind jrer Natur nach Straffen der Sünden. Wan ein Mensch mit dereneinem oder mehr beladen würde / bitt er / das in Gott darauß erlösen wölle / aber es weißt oder gedenckt nicht / das Gott so güt ist / das er auß dem bösen etwas güts machen kan / dann es ist offte einem Menschen güt / das er krank oder arm seye / sonst wurde er in seinen Sünden verderben / wie geschrieben steht: Es ist mir güt Herr / das du mich gedemüetiget hast / auß das ich dein Berechtigkeit lerne. Vnd S. Paulus: Wann wir gerichtet werden / so werden wir vom Herren gezüchtiget / darmit wir nicht mit der Welt verdampe werden.

Psal. xxi.
1. Cor. xj.

Zum dritten / wie wir die Erkennnuß Gott dem Vater heimstellen / Also sollen wir ihme auch die Erlösung heimstellen /

den Catechismum I

beimstellen / der nach seiner ewigen Weißheit und Güte weißt / wie / wann und wo er erlösen solle / nicht wann wir wollen / dann es were böß / so bitten wir aber / das er uns vom bösen erlösen wöll / weil uns dan die Kranckheit nicht böß / sonder güt ist / so sollen wir die erlösung Gott beimstellen / der uns erlöset / wann es ihm gefelt / und uns nutz und güt ist.

Es seind aber alle Erlösungen in diser Welt nur Seuckwerck / biß uns Gott gar auß diser Zeit / in das ewig leben abfordere / dann so uns Gott auß Armut hilfft / so kompt Kranckheit / wann er uns der Kranckheit abbülfft / so kompt Befencknuß / oder sonst Widerwertigkeit. End kan uns so bald ein Unglück nicht ab dem Hals kommen / es ist bald ein anders vorhanden. Wann mich Gott in Wassers nott / oder von den Feinden erlöset / das ich nicht mitkomme / so ist es wol ein grosse Gnad / aber doch nur ein Seuckertlösung / dann ich müß doch ein mal sterben / es stehe kurz oder lang an. Wann uns aber Gott gar hinweg nimpt / vnd gar ein End an diß ellend leben macht / vnd nimpt uns durch ein seligs Seindlin zu sich in das ewig leben / so sein wir erst recht und gar erlöset von allem Ubel / das uns nicht dorthin nachlauffen kan / sonder in disem leben bleiben müß. Stund aber vnd Zeit stehet in seiner Hand und Gewalt / deren wir doch alle zeit warten / vnd uns mit einem rechten waren Glauben vnd erbern leben rüsten / wann der Herr kompt / das er uns bereit finde.

Der Beschluß unsers Gebets lautet also: **Dann dein ist das Reich / biß die Krafft / vnd**
G die

Die sechste Predig über die Herrlichkeit in Ewigkeit / Amen.

In andern Supplication vñ leg man am end ein klägliches stehen stellen / Aber der Son Gottes hat vns ein gewaltigen / fröhlichen vñnd trostreichen Beschluß gemacht / wann jr Kinder den selben sprechend / ist es gleich so vil gesaget / als sprechend jr : Alles was wir gebetten haben lieber Vatter / das stehet alles allein in deiner Macht vñnd Gewalt / vñnd nicht in der Menschen Gewalt. Wen solten wir dann sonst bitten / dann dich allein / dessen das Reich / alle Krafft / alle Macht vñnd Herrlichkeit ist. Weil er es dann auch darzu bevolhen hat von sine zū bitten / so sagen wir mit Freudon / vñnd auß warem Glauben / Amen. Das ist / was wir gebettet haben / auß warem Glauben / das ist gewislich im Himmel erhöret / vñnd ja / Es gefelt Gott / vñnd würde gewislich in allen Gnaden mit vns handlen / vñnd geben was vns nutz vñnd gut ist.

Das kan mir liebe Kindlin ein feiner karger Brieff / vñnd ein schöne Supplication sein. Was ist darinnen verlossen: Was mangelt: Was fehlet: nichts überal.

So dann jr Kindlin alle Tag (wann jr auffstehet vñnd nidergehet / vom essen vñnd zūm essen gebet) disen Brieff auß dem Väterleins Hertzen / mit einem rechten Glauben ziehen / vññ Gott dem himilischen Vatter in sein Hand geben / sollen jr nicht zweiffeln / ewere Sachen stehn wol / wann jr darnach thun / was gehorsamen Kindlin zūsteht / so würde euch nichts manglen / sonder jr werden in allen Widerwertigkeiten erhalten / auß Vbel erlöset / vñnd ewiglich selig werden.

Also

den Catechismum ij

Also habend jr Kinder auch lernen mit Gott reden/
vnd kändens durch die Gnad Gottes besser / dann alle an-
dere Völker vnder dem Himmel / die von Christo nicht
gelernt haben.

Die sibendt Predig.

Von der heiligen Tauff.

Iesus tratt zu seinen Jüngern / redet mit j-
nen / vñ sprach: Mir ist gegeben alle Gewalt
im Himel vnd Erden. Darumb geht hin/
vnd leeret alle Völker / vñd tauffet sie im Na-
men des Vatters / vnd des Sons / vnd des hei-
ligen Geiſt / vnd leeren sie halten alles / was ich
euch beuolhen habe. Math. XXVIII. Vnd
Marci am letzten Capittel: Gehet hin in alle
Welt / vnd prediget das Euangelium aller Crea-
tur / wer da glaubt vnd getauſt würdt /
der würdt ſelig werden / wer aber
nicht glaubt / der würt ver-
dampt wer-
den.

Auſlegung.

o ij Liebe

Die sibendt Predig über

Liebe Kindlin / Ir habet biß hieber durch die Gnad Gottes drey Hauptstück Christlicher Leeren verstein / Namlich die jöhen Gebott / die Artikel unsers Christlichen Glaubens / vnd das Gebett / wölches wir das Vatter unser nennen / vnd darauf gelernet / wie man leben / glauben / vnd betten soll. Nun wollen wir das vierde Stück / namlich die heilige Tauff auch für uns nemen / vnd lernen. Darmit aber ir Kinder solliche desto leichter begreifen vnd lenger behalten mügen / will ichs in vier theil auftheilen / vnd erstlich anzeigen / was die heilige Tauff seie. Zum andern / wer sie gestiftet vnd eingesetzt habe. Zum dritten / warzu sie uns nutz vnd gut seie. Zum vierdten / wie ehlich wir die heilige Tauff halten sollen.

i. Was die G. Tauff seie.

Inmersten soll ein jedes Kind wissen / was die heilige Tauff seie. Dann wann ich ein Kind frag / bistu auch getauffet vnd das Kind sagt / ja / vnd ich frage weiter / weistu aber auch was die Tauff ist: vnd es spricht Nein / so ist es im ein Schand vor Gott vnd dem Menschen. Frag ich die Kinder / ob sie nie gesehen haben / ein Kind tauffen / eins sagt Ja / das ander Nein. An diesem Vnuerstand seind schuldig erstlich vnd zum theil die Herrschafften / die nichts darnach fragen / ob / wie / vnd mit was fleiß ire Vnderthonen gelet werden / wie laider an vielen orten zusehen ist. Zum andern die Eltern / die sich auch wenig

wenig / oder gar nichts darumb bekümmern. Wann ein Kind geboren würde / so eilen sie auff das hefftigst / das es getaufft werde / vnd kan der Pfaff nicht zeit gnüg kommen / so fürchten sie / es werde etwas an den Kindern verfaumt / so sie aber getaufft worden sein / fragen sie nicht mehr darnach / was bey der heiligen Tauff geredt vnd gehandelt worden ist. Man finde auch wol solliche Boetlose Väter / so man ihre Kinder teuffet / das sie nicht selbst mögen darzu kommen / sitzen die weil beim Wein / oder thün sonst etwas anders / als ob es sie nichts angieng / so steen auch die Genuettern bey der Tauff / schwören vnd verheissen dem Allmechtigen Gott / der heiligen Dreysaltigkeit Gott Vatter / Son vnd heiligen Geist / sie wöllen dieses alles die Kinder erinnern / vnd wa die Elter vnfleissig sein wolten / das Kind zur forcht Gottes halten / denen jr Hertz solliche nie berürt hatt / vnd vermeinen / wann sie da gestanden dem Kind ein Doccengel gegeben haben / so haben sie es gleich wol außgericht / Die werden warlich an jenem tag vnsern Herrn Gott darnab Rechenschaft geben müssen.

So ist es auch laider mit vil Leuten dahin kommen / das sie die Genuettern allein vmb Gelds oder anders Benützn willen / vnd gar der Usach nicht bekommen / darumb sie zur Tauff gefordert werden / Namlich das sie nicht allein Zeugen sein solten / das diß Kind auff den Namen Gottes getaufft seie / sonder das sie es auch zu der Gottes forcht vnd Zucht wöllen helfen halten.

Ich weiß wol / was setze etlich Leute bey ihnen selber gedanken / hat es die meinung mit der Genuetterschafft / wer

Die sibende Predig über

wolt sich gern darzū brauchen lassen: Nun kanstu aber bey dir selber erachten/ wann du einem etwas vor Widerleuten verheissest/ so bistu es schuldig zū halten/ wienil mehr bistu schuldig zū halten/ was du deinem Gott versprichst und zusagst.

Mar. 7.

Darumb soll man zū Beuattern Gottesfürcheige rind erbare Leüt nemen/ die in dem Bund Gottes für das Kind reden/ denn Gott mit dem Kindlin in der heiligen Tauff machet. Dann gleich wie Christus für die Kinder redet/ man soll sie zū im kommen lassen/ dann das Himelreich sey jr/ also reden auch die Beuattern für die Kinder/ so getaufft werden sollen. Wann man solliche Leüt allwegen in der Tauff Gott darstellete/ rind die Eltern sampt den Beuattern neben den Sott jr Ampt auch hernach thäten/ so wurden one zweifel die Kinder mehr von der H. Tauff wissen/ dann man jetze laider wait.

Es hat der Papst die freundschaft der Beuatterschaft/ so eng eingespannen/ das auch die Ehe solte dadurch gehindert werden/ wölches doch kein hindernuß geben kan/ sunst derfft sich kein Christ mit dem andern verheublichen/ weil sie alle Brüder vñ Schwester sein/ wölches ein näher freundschaft ist/ dan die Beuatterschaft. Gleich wol sollen wir erinnert werden/ das es nicht ein kleine sonder ein grosse grosse freundschaft sey/ wann einer dem andern ein Kind auß der Tauffe hebte/ dann was es für ein Bürde vor Gott und den Menschen auß sich trage/ haben jr hie oben gebiet. Desgleichen werden wir auch hernach hören/ wann ich werd anfangen auch ewere Kinder firmen/ wölches ein Bischofflich Ampt ist. Wie nun ein jeder Pfarrer ein Bischoff

den Catechismum

liij

Bischoff ist / also soll er auff wenigst alle Wochen auff den
Sontag etliche Kinder firmen. Aber nicht auff die leppia
sche / kindische weis / wie im Papstamb beschehen / mit
einstinkenden öl / weissen Binden / vnd kindischem Bas
ckenstreich / sonder er soll sie für sich fordern / vnd sie lassen
Rechenschafft geben / von den Hauptstücken Christlicher
Leer / vnd so sie die selbige gelernt haben / sie ernstlich ver
manen auß Gottes Worte / das sie auch / als die Kinder
Gottes / darnach leben / diß ist das rechte firmen / das ist /
die Kinder in rechter erkennnuß vnd forcht Gottes bestän
tigen vnd stercken / die sette iren Glauben selbst bekennen /
vnd alle Menschen sehen mögen / das die Seelen oder Bes
uätern jr Ämpte fleißig verrichte haben.

Darzu liebe freünd wollen wir ein ander ererlich helfs
fen / vnd keiner auff ander Leut / sonder ein jeder auff sich
selbst vnd seine Kinder achtung haben / so würdt es gehn /
da zweiffelte nicht an.

So höret nun jr Kinder / was die H. Tauffe seie / Da
man euch getaufft hat / da hat man Wasser genommen / auff
euch gossen / vnd gesagt: N. ich tauffe dich im Namen des
Vatters / vnd des Sone / vnd des heiligen Geists. Wie
seind zwoy ding / das ein lebend jr Kindlin / dz ist ein Was
ser / wie es von Gott erschaffen ist / das ander Hörendt jr
namlich das Wort Gottes / Ich tauff dich im Namen des
Vatters / ic. Dife zwoy stück / vnd keins one das ander /
machen die heilige Tauff.

Was ist dann / wann gleich auff solliche weis ein Kind
mit Wasser begossen würet: Es ist liebe Kindlin ein Bad.
Was für ein Bad: nicht ein Bad / wie sonst ein Bad / dar
innen

Die sibendt Predig über

innen man die Kinder badet / sonder ein Bad der Wider-
geburt / vnd erneuerung des heiligen Geists. Dann also
Tit. iij. nennets S. Paulus / da er schreibt: Gott hab vns selig ge-
mache / nach seiner Barmhertzigkeit / durch das Bad der
Widergeburt / vnd erneuerung des heiligen Geists. Vnd
an die Epheser schreibt er: Christus hab sein Gemein / das
ist / die Christlich Kirch gereinigt / durch das Wasserbad
im Wort. Da fasset S. Paulus auch die zwey Stuck zus-
ammen / Wasserbad vnd Wort. Also hat auch Christus be-
uolhen zu tauffen / das ist / mit Wasser begießen / oder in das
Wasser tauchen / im Namen der heiligen Dreyfaltigkeit.

So ist nun liebe Kinder die heilig Tauff / ein heilig
Bad / das ist / ein solliches Bad / darmit der Leib von eif-
ferlichen Vnreht geseubert würdt / dann darzu brauche
man vor vnd nach andere Bad / sonder da beides Leib vnd
Seel vndem geistlichen Vnflat der Sünden gereinigt
werden.

Zum andern / Wer hats also geordnet / das die Menschen
sollen getaufft werden: Habens die Leute von jnen selber er-
dacht: Nain liebe Kindlin / Es ist kein Menschen fündlin /
oder ein menschliche Satzung oder Ordnung / sonder ein
Stiftung vnd Ordnung Gottes / Christus Jesus selbst
hats beuolhen vnd eingesetzt / wte jr am anfang auß dem

Matth. xxvij. Euangelisten Matheo vnd Marco gehört haben. Weil
Mar. xvj. dann der himmelisch Vatter von seinem Son sagt vom
Himmel herab / diß ist mein geliebter Son / an dem ich

Matth. iij. xvij. ein Wohlgefallen habe / den hörendt / das ist / kommend als
lem dem ererolich nach / das er euch beuolhen hat / so sollend
wir auch die Tauff brauchen / die er seinen Jüngern auff-
erlege

den Catechismum. liiij

erlegt hat/ in der gantzen Welt auffzurichten. Vnd so ein Mensch gleich keinen Nutz oder Frucht darnon wußte / so hat er doch seinem Göttlichen Befehl gñg gethon / so er es aber vnderließ/ kündte er sich wider so außgetruckten Befehl nicht entschuldigen.

Zum dritten/ Was nützt es aber ein Kindlin/ wann es getauft ist/ hat es auch etwas mehr dann vor? Wann man einem armen Kindlin dafür ein tausent Gulden schencke/ es würde es mehr nutzen / dann diß waschen oder baden. Also reden die Leute darnon/ die da nichts wissen/ was für ein theurer Schatz den Kindern in der heiligen Tauff geschenkt vnd übergeben würde.

Wir haben aber auß S. Paulus Epistel daroben ges. Tim. iij.
 hört / das die K. Tauff seye ein Bad der Wiedergeburt/ wie nutz aber vnd hoch von nöthen es seye einem Kindlin/ das es new geboren werde / so hörend was Christus sagt: Es sey dann / spricht er / das jemandt von newem geboren Joan. iij.
 werde / kan er das Reich Gottes nicht sehen. Wie aber die new Geburt zugehe/ sagt Christus weiter zu Nicodemo: Warlich/ warlich ich sage dir/ Es sey dann/ das jemandt geboren werde auß Wasser vnd Geist / so kan er nicht in das Reich Gottes kommen. Das ist Nicodemo ein new seltsam ding gesehen zühören. Er vermeinet/ es müßte einer widerumb in sein Mütter schleffen. Aber wann wir gleich tausentmalen von der Mütter geboren wurden/ so wurden wir doch nichts dest frommer/ oder Gott dem Herrn angenehmer. Zu der newen Geburt gehören Wasser vnd Geist/ das ein ist irdisch/ das ander himmelisch/ das ein/ nämlich das Wasser/ riert außwendig das Fleisch/ das ander aber/
B
nämlich

Die sibet. dt Predig über

nämlich der Geist / rüret vnd reiniget beides Leib vnd
Geel an den Menschen.

Nöcht aber jemandt sagen / du schreibst dem Wasser zä
vil zä. Mein liebe Kindlin / Wasser in der Tauff bleibe
Wasser / was aber da gewürckt würde bey dem Wasser /
das alles würcket Gott der heilig Geist / dem es gefallen
hat / zä diser Würckung das eüsserlich Wasser zugebrau-
chen / dann er köndte es auch wol thun on das Wasser / wann
es ihm gefallen hette. Wie er auch wol hette könden alle
Welt zäm Glauben bekeren / on die Predig der Apostel.
Darumb sollen wir vns nicht lassen Weiser gedanken /
dann der Herr selbst ist / sonder seiner Ordnung nachgehn /
so thun wir recht.

So sehen nun jr Kinder wie nottwendig euch die heilige
Tauff seye / wölte jr das Reich Gottes sehen / vnd in Him-
mel kommen / so solt jr getaufft werden.

Vnd laßt euch die Leute nicht verführen / die da sagen:
die kindlin haben kein Sünde / dann das Widerspil habend
jr newlich gehört auß dem 51. Psalmen: Das jr seind auß
Psal. 51. Sündlichem Samen gezeügt / von Natur kinder des
Ephes. 4. Zorns. Vnd wie Christus spricht: Was vom fleisch ge-
Joh. 19. born ist / das ist fleisch / das ist / sündig vnd unrein.

Vnd ob wol Christus für die gangen Welt Sünde ges-
torben ist / so nucket es doch allein die / denen sein Leiden nüt
sein Verdienst zugeeignet wäre / wölches geschicht den kind-
dern in der heiligen Tauff / wie wir auß S. Peters Epis-
1. Pet. 3. tel weiter hören wollen / der also schreibe: Wölches nun
auch vns selig mache / in der Tauffe / die durch jens bedeu-
tet ist / Nichte das abthondes Einflats am fleisch / sonder
der

den Catechismum

16

der Bund eines gütten Gewissens mit Gott / durch die
Aufferstehung Jesu Christi.

Wann ein Kind getaufft wirdt / so gilt es gleich / man
dunck es gar oder halb in das Wasser / man begiesse es mit
wenig oder vil Wasser. Dann wie die S. Petrus schreibt
so ist die heilige Tauff nicht ein Ablegung der eisserlich-
en Unflats am Leib. Christus stehet im Jordan / vnd ^{Matth. 19.}
wirdt vom Johanne getaufft. Da Philippus mit dem ^{Luc. 19.}
Kämmerer der Königin Candaces auß Moerenland / auß ^{Mar. 1.}
dem Wagen fahr / vnd an ein Wasser kamen / steigen sie
beide ab / vnd er tauffet in auß dem selbigen Wasser / Dann
durch den Beuelch Christi seind alle Wasser zu der heil-
igen Tauff geweiht / darumb es nicht ferner Weibens be-
darff / wie vergebentlich vnd Zaubertisch bey den Päpflern
beschiede.

Sonder wenn ein Kind getaufft wirdt / so mache Gott
mit dem selbigen Kind ein Bund / vnd wie sich Gott mit
dem Kind verbindet / also verbindet sich auch das Kind
mit Gott / namlich also. Gott der Vatter verheißt dem
getaufften Kindlin / er wolle sein gnädiger Gott vnd Vate-
er sein / vnd in für sein liebs Kind halten vnd aufnehmen /
schützen vnd schirmen zeitlich vnd ewig. Christus verheißt
dem Kindlin / er wolle sein Bruder sein / vnd im schenck-
en den Verdienst seines allerheiligsten leidens vnd ster-
bens / vnd darmit alle seine Sünde zudecken / vnd es mit-
erben lassen alle himlische Gütter. Der heilig Geist ver-
spricht einem sollichen Kindlin / das er wolle sein Leerer /
Tröster vnd Fürsprech in allen seinen nöthen sein / im
Glauben stercken vnd erhalten / vnd ewiglich selig machen.

W i j Dann

Die sibendt Predig über

Mar. xvj.
Act. ij.

Dann also laute die Verheißung: Wer glaube und getaufft
würde / der würde selig werden / vnd S. Petrus sage
Wacker Bäß / vnd lasse sich ein jeglicher taufen auff den
Namen Ihesu Christi zur vergebung der Sünden / so
werdet jr empfangen die Gaben des heiligen Geists. Dis
alles solt jr verstehn / wann der Kirchendiener sagt. N.
Ich tauffe dich im Namen des Vatters / vnd des Sons /
vnd des heiligen Geists. Dann es ist eben so vil gesagt /
als sprech der Kirchendiener: liebs Kindlin / Ich tauff dich /
das ist / ich begieß dich mit Wasser / aber der rechte Tauffer
ist die heilig Dreifaltigkeit selber / Gott Vatter / Son
vnd heiliger Geist / der bezeugt dir mit diesem gegenwertigen
Wasser giesen oder bespiengen / das er dein gnädiger
Gott wölle sein / wöll dir alle deine Sünde auß lauter
Gnad verzeihen / dich aufnehmen an eins Kindesstatt vnd
Erben aller himlischen Güter. Das ist der Bund den
Gott mit dem Kindlin mache / das ist / die Bestätigung
vnd Versagebung seiner gnädigen vnd Väterlichen Zus
sagungen.

Wie nun Gott einem Kindlin alle Gnad vnd väterliche
Gerechtigkeitz zugesaget vnd versigelt: Also verspruche widerumb
ein Kindlin dem Herrn seinem Gott / das es wöll ein
fromms / Gottesfürchtigs Kind durch sein Gnad sein vnd
bleiben / vnd nach seinem Wort die tag seines lebens wans
deln. Vnd dis ist der Bund eines guten Gewissens mit
Gott / darvon der heilig Petrus redet / so lang dem Kindes
lin die Sünde nicht verzeihen seind / so lang hat es kein güt
sonder ein böß / vnreines / anklagend Gewissen. Wann jm
aber die Vergebung seiner Sünden erlange / vnd von den
selben

Ps. lxxvij.

den Catechisum 16j

selben durch Christum Serechtfertigt ist / so hat es friden Rom. v.
mit Gott / vnd ein güt Gewissen.

Wöchte aber jemandt sagen / wie kan das Kind mit
Gott ein Bund eines gütten Gewissens haben / so es nicht
reden kan: Es müssen beide theil reden können / sonst gilt
es nicht. Wie antwort / das die Kinder noch nicht reden köns
den / das irret gar nichts in disem Bund. Dann wann das
ein hindernuß solte sein / so hette auch Gott im alten Tes
tament mit den Kindern kein Bund / vnd sie mit ihm ha
ben können / die eben so wol nicht haben reden können als die
Kinder im neuen Testament. Gott macht ein Bund Gen. xxi.
mit Abraham / der sich in seinem Alter beschneiden ließ /
vnd was die Beschneidung das Bundzeichen / wie im newen
Testament die h. Tauff / da ihm aber Ismael vnd Gen. xxi.
Isaac geboren worden / wartet er nicht biß sie alt werden /
sonder beschneidet sie am achten tag. Vnd so einer sagen
wolt / er hette es beuelch gehabt von Gott / destet mehr bes
stätigt es / das nicht von nöten sey / das die Kinder reden
müssen / oder das sie nicht eher das Bundzeichen tragen sol
ten / sie köndten dann mit irem Mund iren Glauben bekens
nen vnd bezeugen.

Auff das es aber diß ortes nicht feble / vñ die arme Kind
lin des Bundzeichens nicht darumb beraubt würden / so
redet Christus selbst für die Kinder / vnd an statt der kind
er / vnd spricht. Lassen die kinder zu mir kommen / vnd Mar. x.
wehren jnen nicht / dann solllicher ist das Himmelreich. Was
mangelt dir an der kinder fürsprechen / das du sie nicht tauf
fen wöleste: zweifelst etwas an seiner reder ist er nicht war
baffig gnüg: wilt jm nicht so wol glauben / als wann die

W iß kinder

Die sibendte Predig über

Kinder selbst reden künden: Christus verspricht ihnen das Himmelreich / vnd du wilt ime das Bndzeichen des Himmelreichs versagen: das hiesse Christum in die Schül geskeret.

Gen. xvij. Zu dem so haben die jungen Kinder eben so wol die verheissung der Gnaden als die Alten. Ich will / spricht der Herr / dein Gott sein / vnd deines Comens nach dir / das ist deiner Kinder. Darumb ein Christlicher Hausvater gedencke vnd sprich / Gott hat mit nicht allein zugesagt / das er mein Gott sein wolle / sonder er wolle auch meiner Kinder Gott sein / darumb sollen sie auch das Bndzeichen tragen / das ich trag / nach dem Benelch Gottes /

Gen. xvij. wie im alten Testament beschreiben mit dem Bndzeichen der beschneidung / an welcher Statt die H. Tauff im neuen Testament kommen / wie S. Paulus zu Colossern außdrücklich bezeuget / da er schreibt: In welchem jr auch beschneitten seid / mit der Beschneidung ohne Hand / durch ablegung des sündelichen leibs im Fleisch / nämlich mit der beschneidung Christi. Nicht einer sagen / was ist die Beschneidung Christi: setze S. Paulus gleich daranff / in dem / das jr mit ime begraben seid / durch die Tauffe. Hie bistu klar / das die beschneidung Christi ist die heilige Tauff / die kommen ist an statt der beschneidung des alten Testaments.

Darumb müssen das verwegen Leute sein / die den armen kindlin on alle rechtmessige visach die heilige Tauff abschlahen / vnd also / sonst an ihnen ist / sie gern des Himmels vnd ewigen Lebens berauben.

Eysprechen sie / was kan vngereimpter gesagt werden / dann

den Catechismum

lvij

dann so ein Kirchendiener frage: Joannes / wilt getaufft werden: vnd die Aelteſen ſagen / Ja. Aber jr habet daroben Mar. 2. gehört / das die Elter als Glieder Chriſti da ſtehn / der geſtalt / vnd reden für die Kinder / das Chriſtus für ſie geſeſſet hat / dann die Jünger waren auch der meinung / weil die Kinder nicht reden künden / man ſolte Chriſtum mit ihnen vnbenüßet laſſen / da erſtattet Chriſtus der Kinder ſtatt / vnd redet mehr für ſie / dann ein Aelteſer für ſich ſelbſt hat reden künden / namllich ſonil / das es gnüg geweſen iſt / zu der Tauffe.

Weiter ſprechen ſolliche irrige Leute / weil dann die H. Tauff ein Bad vnd Widergeburt iſt / wie komptes dann / das die Kinder ſo böß ſein / wann ſie auffwachen / man ſolte doch die Widergeburt auch etwas an ihnen ſpüren. Antwort / kan nicht auch ein Aelteſer vnd erwachſener Menſch widerumb abfallen / vnd zu einem Buben werden: was laſſet dich dann wundern / wann ein jung Kind von wegen vortrefflichkeit ſeiner Elter widerumb verſürt würde:

So dilget die H. Tauff die Sünde nicht alſo im Menſchen auß / das ſie nicht mehr da ſeye / ſonder das ſie nicht zu gerechnet würde / vmb Chriſtus willen / durch wölches Blut ſie bedeckt ſein. Denmach / ſo ſich dieſelbige in dem getauften reget / vnd auch überwindet / iſt nicht von nöthen / das der Menſch wider getaufft werde / ſonſt müßte man nichts thun / dann immerdar reuſſen / ſiebttenmal wir vil vnd oft fallen / ſonder der getauffte ſoll Bäußwirken / ſo beſtehet der erſt Bund Gottes noch / wie den erſten Tag. Dann Gott kan ſich ſelbſt nicht leugnen / wie S. Paulus 1. Ti. 4. ſaget: Glauben wir nicht / ſo bleibet er ewig / er kan ſich ſelbſt nicht

Die sibendt Predig über

nicht leügnen. Darumb auch kein sicherer Lauff ist des halben / dann den wir in der Kindheit empfangen haben / da
Mar. 7. Christus der Son Gottes selbst für uns geredt hat / das Himmelreich sey unser.

Wann ein par Eheuolck mit einander rheins würde nñ von ein ander lauffen / mache man jnen kein newe Ehe / sonder lasse es bey der ersten Verlobung bleiben / nñ vereintge sie allein widerumb mit einander. Also wann wir an Gott brüchig worden / ist nicht von nöthen / das man uns widerumb tauffe / sonder durch ein ware Büß uns mit jme versönen / wie täglich geschicht.

So sehet nun jr Kinder / wie nottwendig rind nuch euch die H. Tauffe seye / rind das ichs euch mit zweyen Worten anzeige / so ist die heilig Tauff Brieff rind Sigel / dann das heiße das wörelin / Sacrament / darmit Gott euch kindlin bezeugt / das er ewer gnädiger Gott sein wölle. Der Brieff ist das Wort / seiner gnädigen Verheißung / der Sigel aber / ist beides das eüsserlich Zeichen rind der heilig Geist / mit wölichen die Kinder Gottes / gewaschen rind gebadet werden.

So aber ein Mensch den Brieff / rind den heiligen Geist verleüre / das ist / der Verheißung Gottes nicht glaubt / den hilfft nichts / wann er gleich den eüsserlichen Sigel behalt / das ist / wann er schon getauft ist. Darumb sage Christus: Wer aber nicht glaubt / der wirdt verdampft werden / als wölt Christus sagen / so hilfft jne die eüsserliche Tauffe gar nichts / sonder ist ein Zeugnüß wider jne.

Der aber zur zeit der Ansechtung Brieff rñ Sigel mit rechtem waren Glauben kan herfür ziehen / rind sprechen.

Herr

den Catechismum 1611

Herr ich trawedeiner väterlichen vn gnädigen Zusage/ vnd bin auch nach der selbigen getaufft/ der kan bestehn/ vnd würde nach dem wort Christi gewislich selig werden.

Da David mit dem grossen Risen Goliath streitten j. Sam. xvij.
solt/ vn menschlicher Seercke nach jme vil zu schwach was/
zeucht er sein Beschneidung herfür/ die er in seiner Kinde-
heit empfangen hat / vnd schlecht den Risen. Also wann
wir vnserer Sünden halben vom Teuffel angefochten wer-
den / sollen wir vnser Tauff herfür sachen/ die wir in der
Kindheit empfangen haben/ vnd vns erinnern/ was vns
Gott darinnen zugesagt hat / darauff sollen wir vns ver- Mar. xvj.
lassen mit einem lebendigen Glauben/ so überwinden wir. j. Joan. v.

Zum vierdten vnd letzten. Wie sollen wir aber diß Klei-
nat/ die heilige Tauff halten? Das leeret vns der Apostel
S. Paulus mit einem wörtlin: Wie vil erwer getaufft sein/
die haben Christum angezogen. S. Paulus vergleicht Gal. iij.
Christum einem hübschen schönen Kleid / wie jr dan new-
lich auch im Closter gehört haben. So lernet nun jr Kin-
der von euch selbst. Am Sontag oder Palmtag/ wann du
ein hübschen Rock anhabst/ so siehestu mit allem fleiß/ das
du in nicht katzig machest oder besudelst/ sonder am abende
bindestu die Falt widerumb zusamen/ vnd legst in in den
Trog/ biß widerumb ein Feyertag kompt. Wölcher Pab-
aber mit einem neuen Rock oder Kleid gleich in das Kat-
lauft/ da es am dieffsten ist/ so sagt man/ es seye ein grosser
Onsat/ vnd nimpt in den Rock/ vn last jne in seinen als-
ten zerlumpten kleidern gehn. Also haben jr kinder in der
heiligen Tauff/ einen schönen hübschen Rock angezogen/
nämlich/ die Frombkeit vnd Onschuld vnsero Herren Jesu
Christi

Die sibendt Predig über

zu Christi / das euch Gott so from und unschuldig helt / als from und unschuldig vnser Herr Jesus Christus in seinem leiden und sterben ist. So müßt jr fleißig achtung auff euch haben / das jr den Rock nicht widerumb besudlen / sonder sauber und rein behalten.

Wie besudelt man dann disen Rock: Das haben jr liebe Kindlin in der auslegung der zöhen Gebott gehört / wilß euch aber auch mit einem Wort alles widerholen. Das Raat oder Onstat / darmit jr den Rock besudlen möchtet / ist vmd heisset / Sünde / die Sünde ist / liebe Kindlin / darvor jr euch hietten sollen / als da ist / Vnglaub / Verachtung oder Versaumung Gottes Wortes / Ungehorsam / Zanck / Vnzucht / Liegen und Seelen. Wan ein Kind sich sollicher böser Geuck / wenig oder vil befeisset / so besudelt er das schön Kleid / das es in der H. Tauff hat angezogen.

Es ist auch ein grausame / erschrockenliche Besudlung / ich weiß aber nicht ob ichs sagen soll oder nicht / dan es ist so gar greulich und abscheulich zu hören / wann ich nun daran gedenck / so gehn mir die Haar gen berg / und ich weiß / wan ichs euch Kindern sagen werde / so werden jr alle darüber euch befeigentsetzen und erschrecken / Soll ichs sagen: ja ich wilß sagen / dann es ist ein gemeindingleider worden / und ist nämlich das / verzeihe mirs Gott das ichs nachsage / wann ein Mensch zñ andern sagt: Das dich Vots Tauff schende: Ich hab wol gedacht / jr werden euch entsetzen / wan ichs sagen werde. Ist aber nicht diß ein greulich und erschrockenlich ding zu hören: Der Teuffel miß ab dem Namen Ihesu erzittern / so müß ein sollicher Mensch erger sein dann der Teuffel / der on alle forcht vmd schrecken den Namen

des Catechismum. liij

Namen seines Gottes so gewolich löstere / das haben wir
 von Landesknechten und Kriegerleuten / heet man da bey
 zeit geredet / so heete es nicht so weit umb sich gefressen/
 wie ein Sawcraig / das leider gemeinlich Jung und Alt / Luc. xij.
 Weib und Man / den Namen Gottes gewolich schänden i. Cor. v.
 und löstern / darzu auch die kleine Kinder / und sollend dem Galat. vj.
 nach gewislich schliessen / das ein Kind / das löstere und
 flücht bey der Tauff / oder sonst bey dem heiligen Namen
 Gottes / das es sey auß dem leidigen Teuffel / darnor jr euch
 hütten sollen und wenden. Wann jr ein Menschen sehen oder
 hören / der Gott löstere / so solt jr weite / weit von ihm lauffen
 und in fliehen als den Teuffel selbst / darmit nicht der
 Erdbod mit euch und sine einbreche / wie mit Chore / Num. xxiij.
 Amnon und Dathan beschehen / oder das Feuer vom Himmel
 falle und verzöre euch.

Wan jr Kinder ewern Tauff so ehlich halten / und auff
 euch fleissig achtung haben / so werden jr fromme Kindlin
 bleiben / und seine Letzt auß euch werden.

Es behaltens nun mit fleiß / was die heilig Tauff seye /
 wer sie gestiftet und eingesetzt / warzu sie uns nutz rind güt
 seye / und wie wir uns derselbigen in vnsern letzten und höch-
 sten Nothen zutrösten haben / rind das wir sollich Kleinat
 sauber auffheben / rein behalten / nicht mit Sünden rind

Lastern besudlen / Auff das jr in disem Kleid
 vor Gottes angesicht mit Fremden er-
 scheinen / bestehn / und ewiglich
 bleiben mögen / Amen.

Q ij Die

Die achte Predig über Die achte Predig.

Vom heiligen Abendtmal des H E R R N.

Math. xxvj.
Mar. xiiij.
Luc. xxij.
j. Cor. xj.

S Er H E R R Jesus/ in der Nacht/ da er
verthaten ward/ nam er das Brodt/ dan-
cket vnd brachs/gabs seinen Jüngern/vnd
sprach: Nemet/ esset/ das ist mein Leib/ der für
euch gegeben würdt/ solchs thut zu meinem Ge-
dächtnuß. Desselben gleichen nam er auch den
Kelch nach dem Abendtmal/ gab in den/ vnnnd
sprach: Nemet hin/vnd trincket alle darauf/ das
ist mein Blüt des newen Testaments/ wölches
für vil vergossen würt/zur vergebung der Sün-
den. Solchs thut so offft ihs trincket/zu meinem
Gedächtnuß.

Auflegung.



Wlt das fünfft Capetuck Christlicher
Leer/ nämlich/ das heilig Nachtmal
Christi/darvon sollen jr Kinder auch ein
Bericht haben/auff das jr auch hiernon
sünden Rechenschaft geben/wer euch dar-
umb anreder.

Vnd

den Catechismum 12

Vnd wöllend erstlich hören / was das Nachemal Christi
sei / wer es gestiftet vnd eingesetzt habe. Zum andern /
Wann es geordnet hab. Zum dritten / Warum es hab
eingesetzt. Zum vierdeen / Warzū es nutz vnd güt sei. Zum
fünfften vnd letzten / Wie man sich darzū schicken soll / das
man es würdiglichen empfangen möge. Wann jr dise fünf
Stück wol mercken / vnd lernen / so werden jr Kinder bes-
sern Berichte thun künden / dann man noch vil alter Leüt
finden möchte / darumb so wöllend fleissig auffmercken.

Erstlich / was das Nachemal Christi sei / sehend jr
Kind / wann jr in die Kirch kommend / das man Brode
vnd Wein auffsetzet / vnd wann die Leüt vmb den Altar
oder Tisch herum gehn (dañ es gilt gleich / es sey ein hils-
tiner oder steininer Tisch) gibt man jnen zū essen vnd zū
erinken. So frage nun ein Kind / was ist / das man den
Leütten zū essen gibt? Wann jr dann des Herren Wort
mit fleiß gemercket haben / so künde jr leichtelich antwort ge-
ben. Wer es aber nicht gemercket hat / der gedencket nicht
weiter / dann er sibet: dann wie er nicht mehr sibet / vnd
schmeckt / dann Brode vnd Wein / also meint er auch / es sey
nichts weiter. Wer aber auff die Wort Christi mercket /
der lernet / das diß essen vnd erinken in der Kirchen ein
himlische Malzeit ist / darinnen vnd darbey warhafftig
ausgetheilt würde / nicht allein Brode vnd Wein / sonder
etwas mehr vnd bessers / namlich ein himlische Speiß
vnd Tranck darmit nicht der Mag gespeiset / sonder der
Geist des Menschen erquicket vnd erfreuet / gestärket vnd
gecröset würde.

Waher nennen wir diß / liebe Kindlin: Auß den Worten
G iij ten

Die achte Predig über

ten des Herren Christi. Dann hie hören wir / da der Herr das Brodt genommen / hab er seinem himlischen Vatter danck gesagt / seinen Jünger gegeben vnd gesagt / nemet / esset. Sie möchten gesagt haben / Herr wir haben erst gesessen vnd getruncken / setze der Herr hinzu / das ist mein Leib / das ist mein Blüt / der Herr will nicht darnit iren Leib speisen vnd trencken / das ist / den leibliche Hunger oder der Durst darnit vercreiben / dann sie waren schon gesetset get / er will inen ein andere Speiß geben / darvon er men lange zeit zuvor geprediget hat / daer saget: Mein fleisch ist warhafftig ein Speiß / vnd mein Blüt ist warhafftig ein Tranck: vnd abermals / werden jr nicht essen das fleisch / des Menschen Sone / vnd trincken sein Blüt / so habt ihr kein Leben in euch. Diß sein fleisch vnd Blüt / diß Speiß vnd tranck gibt er seinen Jüngern im heiligen Abenemal zu essen vnd zu trincken / dann er sagt / nemet esset / das ist mein Leib / nemet trincket / das ist mein Blüt / vnd das man wisse / was er für ein Leib vnd Blüt meine / setze er hinzu / der für euch gegeben würde / das für euch vergossen würde.

Joan. vi.

Spricht ein Kindlin / wie muß ich das verstein / würde auß dem Brodt vnd Wein / der Leib vnd Blüt Christi gemacht: Nain / liebe Kindlin / sonder Brodt vnd Wein seind von Christo verordnet / das mit Brodt vnd Wein der irdischen Speiß vnd Tranck / der Leib vnd Blüt unsers Herren Christi / die himlische Speiß vnd Tranck außgetheilt werden. Dann also legte S. Paulus selbst auß / da er schreibt: Das Brodt / das wir brechen / ist nicht die gemeinschaft des Leibs Christi: der gesegnete Kelch / wölcher

1. Cor. 11.

den Catechismum

lxj

welchen wir segnen / ist der nicht die Gemeinschaft des Bluts Christi: Wie künden aber die Wort Christi deitlicher und einseitiger verkleret werden: daraus jr lernen das mit Brodt und Wein der Leib und Blut Christi ausgeheilt / und empfangen werden.

Sollichs / liebe Kindlin / laßt sich nicht verstehn / das ist / mit der Vernunft fassen / sonder es will allein mit dem Glauben gefasset sein / wie jr dann auch daroben von der H. Tauff gehört haben / die durch den Glauben verstanden würdet / der allein auff des warhafftigen und Allmächtigen Wort sibet / und in einseitigkeit seines Hertzen volget.

Und souil vom ersten theil / was das für ein Malzeite sey / die man in der Kirchen heilt / auff das jr nicht gedencen / es wer eben einding / als wann man sunst dabeimidd in den Heüssen esse und trincke / darumb es von den Aelteen heiligen Vätern ein Geheimniß ist genennet worden.

Zum andern / wann hats aber Christus also gestiftet / vñ geordnet: Die Euangelisten bezeugen / Christus hats mit seinen Jüngern gehalten . So möchte jetzt einer sagen / hats Christus mit seinen Jüngern gehalten / was gebet es dann uns an / dann wir sind nicht die selbige Jünger. Wie gibe vns liebe Kindlin S. Paulus ein feinen besicht / da er an die Corinthier schreibt : Ich hats vom j. Cor. xj. Herren empfangen / das ich euch gegeben habe / als wolt er sagen / Christus hat das H. Nachemal nicht der meinung mit seinen Jüngern und Aposteln gehalten / das es andere Zeit nicht solt angehn / sonder das ich vom Herren empfangen /

Die achte Predig über

pfangen / hab ich euch auch gegeben / er meinet aber alle Christen zu Corinthe / Prediger und Zuhörer / Weib und Mann. Vnd ist hie sonderlich wol zu merken / das S. Paulus kein vnderscheid der Personen macht / darbey ih Kinder lernen sollen / das es vnrecht ist / wann die Priester oder Pfarrher das Sacrament auff ein besondere weiß / und die Layen oder Gemein auch auff ein besondere weiß empfangen wöllen / dann Christus hats nur auff ein weiß gestiftet / vnd mit seinen Jüngern gehalten. Vnd eben auff die selbige weiß vnd nicht anderst hats es S. Paulus auch den Corinthiern gegeben.

Es soll euch auch nicht irren / das jr Christum selbst nicht sehen mit ewern Augen vor euch sitzen / wie die Jünger er gesehen haben / dann das er dort gethon hat / das thut er noch / aber durch den dienst der verordneten Kirchendiener / darumb sagt S. Paulus. Ich habß vom Herren empfangen / das ich euch gegeben habe. Dann wie Gott den Dienst der Prediger braucht / bey der Widergeburt / bey der Leer / also braucht er in auch in außwendig diser Speiß und Tranck / und pleibet er der Herr / der seinen Leib und Blüt uns mittheilt / vms darmit speiset vnd trenck zum ewigen Leben.

Darumb liebe Kindlin / wann euch ein Priester / nur ein theil dises Sacraments geben wölle / so nempts nicht / dan er gibet euch nicht / wie es S. Paulus von dem Herrn empfangen hat / und ist auch warhafftig des Herrn Nachts mal nicht.

Zum dritten / Warumb hats aber der Herr Christus 1. Cor. xi. geordnet: das zeigen auch seine Wort an / da er spricht: Solches

den Catechismum 177

Wes thün zu meinem Gedächtniß. Das ist / so offte wir zu 1. Cor. 11.
dieser himlischen Malzeit kommen / so sollen wir betrachten
das bitter leiden vnd sterben Christi / sollen unsere Sünde
hertzlich beweinen / vmb deren willen er leiden / sterben / vñ
in die Hell hat faren müssen / sollen ihme dafür lob vnd
danck sagen / vñ mit der empfangung dieses Abendmals
unsere Glauben offentlich bezeugen. Welches ime ein anges
nehmer vnd gefälliger Gottesdienst ist.

Man findet aber liebe Kindlin / ettelich Leute / die da
vermeinen / sie könden wol Christen sein / wann sie gleich je
lebenlang nimmer mehr zu dem heiligen Abendmal gehn /
vnd geben für / sie betrachten alle Stund vnd Tag das leide
den Christi / sie gedenden immer an ime / vnd vergessen sein
nicht / vnd das reden sie nicht allein / sonder treibens vñ
lassens auch erucken / vñ sagen / es seien in alten Testa
ment vil frommer Väter selig worden / die auch das Nach
mal nie empfangen haben. Ist aber liebe Kinder das nicht
ein kindisch fürgeben / wie übel reimpt es sich zusammen. Die
Väter im alten Testament haben es nicht künden em
pfangen / dann es ist noch nicht gestiftet gewesen. Im
newen aber ist es gestiftet vnd ernstlich beuolhen worden /
Wer diesem Beuelch nicht nachgeheth / wer in leicht helt /
in Wind schlecht / vñ nichts darnach fraget / den würt war
lich der Herr Christus für seinen Jünger nicht erkennen /
er gebe für heiligkeit / wie groß sie auch für der Welt glitzen
vñ scheinen / Darumb jr Kindlin sie fliehen sollen. Es
hilfft hie auch nicht / das man für gibt / es seyen fromme
Leute / sie fluchen nicht / sie stelen nicht / sie übererucken
nicht. Sie seind aber dem Wort vnd beuelch Christi vn
gehorsam /

Die achte Predig über

1. Sam. xvij. gehorsam/ wölches ein grosse/ greuliche vnd erschrocken-
de Sünde ist / vmb deren willen der König Saul vom
Herren ist verstorben worden.

Es mag auch ein Kindlin bey jure selber gedencken/
wann es nicht von nöthen ist / das einer zu diser Malzeit ge-
he / was doch Christus für ein tönlicher Man seye gewes-
sen / der ein so vnmotwendigs Ding gestiftet hat / dessen
man wol gerhaten künde / vnnnd sein sonst jimmerdar gedem-
cken.

Das sage ich euch darumb / das jr euch jetzund oder auch
künfftiglich solliche Leute / von der Warheit vnnnd Gehor-
sam Bödelichs Beuelchs nicht lassen abfären. Wölches jr
dann noch besser verstehn werden / wann jr hören sollen/
warzu vns dises Nachemat nutz vnd gut seye / vnd wie hoch
wir desselben bedürffen.

So folge nun zum vierden / was vns dise Malzeit /
dise Speiß vnnnd Trank nütze. Ir Kinder habet new-
lich gehört / das Gott zwey ding von vns erfodere / Näm-
lich recht glauben / vnnnd recht leben. Der keins aber kün-
den wir von vns selbst / sonder wir müssen es von Christo
Johan. xv. haben / wie er sagt: On mich vermagent jr nichts. Vnnnd
wann wir gleich angefangen haben durch sein Snad glau-
ben vnnnd recht leben / so machte vns der Teuffel mit allerley
Anfechtungen vnnnd Ergernissen / so schwach vnnnd mace /
das wir nicht bestehn künden / die bedürffen wir wol einer
starken vnnnd kräftigen Speiß / die vns stercke. So sagt
Joan. xij. Christus: Wer mein fleisch isset / vnnnd mein Blüt trin-
cket / der bleibe in mir / vnnnd ich in ihm / vnnnd er würde es
wiglich

Den Catechismum 1211

wiglich leben/ vnd ich will in am jüngsten Tag wider auff-
erwecken.

Hie hörend jr Kinder/ was die Sterckung seye/ die vns
im Glauben vnd Christlichem lebenerhalten kan/ näm-
lich das Fleisch vñ Blüt vnseres Herren Christi/ Der will
selbst in vns wonen/ vnd nicht allein hie zeitlich in seiner
Gnad erhalten/ sonder auch vnsern verweßnen Leib am
jüngsten Tag wideramb erwecken/ vnd also mit Leib vnd
Seel ewiglich selig machen. Wen dises nicht treibe zusä-
chen dise heilsame Speiß vnd Trancß/ dem weiß ich nichts
zusagen/ das in lustig machen solle.

Es ist vns offte wie S. Peter/ das vns gedunckt/ wir Job. 28.
seyen stark/ aber ehe wir vns umbsehen/ so liegen wir zus-
bauffen/ darumb wir dise Stercke vnd Labung wol be-
dürffen. Wann der Herr in vns ist/ so ist er vil stercker/
dann der in der Welt ist/ vnd wissen/ das wir in jme Frid Joan. 1. 1.
vnd Sig haben. 1. Cor. 15.

Hie finde man abermals widerspenstig Leute/ die sa-
gen/ Wo seind dieselbige Leute: ich sehe wol vil zām
Nachmal gehn/ sihe aber nicht Besserung/ ich sihe wol
das Widerspil/ das sie je lenger je böser vnd verkerter wer-
den. Darauff muß ich euch Kindlin zu einem Berichte
durch ein Gleichnuß antwort geben. Der Wein würdt ge-
lobt über alle Trancß/ vnd nicht vnbillich/ dann er hat
vil Eigenschafft/ Nämlich/ das er den Menschen sterckt Psal. 104.
vnd frölich machet/ vnd es ist war. Wie kompts aber/
wann die Barren zu dem Wein gehn/ so begibt es sich
zū zeiten/ das der Wein einem Barren das Hertz ab-
koffet/ gemeintlich aber werden sie wild vnd vnflätig/

R ij wer

Die achte Predig über

wer nun het hören den Wein loben / vnd sehe / was dise
Baroren thäten / der möchte auch sagen / ich glaube nicht/
das dise Baroren Wein getruncken haben / dann der Wein
machte frölich nicht vnflätig / er stercke / er tödteet nicht. Ja
lieber freünd / es ist nicht des Weins schuld / sonst müßten
alle die vnflätig sein / die Wein trincken / das nicht ist /
dann man findet vil züchziger / frommer / mässiger Leute /
die weder vnzüchtig noch wild werden / Sonder es ist etts
was anders an dem vnflätigen Wesen vnd Tode schuldig /
Was ist: Es ist der Begauff / er hat zu vil vnd oft auff
geget / vnd den Wein mißbraucht.

Also auch liebe Kindlin / das vil Leute zum H. Nach-
mal gehn / vnd werden doch nicht frommer / sonder nur er-
ger / das ist nicht des Nachmals schuld / vnd soll seinem
Cob vnd Rhäm nichts nemen / das es ein starcke / frefftig-
ge / heilsame Speiß ist / allen denen / die sie recht empfang-
en / vnd recht brauchen. Wölcher sie aber vnrecht braucht /
vnd empfabet / dem stoffet es auch das Hertz ab / das ist / sie
1. Cor. xj. richtet in / wie der Apostel zeiget. Darumb wissen jr
Kindlin auch auff dise Einred zu antworten / mit wölcher
nicht wenig Leute vom heiligen Nachmal abgehalten
werden / weil sie sehen / das etlich darnon nicht böß / son-
der erger werden.

Zum fünfften vnd letzten / wollen wir auch hören / wie
sich ein Kind zu dem Abenemal schicken vnd bereiten soll /
darmit es darnonein starcke empfangen / beids / im Glauben
vnd rechtem Christlichen leben / vnd imen nicht gehe /
wie dem Baroren / dem der güte / edel / frefftig Wein das
Hertz abgestossen hat. Darnon habet jr newlich gehört /
wils

den Catechismum. lxiii

teils aber umb ewig Kinder willen widerumb erholen. S. Paulus vermanet erstlich/ es soll sich ein Mensch vor prü- 1. Cor. xj.
fen/ehe er zum Nachtmal gehet/ das ist/ er soll nicht vnbes-
dacht hinzü gehn / sonder sich zuvor wol bedencken/ was er
thon wöll/das er im recht/vnd nicht vnrecht thue/dann es
soll kein Kind im Vnglauben vnnnd Vnuerstand hinzü
gehn/sonder zuvor den Leib des Herren wol vnderscheiden
künden / von aller andern eüsserlichen Speiß. Dann wer
das nicht thut/sagt S. Paulus / der werde gestrafft wer-
den / was aber der Leib Christi im Nachtmal sei/vnnnd
wie man vnderscheiden soll/haben wir im ersten theil diser
Predig gehört.

Darnach solend jr sehen/das euch ernst sei/ vnnnd das jr
nicht ein falsch Hertz haben/wie die böse Gleisner/ die sich
stellen/als seien ihnen ire Sünde laid/vñ als wolten sie from
werden/vnnnd ist ihnen doch nit ernst / es seind nur Wort/
vnnnd nicht Hertz. Wer ein sollich falsch Hertz hat/der plei-
be auch darvon/bißer anderst vnnnd bößer gesinnet werde/
oder er wüirde auch gestrafft werden / wann er gleich rechte
vom Nachtmal des Herren redet vnnnd bekennet.

Ja / spricht ein Kindlin / Ich wölte gern hinzü gehn/
wan ich wüiste/das ich nicht wider sündigte/dan ich fürchte/
wann ich darnach wider siele/das mirs nicht verziehen wür-
de. Wie solt jr euch mit dem Exempel der lieben Apostel
erösten / da sie das Nachtmal empfangen / gleich darauff Math. xxvj.
verlangnen sie den Herrn/vnd verlassen ine/die doch Chri-
stus darumb nicht ewiglich verstoßen / sonder da sie Büss
würckten/dise vnnnd andere Sünde verziehen vnnnd vergeben
hat.

R iij Aber

Die achte Predig über

Aber hiemit will ich denen die Thür nicht auffgethon haben zu irem verderben / die mitterwillig vnd fürferlich vil vnd ofte auff die Barmhertzigkeit Gottes sündigen / sonder ich hab allein den gar engen Gewissen rhaten wollen / die der Teuffel gern mit der Lugin zur Verzeiwlung bringen wolt / die sollen wissen / wann sie allen iren möglichsten fleiß fürwenden from zu bleiben / so werden sie dennoch auff dem heilen Eiß diser Welt / von wegen der Schwachheit ihres fleischs / ofte stranchlen / vnd zuzeiten auch das Maul wieß zerfallen / darumb man desto fleißiger betten / vnd auff sich selbs achtung haben soll / darmit wir dem tausendlistigen begegnen / vnd durch Gottes Gnade sampt unserm sündigen fleisch überwinden mögen. Dese unsere Schwachheit / soll vns desto öfter zu dem Tische des Herren treiben / wie ir newlich gehört haben / darmit wir derselben ein Widerstand thun mögen.

Darumb liebe Kindlin / wann ir also verstanden vnd gelernet haben / vnd ist euch ernst in ewern Hertzen / das ir begere vnd wollen nach dem Wort vnd Willen des Herren leben vnd wandlen / so gebet inerschrocken mit einem demüctigen Geist vnd glaubigen Hertzen hinzü / so würde großlich der Herr in euch erstatten / was er euch in seinem Allmächtigen vnd warhaftigen Wort hat versprochen vnd zugesagt / das ir mit der Himelischen Speiß vnd Trank zu dem ewigen Leben gespeiset vnd getrenckt werden.

Ich verhoff auch liebe Kindlin / es sollen durch disen Bericht nicht allein ir gnädig vnderweisen / sonder auch den Allen dises nachdenken gemacht sein / das ir vil one zweifel setze in sich selber gehn / sonderlich / die lange zeit nie zu dem

den Catechismum. 126

zu dem Tisch des Herren gangen sein / vnd bey Ihnen selber
gedencken. Warlich wir seind bißher unrecht daran gewes
sen / vnd übel verfare worden / dann es ist je der ernstlich
Beuelch vnsers Herren Christi / dem wir billich sollen
nachkommen / vnd wie er gesagt / du solt nicht steelen / du
solt nicht Ebrechen / also hat er auch gesagt / Nim hin vñ
iß / Nim hin vnd Trinck / vnd soll es niemand biß in die
Kranckheit / oder in das leest Geründlin sparen. Es stehe
hie: so offte iro thün / so thünd es zu meinem Gedächtniß.
Der Allmächtig verleibe baidt euch Alten vnd Jungen /
seinen heiligen Geist / auff das iro nicht allein offte / sonder
mit rechtem / waren Glauben / zu sterckung ewers
Glaubens / vnd besserung des Lebens emp
fangen mögen / wölchem seye lob /
ehr vnd preiß in ewigkeit /
Amen.

Die

Die neündte Predig über
Die neündte Predig.

Vom Ampt der Schlüssel.

S Er Herr Ihesus / bließ seine Jünger an/
vnd sprach zu inen/ Nemet hin den heiligen
Geist / wölchen jr die Sünde erlasset/ den
seind sie erlassen/vnd wölchen jr sie behaltet / den
seind sie behalten. Joh. X X.

Auflegung.

Das sechst vnd leetst Haupestuck der Christ-
lichen Leer ist / das Ampt der Schlüssel.
Wievil aber euch Kinder daran gelegen
seie / das jr diß auch lernen / habe jr erst auß
den Worten Christi gehört / wölche laute-
ten von vergebung der Sünden / daran vns
das ewig leben gelegen ist. Wölchen jr die Sünde vergeben/
spriche Christus / den sein sie vergeben / etc.

Darumb wollen wirs auch fleißig lernen / vnd zäm ers-
ten hören / was das Himmelreich heiße vnd seie / darvon
Christus hie redet. Zäm andern / Was es für ein Thür
habe. Zäm dritten / Was der Schlüssel seie / darmit die
Thür

den Catechismum. 126j

Thür auffgeschlossen werde. Zum dritten / was der Be-
walt diser Schlüssel seye / vnd wie weit er sich erstreckt.
Zum fünften / wie ein jeder disen Schlüssel müsse selbst in
die Hand nemen / sonst werde jme der Himmel nimmer
mehr auffgeschlossen werden.

Zum ersten / wann wir reden / von den Schlüsseln des Das Him-
Himmelreichs / so verstehen wir nicht / den blauen Himmel / melreich.
den wir mit vnsern Augen sehen / dann von diesem Himmel
schreibe Sanct Petrus / das er werde vom Feuer zergerhn / q. Pet. ij.
vñ die Element für Hitz zerschmelzen. Sonder das Him-
melreich ist das ewig Leben / die Freud vñ ewige Selig-
keit. Von wölcher wir in der Auslegung der Artikel vn-
sers Christlichen Glaubens gehört haben / das kein Aug i. Cor. ij.
gesehen hat / vñ kein Ohr gehört hat / vñ in keines Mens Esa. liij.
schen Hertze kommen ist / das Gott bereitet hat denen / die
in lieben. Von diesem Himmel oder Himmelreich reden wir
hie / nach wölchem alle fromme Kinder Gottes ein hertz Rom. viij.
lichs verlangen haben / vñ verhoffe auch / es seye kein Kind Phil. j.
vnder euch / das nicht auch gern in dem Reich / in der Freud
vñ Seeligkeit sein wolt. Dann vmb dieses Himmels wil-
len / haben die Heiligen Gottes / alle Verachtung / Mar-
ter vñ Verfolgung / auch den aller schmälichsten / bitteren
Tode gelitten / auff das sie des Himmels nicht beraubt
wurden / sonder ewiglich darinnen wonen möchten / einer
hat sich bencken der ander extrencken / einer schinden / der Act. xj.
ander verbrennen lassen / Vñnd dieses leben gar nicht theur
geacht gegen dem Himmelreich / das jnen durch Christum q. Cor. v.
ist versprochen worden.

Diser Himmel ist so hoch / das niemandt mit Gewalt
S hinein

Die neündte Predig über

hinein steigen kan. Er ist auch so wol verrügelte / das niem
mand hinein brechen kan / sonder hat ein einige Thür / wer
durch dieselbige nicht eingeht / der würde nimmer mehr hin
ein kommen. So wollen wir züm andern auch sehen / was
dise Thür seye / darmit wir derselbigen nicht verfühlen.

Es ist aber liebe Kindlin / ein enge weite Thür / möchte
jemand sagen / das wer ein hütesin Schüresin / Nun ist es
Joan. 7. war / es ist ein enge Thür / vnd ist ein weite Thür / vnd
heisset Jesus Christus / wie dan der Herr selbst sagt: War
lich warlich sage ich euch / ich bin die Thür zu den Schaf
fen / wer nicht zu der Thür hinein geht / der ist ein Dieb vñ
ein Mörder / der aber zu der Thür hinein geht / dem thut
der Thürhütter auff. Vnd abermals: Ich bin die Thür /
so jemand durch mich eingeht / der würde selig werden.

Wie Christus
die Thür züm
Himmelreich seie.

Gen. iij.

Rom. v.

Joan. iij.

Eph. ij.

Psal. v.

1. Cor. j.

Auff das es aber jr Kinder verstehet / solt ir also mers
ken. Da die zwey ersten Menschen / Adam vñ Eva gesün
dige habē / hat sie Gott nicht allein auß dem Paradiß treis
ben lassen / sonder es war men auch der Himmel ewiglich ver
schlossen gewesen / vñ nicht allein men / sonder auch jren Kin
dern vnd Kindskindern / ja allen Nachkommen / vñ also auch
euch Kindern / diereil wir von sündlichem samen gezeuget
vnd geboren werden / vñ also alle gesündigt haben. Wie vns
nun der Himmel vmb der Sünden willen verschlossen ward /
also muß er vns widerum allein durch die Gerechtigkeit ge
öffnet werden. Dann niemandt soll jme in Himmel ereremen
lassen / on die Gerechtigkeit. Diereil wir aber dise no. kom
ne Gerechtigkeit nicht bey vns findē / müssen wir sie anderst
wo suchen. Es sagt S. Paulus: Christus Jesus ist vns ge
macht von Gott zur Weisheit / vnd zur Gerechtigkeit / zur
heiligung /

heiligung vnd zur erlösung / disen hat der Vatter vns ge- ^{Rom. viij.}
 schenkt / wie solt er vns dann nicht alles mit jme geschenkt
 haben? So wir nun Christum haben durch den Glauben /
 so haben wir die Gerechtigkeit die vor Gott gilt / das vns
 Gott vns seiner willen alle unsere Sünde vergibt / weil ^{Rom. vi.}
 ers bezahlet hat / velt vns fur seine liebe Kindin / vnd will ^{Mar. x.}
 vns ewiglichen selig machen. ^{Joh. i.}

Also sehet jr Kinder / wie Christus die Thur zum
 Himmel ist. Vnd ist darzu ein weite / weite Thur / das vil
 tausent neben vnd mit einander auff ein Stund vnd Augen
 blick dardurch mögen eingehn in das ewig leben. Dann
 also spricht Christus selbst: Also hat Gott die Welt gelie- ^{Joan. iij.}
 bet / das er seinen eingebornen Son gabe / auff das alle / die
 an in glauben / nicht verloren werden / sonder haben das es
 wig leben. Vnd Johannes schreibt: Er ist die Versöhung
 fur vnser Sünde / nicht allein fur unsere / sonder auch fur
 der gantzen Welt Sünde. Ist aber das nicht ein weite
 Thur: die der gantzen Welt offen steht / vnd allen Men-
 schen zu sich rufft: Kompt zu mir alle / die beladen vnd be- ^{Mar. xj.}
 schwärt sein / ich will euch erquicken.

Es ist aber auch liebe Kindin widerumb so ein enge
 Thur / das einer nicht ein kleins Bincelin mit jme fundet
 durch dise Thur tragen. Das sollend jr auch also verzechn /
 Es seind Leute / die meinen sie wollen in Himmel kom en /
 wann sie schon geiztig sein / vnd frembd Gut mit Unge-
 rechtigkeit besitzen / von denen schreibt S. Paulus: Lasset ^{i. Cor. vj.}
 euch nicht verffaren / keine Geizigen werden das Reich
 Gottes ererben. Darumb wann einer nur ein kleins Säck-
 lin oder Bincelin auff dem Rücken hette des Geizes / so

Die neelindte Predig über

- Ephes. iij. kan er nicht hindurch tringen / dann er stoffet an mit dem
Col. ij. Gecklin / die Thür ist zu eng / er kan nicht hindurch tringen. Also findet man einen der ein fleischlin vnder dem Arm hat voller Weins / das ist / der der Trunckenheit vnd Fül-
leren nachgehet / der stoffet mit seinem fleischlin an der engen Thür an / vn kan durch dise enge Thür nicht eingehn / vn muß heraussen bleiben / oder das fleischlin von ime werf-
Gal. vij. fen. Dann es stehet geschriben / kein Trunckenboltz / das
i. Cor. vij. ist / ein voller Weinsaußer / würdt das Reich Gottes er-
erben. Also finstu ein der henckt ein Schleysack an sich / vnd vermeint dannocht selig zu werden / der kan auch mit dem Sack nicht durch die enge Pfort eingehn in das Himmls-
reich / dann es stehet geschriben / kein Hürer / kein Gebrechs-
er / würdt das Reich Gottes ererben. Vnd was ich von denen dreien Lastern gesagt habe / das sage ich von allen / wie der Apostel schreibt : Offenbar seind die Werck des fleischs / als da seind Ebruch / Hürerey / Unreinigkeit / Unzucht / Abgötterey / Zauberey / Feindschafft / Hader / Meid / Zorn / Hanc / Zwihracht / Rotten / Hass / Mord / Gauffen / fressen vnd dergleichen / von wölchen ich euch hab zuvor gesagt / spricht S. Paulus / vnd sag noch zuvor / das die solches thün / werden das Reich Gottes nicht erben.
Math. xviij. Vnd das ist / das Christus sagt : Gehet ein durch die enge Pforten / dann die Pforte ist weit / vnd der Weg ist breit / der zur Verdammuß abfüret / vnd jr seind vil / die darauff wandeln. Vnd die Pforte ist enge / vn der Weg ist schmal / der zum leben füret / vnd wenig ist jr / die in finden /
ii. Pet. ij. Dann wir sehen laider / wie die Welt in Sünden vnd Las-
Math. xxiij. tern ereruncken ist / das deren ein kleins Heißlin ist / die
rechte

den Catechismum lxviij

rechte glauben/ vnd rechte leben/ das ist/ mit fremt wandel be- ^{Luc. xxi.}
weisen/ das ein rechter/ lebendiger Glaub in dem hertzen seie. ^{q. Tim. iiij.}

Jetzt kündet jr Kinder verstehn/ wie es geredt ist/ wann
man saget/ die Pfort oder die Thür/ so in Himmel gehe/
seye ein enge weite Thür. Wöllend jr nun in das Himel-
reich kommen/ so müßt jr dise Thür wol lernen können/
wölche ist Ihesus Christus der einig/ ware/ ewige Son
Gottes/ der spricht: Ich bin der Weg/ die Warheit vnd ^{Joan. xiiij.}
das Leben/ Niemandt kompt züm Vatter dann durch
mich/ durch Christum allein müßt jr züm Vatter kom-
men/ vnd durch sunst niemand/ wie er mag immer mehr
sein/ oder genennet werden.

So findet man nun Leute/ die sagen/ wir wissen das al-
les wol/ das man mit disem Büntelin nicht in Himmel
kompt/ wir wöllens auch von uns legen. So sprich ich aber/
wann sagen sie/ wann sie sterben wölln/ da hat ich nicht/
das einer solliche Büntelin nicht eher wolt von ihm legen/
dann biß er sterben wolt/ dan dise Büntel/ sein nicht Bünt-
tel/ wie es die Wander gesellen tragen/ sonder es seind solli-
che Büntel/ wans einer lang treget/ so wachsen sie ein in
die Haut vnd ins Fleisch hinein/ vnd werden ungeschickte
Höfer darauß/ wann einer schon sie darnach gern wolt weg
werffen/ so seind sie angewachsen/ vnd lassen sich nicht weg
reißen. Darvon schreibt S. Paulus also: Weißest du nicht/ ^{Rom. ij.}
das dich Gottes güte zür Bäß laitet: du aber nach deinem
verstockten vnd vnßäffertigen Hertzen/ heuffest dir selbst
den Zorn/ auff den tag des Zorns/ vnd der offenbarung des
gerechten Berichtes Gottes. Darumb heiße es bald vnd
immer zogenlich vmbkeret/ wie abermal geschriben stehet.

G iij Heute/

Die neündte Predig libet

Pfal. xcvi. Heütete/heütete / so jr werdet hören die Stimme des Her-
Seb. xij. ren / so verstecket ewere Hertz nicht. Vnd das sey von der
Thür gesagt zum Himmelreich / das Jung vnd Alte wol
behalten sollen.

Zum dritten / müßt jr auch wissen / was der Schlüssel zu
diser Thür ist / dann es wärs offte einer ein Thür / aber
weil er den Schlüssel nicht hat / müß er heraussien bleiben.

Gen. xij. Was ist dann der Schlüssel / oder warum schleißt man
dise Thür auff Erden auf. Es ist liebe Kindlin / die Predi-
g des Euangeliums / das ist / das ichs noch derichlich er-
ge / ein jeglicher Spruch auß dem Euangelio Christi / d die
vergebung deiner Sünden durch Christi Jesum zu-
saget.

Disen Schlüssel haben nicht die Schlosser auff Erden
gemacht / das ist / er ist nicht von Menschen erdacht wor-
den / sonder er ist im Himmel gemacht / vnd auß dem Him-
mel hat vns Gott disen Schlüssel gegeben / sonst hetten wir
vns weder rhaten noch helfen finden / wie der heilig Pe-
trus sagt: Es ist kein Weissagung auß menschlichem Wil-
len herfür gebracht / sondern die heiligen menschen Wortes

ij. Pet. j. haben geredt / getriben. / von dem heiligen Geist: vn Christi

Johan. xiiij. stus beaulcht seinen Jüngern ernstlich / zu lehren / was er ge-
Matth. xxviiij. lehret hat. Dieser Schlüssel ist von anfang der Welt her
gegeben / geoffenbaret vnd gebrachte worden.

Da Adam vnd Eva auß dem Paradiß verriagt / vnd
in der Hölle auch verschlossen ward / hat jne Gott gleich
ein Schlüssel geben / mit welchem sie wider den Himmel

Gen. iij. auffschliessen mögen: der heist also / des Weibs Samen soll
dir (der Schlangen) den Kopf zerretten. Dieser Ver-
heißung hat Adam vnd Eva sampt seinen Nachkommen
sich

sich verträstet vnd geglaubt / es werde einer von einem Weib / das ist / von einer Juncckfrauen geboren werden / der uns von der Sünden erlösen / das Paradiß vnd den Himmel widerumb auffthun werde / den Schlüssel haben sie umtragen / der ist jnen lieber gewesen / dann die gantze Wele / vnd wann Adam den nicht gehabt hette / so hette er müssen verzeuiffen vnd verzagten.

Den selbige Schlüssel / weil er etwas wolt rostig werdē / hat Gott dem Abraham außgefeilet vñ erneuert geben da er zu jme sagt: In deinem Samen sollen alle Völcker der Erden gesegnet werden. Desgleichen auch dem Isaac vnd Jacob / nachmals durch Moysen alle Opfer / alle Verheissungen der Propheten von disem künfftige Messia sind diser Schlüssel gewesen / mit welchem allen außervölten Kinder Gottes zu allen zeiten ist der Himmel auffgeschlossfen worden. Also im neuen Testament ist diser Schlüssel noch vil außpallierter / klarer vnd heller gegeben worden.

Es was zu der zeit Christi ein gelehrter Doctor / der hieß Nicodemus / der hette ein grosse Klüpperten Schlüssel / aber er künde mit keinem den Himmel auffschliessen / es waren eitel falsche Dieterich / die die Menschē gemacht / das ist / von jnen selber erdichtet haben / vñ haben doch mit den selben müssen verloren werden. Der Herr Christus aber zeigt dem Nicodemo den rechten Schlüssel in Himmel / vnd spricht also: Niemand feht gen Himmel / dann der von Himmel hernider kommen ist / namlieh / des menschen Son / der im Himmel ist. Vnd wie Moses in der Wüsten ein Schlangen erhöhet hat / also muß des menschen Sone erhöhet werden / auff das alle / die an jn glauben / nicht

Die neündte Predig über

nicht verloren werden / sonder haben das ewig Leben. Also hat Gott die Welt geliebt / das er seinen eingebornen Son gabe / auff das alle / die an ihn Glauben / nicht verloren werden / sonder das ewig Leben haben. Dis ist die Sum und der Inhalt aller verheissung des neuen Testaments / wie und durch wen man muß in Himmel kommen.

i. Cor. ij. Also schreibt auch S. Paulus zu den Corinthiern: Ich hielt mich nicht darfür / das ich etwas wußte vnder euch / on allein Jesum Christum den gecreütigten.

Man sagt sonst / liebe Kindlin / es sey ein böß und schädlich verlieren / wann man Schlüssel verleiht / Aber noch vil schädlicher ist es / wann ein Mensch disen Schlüssel verleiht / dann es kan im kein Schlosser ein andern machen. Wie nun ein einzige Thür ist / die in Himmel geht / also ist auch nur ein einiger Schlüssel / darmit dise Thür auffgeschloffen würdt / nämlich die verheissung des Euangelij von dem Verdienst Jesu Christi.

Amos viij. Darumb sollend jr Kinder gütte und fleissige Achtung haben auff disen Schlüssel / das jr den selben nicht verlieren / das ist / jr sollend die Predig des heiligen Euangeliums gern hören und behalten / auff das umb ewer Undanckbarkeit willen / euch Gott dieselbige nicht entziehe / wie er durch den Propheten erretet: Siehe es kompt die zeit / spricht der **H E R R H E R R** / das ich einen Hunger in das Land schicken werde / nicht einen Hunger nach Brott / oder Durst nach Wasser / sonder nach dem Wort des **H E R R** n hören / das sie hin vñ her / von einem Meer zum andern / von Mitternacht gegen Morgen umbblaffen / vñnd des **H E R R** n Wort hören / vñnd doch nicht finden werden. Disen

den Catechismum 177

Diesen Schlüssel haben die armen Juden verloren / seind Esa. 67.
mit Blindheit geschlagen / das sie die Thür zum Him-
mel / weder erkennen noch auffschließen konden.

Zum vierdeen / Was ist aber das Ampt oder der Erwalt
der Schlüssel? Es ist / liebe Kindlin / der Beuelch unsers
Herrn Jesu Christi / das ein Mensch dem andern Ver-
gebung seiner Sünden / im Namen / das ist / von wegen
Christi verkündigen solle / wölche auch im Himmel verzi-
gen seind. Dann es möchte sonst ein betrübe / angefochten
Mensch sagen / wer will mir sagen / ob mir Gott meine
Sünde verzeihen habe / oder nicht? Es redet Gott nicht
mehr selbst mit uns / wie er mit den Aposteln / Propheten
vñ Patriarchen geredet hat. Sollichem Zweifel zubegeg-
nen / hat Christus diese Schlüssel den Menschen gegeben.
Dann da er seine Jünger fraget: Was die Keit von jme Math. 16.
hielten / vñ sahe / das sie weder die Thür noch den rechten
Schlüssel zum Himmelreich kenneten / Petrus aber sagt:
Du bist Christus der Son des lebendigen Gottes / sage
der Herr zu jme / fleisch vñ Blüt hat dirs nicht geoffens-
baret / sonder mein Vatter / der im Himmel ist / als wole
er sagen / du wußtest auch die Thür / als wenig / als andere
Keit / wann dirs mein Himlischer Vatter nicht gezeiget
hette / vñ zeigt jm auch gleich den Schlüssel / da er spricht:
Dir will ich die Schlüssel des Himmelreichs geben / alles
das du auff Erden binden wirst / das soll im Himmel ges-
bunden sein / vñ alles was du auff Erden lösen wirst / das
soll auch im Himmel loß sein.

Vnd was der Herr hie S. Peter verheisset / das sage
er hernach widerumb zu Petro vñ zu allen seinen Mits-
brüdern

Die heindte Predig über

Joan. 1. brüder den Jüngern: Nempt hin den heiligen Geist/
wölchem jr die Sünde erlassend / dem seind sie erlassen / vñ
wölchem jr sie behaltend / dem seind sie behalten. Item/
da er hat wöllen gehn Himmel faren / hat er jnen allen den
Matth. 16. Schlüssel gegeben: Gehet hin in alle Welt / vñ predigee
das Euangelium aller Creaturen / ic. Als wolt er sagen/
Gehet hin vñ zeigen aller Welt die rechte Thür zãm Him-
mel / die ich bin / vñ schlesse jnen auff mit ewer Predig/
so sie derselbigen glauben / soll jnen Thür vñ Thor im
Himmel offenstehn. Wer aber disen Schlüssel verachte
vñ verwirfft / dem soll der Himmel ewiglich verschlos-
sen bleiben.

Darumb wann dich ein Apostel frage / ob du glaubest/
das Christus mit seinem Blute die Sünde gebietet vñ
bezalt habe: du sagst ja / vñ glaubes warhafftig / vñ der
Apostel sagt dir drauff / so verzeihe ich dir alle deine Sünd
im Namen Ihesu / vñ verkündige dir / das sie dir im
Himmel verziehen seien / so sollest du so für gewis halten vñ
glauben / als wann du den Herrn Ihesum selbst gehört
hättest.

Es sprichst du / wie kan mir ein Mensch die Sünde ver-
zeihen: Gott verzeihet die Sünde. Aber jr Kindlin hö-
rene hie / das Christus sage / wölchem jr die Sünde erlas-
sen / er sage jr jr Apostel / vñ sagt nicht ich. Vñ wäre
doch niemt dem Herrn Christo seine eh nicht genommen/
dann er verzeihet die Sünde warhafftig / aber er brache
den Dienst der Menschen darzü / die es uns anzeigen / sunst
wüßten wir gar nichts darvon / darumb was sie eh n / das
eh n sie nicht auß eigent Bewalt / auch nicht auß Gunst
der

den Catechismum Ixxi

der ergrimmt/sonder auß frembdein Gewalt vnd Beuelch/
namlich Jesu Christi.

Ja/die Apostel seind aber alle gestorben/wer hat jetze
den Swalt: Liebe Kindlin man malet S. Peter mit ei-
nem Schlüssel/aber jr sollend nicht so kindisch sein/das
jr gedencken/er sesse jetze irgends an einem ort/vnd wer un-
sers Herrn Gottes Thorwart/nain. S. Peter wie alle
andere Apostel/ist auff erden unsers Herrn Gottes Thors-
wart gewesen/vnd hat den Leuten den Himmel auff er-
den auffgeschlossen/dann wenn er nicht auff erden auffge-
schlossen würdt/dem würdt er nach dem Tod nicht auff-
geschlossen werden. Mar. xvj.
Hab. ij.

Da aber die Apostel gestorben seind/haben sie densel-
ben Schlüssel herniden auff erden gelassen/iren Nach-
kommen/das ist/Gott hat allwegen seiner Kirchen seine
gelerete vnd lebhaftere Diener gegeben/vnd men das Ampt Ephes. iij.
die Sünd zäuerzeiten beuolhen/wölchs Ampt in der
Kirchen Christi allwegen gangen ist/vnd gehn würdt/
biß an das ende der Welt.

Ja/sie seind aber nicht so from/vie die Apostel gewes-
sen seind. Antwort/die Sünde werden uns nicht verzi-
gen von wegen der frombkeit des Dieners/also werden sie
auch uns nicht behalten/omb seiner Bosheit willen/das
rumb maß man sein Person/vnd sein Ampt wol vnder-
scheyden/Wann auff mein Bekennnuß vnd waren Glaub-
ben/er mir vergebung der Sünden zusaget/so soll ichs so
groß glauben/als hörete ich Ihesum Christum selber/
vnd frag nichts in dem fahl nach des Dieners frombkeit
oder bosheit.

A ij Lernen

Die neündte Predig über

Wernen ettelichs durch ein Gleichnuß verstehen. Ein
 Scattschreiber verliſt ein urtheil/ ſie ſeye gnädig oder un-
 gnädig/ das iſt / das man den beklagten ſoll ledig laſſen o-
 der tödten/da frage man nicht nach/ob der Scattschreiber
 from oder böß ſeye/ wann er allein verliſet/ was im beuols
 hen/darnach handelt der Nachrichten. Alſo hat es auch
 ein geſtalt mit den Kirchendienern/ ſie ſollen allen Men-
 ſchen/ ſo glauben und Buß wirken/ vergebung der Sün-
 den verkündigen im Namen Jeſu/ und die Sünden behal-
 ten allen unbüßfertigen/ das iſt jr gemeſener Benelch/ und
 ſollend nichts darzu oder darvon thun/ kein Perſon anſe-
 hen/ oder es gilt nicht/ wie thut auch ſein frombkeit nichts
 darzu/ oder darvon/ es nützet oder ſchadet im ſelber/ ſo er
 from oder böß gewesen iſt. Wölchs jr Kinder darumb
 wol merken ſollen/ dann ſonſt tündten jr nimmer mehr
 für groß wiſſen/ ob jr absoluiert/ das iſt/ von Sünden led-
 ig geſprochen weren/ wann jr erſt ſolten wiſſen/ ob der
 Prediger from were oder nicht.

Zum fünfften/ ſolt jr Kinder auch wiſſen/ das es euch
 nicht nützen oder helfen würde zur Seligkeit / wann jr als
 lein hündte mit diſem Schluſſel andere Leute umgeben/
 ſonder jr müſſend ine ſelber auch in die hand nemen/ ſonſt
 würde euch der Himmel ewiglichen verſchloſſen bleiben/
 Die hand aber/ dareinein jeder Chriſt den Schluſſel ne-
 men ſoll/ iſt ein rechter/ warer/ lebendiger/ Chriſtlicher
 Nach. xvj. Glaube/ wie geſchriben ſtehet: Wer glaubt und getauſt
 würde/ der würde ſelig werde/ wer nun mit ſollicher hand
 das iſt/ mit einem rechten/ lebendige Glauben den Schlüß-
 ſel zum Himmel/ das iſt/ die verheiſſung Gottes/ von der
 gnädigen

den Catechismum. lxxij

gnädigen vergebung der Sünden ergriffen / gefaßt und behalten hat / der kan auffschliessen den Himmel wann er will / er seie auff dem Felde / im Haus / auff der Wassen oder wo er wolle / allein oder bey andern Leiteten / ja der Himmel stehet jme für und für offen.

Disen Schlüssel creibet er in das Schloß oder Thür / wölche ist Christus / nñ kan also sagen in seinem Herzen / Herr Gott himlischer Vatter / du hast mir durch Christum deinen lieben Son zugesagt / vergebung aller meiner Sünde und das ewig Leben / wann ich Bäß würcke / und von Herzen an jne glaube / Nun weistu ye Herr / der du ein Hertzeindiger bist / das mir meine Sünde hertzlich laid sein / und das ich kein gefallen darumb habe / sonder darüber erschrocke / so oft ich daran gedenc / das ich dich erzürnet / und damit wider deinen Bötlichen Willen gesündigt habe / du waißt auch das ich alle mein vertragen auff den Verdienst deines lieben Sons Ihesu Christi gesetzt / in dem du mir und allen Bäßfertigen Sünder gnad und vergebung der Sünden verheissen hast / darum weil ich waiß / das du / als die ewig Warheit / in deinen Verheissungen gewiß und warhafftig bist / so waiß ich auch / und zweiffel nicht / das mir alle meine Sünde durch Ihesum Christum verziehen seien. Ein sollicher Mensch / der in disem vertragen pleibet / der stirbt wol / er sterbe gleich wann nñ wo er wolle.

Weil aber der Teuffel damit sonderlich umbgehet / das er uns disen Schlüssel / sonderlich in den letzte Wöccken Math. xij. begert auß dem Herzen nemen / so ist gut / nützlich und eröstlich / das wir von disem Schlüssel für und für / son-

Die neündte Predig über

derlich zur zeit des letzten Ständlins hören sagen/ vnd ob
Joan. xx. wol der Herr Christus zu diesem Schlüssel besondere Per
sonen verordnet/ jedoch kan zur zeit der noth/ ein jeder
Christenmensch/ er seie Man oder Fraw/ den Kranken
dieses Schlüssels erinnern/ vnd sie darmit eröfthen. Dann
Matth. xviij. auch Christus der gangen Kirchen zugesagt hat/ was sie
auff erden lösen/ das soll auch im Himmel loß sein.

Vor zeitten hat man solliche einfältige/ thörichte Leute
funden/ vnd zubesorgen man finds noch/ wann ihnen der
Pfaff mit der hand auff dem Kopff umgangen/ vnd men
ein Benedicite gesprochen/ das doch sie nicht verstanden ha
ben/ so haben sie vermeint/ der Himmel seye schon aufge
schlossen gewesen/ vnd das hat man genemmet/ die Leute
aufrichten. Dan sie haben gemeint/ sie seien aufgerichtet/
dne ist/ gleich woll gebuctet/ vnd hab kein noth mehr/ der
Himmel stehe offen/ So sie doch weder die Thür gewisset
noch den rechten Schlüssel zu dem Himmel verstanden
noch gehabt haben. Es würde sich mit dem Benedicite
nicht lassen aufrichten/ du müst den Schlüssel selbst in die
Hand nemen/ vnd auffschliessen/ sonst ist es warlich ver
gebens.

Zum letzten solt jr wissen/ das diser Schlüssel ein be
sondere art hat/ die jr auch wol mercken sollend. Dann
so man auff die rechten Seiten umbreibe/ so gehe der
Himmel auff/ dann hie stehet: Wölchem jr die Sünde ver
Joan. xx. geben/ dem seind sie vergeben. Vnd abermals: Wer glaube
Maaci xviij. der würde selig werden. Reibe man aber auff die linken
Seiten/ so gehet die Thür zur hölle auff/ vnd würde die
Thür zum Himmel zugeschlossen. Dannes stehet gleich
auch

den Catechismum. lxxiij

auch darbey geschrieben: Wölchem jr die Sünde behalten/
dem seind sie behalten. Vnd wer aber nicht glaubt / der
würde verdampt werden. Es ist Gottes Wort / sein gnä-
dige Verheißung / vnd sein ernstlich Tröwen / glaubst du
es / so hast es / glaubstu nicht / so hast es nicht / vnd müßt
darzû auch ewiglichen verdampt sein.

Darumb so sehet zu / das man disen Schlüssel nicht
linck über euch umbreibe / das ist / das man euch umb ew-
ers Unglaubens vnd Unbüssfertigkeit willen / müße die
Sünde behalten / vnd den erschrockenlichen Zorn Gottes
anstatt seiner Gnaden verkündigen / daruor euch Gott be-
hüten wölle.

Vnd das geschichte auch auff zweyerley weise. Ein mal
offenlich auff der Cantzel / das ist / in der Gemein vnd
Christlichen Versammlung / würde durch den Diener / als
len gleybigen vnd büßfertigen Sündern / vergebung ihrer
Sünden / den Unbüssfertigen aber der Zorn Gottes ver-
kündiget / jenen der Himmel auffgeschlossen / disen aber zus-
geschlossen / vnd die Helle gedffnet.

Darnach / so brauche man auch disen Schlüssel bey ei-
nem jeden Menschen insonderheit / Gemeinlich / so man zu
dem Abendmal des Herren gehet. Dann so du kompst /
vnd zeigst dich an / bekennest deine Sünde / vnd begereest
Trost auß Gottes Wort / ist dir ernst / so würde dir der
Himmel auffgeschlossen / das ist / durch die Verkündigung
der Gnaden Christo zur vergebung aller deiner Sünden.
Komstu aber / vnd ist dir nicht ernst / du bist ein Heuch-
ler / so werden dir deine Sünde nicht verziehen / sonder be-
halten /

Die neündte Predig über

halten / vnd würdt der Hain Vorttes so lang über dir bleiben / biß du widerumb Daß wärdest / vnd dich von Herren zum Herren bekereist.

Vnd hie ist kein vnderscheid der Personen / Man verkündiget eben den Trost einer armen Dienstmagd oder Dienstknecht / dem kleinen Kindlin / einem Scharbitten / den man den größesten Herren auff Erden verkündiget.

Vmb dises Trosts willen allein / so sonst kein Tisach were / solt sich jederman vnbeschwäre / sondern mit grossen Freuden vnd gern anzeigen. Dañ was ist doch cröftlichers zähören / dann die Stim des Herren deines Vorttes / das dir durch Christum alle deine Sünde verzeihen vnd vergeben sein. Vnd solten sich die Aeltern / sonderlich Väter vnd Mütter iren Kindern vnd Gesind / zu einem gütten Exempel darzuschicken / auff das sie lerneten disen Schlüssel hoch vnd ehlich halten / welches beides zur wahren Vorttesligkeit / vnd zur Christlichen Zucht ganz nothwendig ist.

Vnd souil von den Schlüsseln zum Himmelreich / das ir eigentlich vnd wol behalten sollen / was das Himmelreich seye / darvon wir hie reden / was die Thür in dises Reich seye / was der Schlüssel seye / darmit man auffschleisse / was der Gewalt derselbigen Schlüssel seye / vñ wie ein jeder disen Schlüssel müsse selbst in die Hand nemen vnd auffschliessen / vnd was die Art dises Schlüssels seye / wie er auff der Cangel / vnd besonders bey einem jeden Menschen gebraucht / in hohen vnd grossen ehren soll gehalten werden. Wann ir diß behalten haben / so habet ir Kinder für euch auff dismal genug darvon gelernt.

Unser Herr Jesus Christus / der die Schlüssel zum
Haus

den Catechismum Lxxiiij

Haus David hat / das er auffthü / vnd niemandt zuschliesse Esa. lxxij.
se / dz er zuschliesse / vnd niemandt auffthü / wölle euch Ein Apoc. iij.
dern sein Gnad vnd heiligen Geist verleihen / auff das jr
diesen Schlüssel mit rechtem Glauben ergreiffend / darz
durch euch der Himmel geöffnet / vnd das ewig leben
besüchen mögen. Wölchem mit sampt seinem
Vatter vnd heiligen Geist / seie Lob /
Ehr vnd Preiß in ewig
keit / Amen.

Die zehendt vnd letzte Vesper Predig.

Ein Beschlus der Kinderleer.

Rumpt her Kinder / höret mir zü / ich will
euch die forcht des Herren lehren. Wer ist
der güt leben begeret? vnd gern güte tag
hetter. Behütete dein Zung für bösem / vnd deine
Leffzen / das sie nicht falsch reden. Laß vom bö-
sen / vnd thū güts. Suche Friede / vnd jage im
nach. Die Augen des **HEKKEU** sehen auff
die Gerechten / vnd seine Ohm auff jr schreien.
D Das

Die zehendt Predig über
Das Andtlinz aber des H. E. K. K. U. / stehet über
die / so böses thün / das er jr Gedächtnus aufrot-
te von der Erden. Psalm. XXXIII.

Auflegung.

Liebe Kindlin / jr hapt bis anher gehört /
vñ gelernet die sechs Hauptstück der Christ-
lichen Leer / die ein jeder Christen Mensch
bey seiner Seelen seligkeit zu wissen schuldig
ist. Nämlich / die heiligen zöhen Gebott /
die Artikel vnser Christenlichen Glaus-
bens / das Gebett / so man das Vatter vnser nennet / die
H. Tauff / das heilig Abentmal / vnd das Ampt oder Bes-
walt der Schlüssel. Vnd verhoff zu Gott dem Allmächt-
igen vnd euch / was ich von diesem Stück gepredigt habe /
das seie nicht ohne Frucht abgegangen / dann jr habe mir
ja fleissig / ernstlich vnd eifrig zugehört / darumb gedenc
ich / jr werdens nicht vergessen / sonder ewer Leben lang
behalten / vnd wann jr ein mal gross werden vnd Kinder bes-
kommen / auch dieselbige lernen künden / was jr die zeit her
gelernt haben.

Nöcht aber ein Kindlin sagen / Ey lieber Prediger /
du hast ein Stück ausgelassen / döffen wir dasselbig nicht
auch lernen: was ist das dan liebe Kindlin: Ey es ist das Ave
Maria / das hat man allwegen gleich auffs Vatter vnser
gebetten / sollen wirs nicht betten: Wolan liebe Kindlin /
es ist eben recht / das jr mich daran manen / sonst döfft ichs
wol

Den Catechismum. 177.

wol vergessen haben / vnd will vns erwerthollen auch
kurtzlich darvon reden / dann die alten bedürffen es nicht /
die vor langest berichte hievon empfangen haben.

Zum ersten liebe Kindlin / so solt ir wissen / das es kein
Bebet / sonder nur ein Gräß ist / dann man bittet oder bes
get nichts von der hochgelobten Jungfrauen vnd Mät
ter vnseres Herren Ihesu Christi. Weil es dann kein Bes
bett ist / so kan mans ye nicht betten / das verstehnjr Kin
der wol.

Zum andern / so aber ein Kindlin sagte / darff ich aber
nicht die Mütter Gottes mit dem Aue Maria griessen
darauff merckend also. Wann jr die Mütter Gottes gries
sen wollen / so müß jr zuvor wissen / ob es jr gefalle / vnd auch
Gott gefalle / sonst were es nicht allein vergebens / sonder
auch Sünde. Hat nun die Mütter Gottes beuolhen / das
man sie griessen solle: Main sprichst du / ich finds nergende
geschriben / so kanst du auch nicht wissen / ob es jr gefalle oder
nicht / zwifelst du dann / so ist es darzu Sünde / dann wie
der Apostel sagt / was nicht auß Glauben ist / das ist Rom. xiiij.
Sünde. Oder hat es Gott beuolhen / das man sie gries
sen solle: sprichst du / ja er hats beuolhen / wem hat ers be
uolhen: sprichst du / dem Engel Gabriel / ist recht / hat ers Luc. i.
aber den andern Engeln auch beuolhen / deren vil tausent
vor jme stehn: sprichst du / ich liß nichts darvon. habens
aber auch die andern Engel gegriesset: Main / ich liß auch
nichts darvon / Gott hat es allein dem Engel Gabriel be
uolhen. So lehnet man jr Kinder / wie vngereimbt es we
re / wann jr die Mütter Gottes griessen wolten / wils auch
durch ein Gleichnuß anzeigen.

W ij Wann

Die zehendt Predig über

Wan dich dein Vatter in eins Nachpauers Haus schickte / vnd beuelhe dir / du soltest seinem Nachpauern sagen / das er zu deinem Vatter komme / du giengest hin / vnd verrichtest / was dir dein Vatter beuolhen hatte / das hetten deine siben oder acht Geschwisterigen gehört / was dir der Vatter beuolhen hette / vnd gienge eins nach dem andern hin / vnd hießen den Nachpauern kommen / was meinst / das dein Vatter sagen würde / meinstu es würde jme gefallen. Nain sagstu / mein Vatter döfft es wol mit der Ruten streichen / warumb / ja / da hats mein Vatter sie nicht geheissen / er hats nur mir beuolhen. Also liebe Kindlin hat es auch ein gestalt / wan wir wolten die Mütter Gottes griessen / darumb / das sie der Engel Gabriel gegriesset hat. Gabriel hat ein Beuelch gehabt / den haben wir nicht / darumb künden wir nicht sagen / das wir rechte daran thäten.

So aber jr Kinder die Mütter Gottes griessen wolend / wie sie der Engel gegriesset hat / so müssen jr eben auch das aufrichten / das der Engel gethon hat / dann der Engel hat nicht nur gesagt / guten Morgen / oder guten Tag / sonder hat jr auch gleich angezeigt / warumb er da sei / vnd was er für ein Beuelch von Gott empfangen habe / jr anzuzeigen / namlich das sie soll empfangen / vnd ein Son des Allerhöchsten geben.

Wiltu nun auch jr anzeigen / das sie noch ein mal empfangen vnd gebere / den Son des Allerhöchsten. Was kan kindischer vnd törichtes gedachte werden. vnd wann es die Mütter Gottes hörete / was meinstu nun das sie sagen würde. Wiltu dann das nicht thün / so richtest du den Engelischen

den Catechismum. Ixrof

Engelischen Grüss nicht auß / wie es dann auch nicht der
Engelisch Grüss ist / liebe Kindlin / das man das Aue
Maria nennet / dann es ist zusammen geflickt auß den Wor
ten des Engels / auß den Worten Elysabeth / vnd wie man
schreibet / von einem Papst Urbano die drey letzte Wort /
nicht ohne besondern Ablass hin zu gethon / Jesus Chris
tus / Amen.

Item wann du sie wilt grüssen / so müst du auch wissen /
das sie es höre / meinst sie hörs auch? sprichstu / weiß ich
nicht / ich meine / sie solts hören / aber liebe Kindlin / es gilt
hie nicht wehnen oder meinen / es gilt wissen / sonst ist ein
verspilte vnd vergebenliche arbeit. Nun hastu kein Wort
des Wort darvon / das sie es höre / was griesset du sie dann?

So du aber glaubest / sie höre es / sonst müst du glauben / das
sie allenthalben / vnd an allen orten seie / das Gott allein Act. 17. xvij.
Ephes. iij.
zugehöret / sehen vnd hören aller Menschen Gebet / Ge
danken / Grüss vnd dergleichen. Dann auff ein Stund
wardt sie angerufft zu Rom / zu Cöln / zu Wien / in His
pania / in Frankreich / Teütsch vnd Wälsch Lande / vñ
wurdest also auß jr ein Gott machen / ist das nicht ein greu
liche vnd erschrockenliche Abgötterey?

Vnd was willen darmit aussrichten / wann du sie lang
griesset / was hast du darvon? so antworten etlich also /
vnd sagen / wann wir sie griessen / so gedencket sie an vns / vnd
bittet jren Son für vns / vnd erlange vns Gnad bey ihme /
die wir sunst nicht erlangen künden. Ja / ja / darumb ist es
fürnämlich zu thun. Aber jr Kinder haben in der Ausles
ung des Vatter vnsers gehört / das es nicht allein vns
recht / sonder auch vmb sunst vnd vergebens seie / wann man

V iij die

Die lebendt Predig über

die Heiligen der Wisach halben anruffe. Dann Christus
Joan. 10. hat uns vil lieber/dann sein Väterr uns lieb hat. Er ist
für uns gestorben/sie ist nicht für uns gestorben/dar-
umb bedarff es umb diser Wisach das Alre Maria gar
nichts.

Sprichstu/möcht mans aber nicht vor einem Tisch die
Kinder sprechen lassen/das es were ein Erinnerung der em-
pfängniß unsers Herren Ihesu Christi/wie man auch
sonst pflegt ein Euangelium zûsprechen? Wann du dessen
wilt/sol laß dir den ganzen Bruch fürlesen oder fürspres-
chen/was der Engel mit Maria geredt hat/dann das als
ler tröstlichst ist vnderlassen worden/gegen wöldchem die
vorgehende Wort/wie die Schelffen gegen dem Kern zû
Luc. j. rechnen sein. Siehe/spricht er/du wirst schwanger wer-
den im Leibe/vnd einen Son geben/des Namen solt
du Iesus heißen/der wirdt groß/vnd ein Son des höch-
sten genennet werden/vnd Gott der Herr wirdt im den
Stül seines Vatters David geben/vnd er wirdt ein
Künig sein über das Hause Jacob ewiglich/vnd seines
Künigreichs wirdt kein ende sein. Da sprach Maria zû
dem Engel/wie soll das zûgehn? sintemal ich von keinem
Manne weiß. Der Engel antwortet/vnd sprach zû ir/
der heilig Geist wirdt über dich kommen/vnd die krafft
des Höchsten/wirdt dich überschatten/Darumb auch
das Heilig/das von dir geboren wirdt/wirdt Gottes
Sone genennet werden. Vnd siehe/Elisabeth deine
Befreundte/ist auch schwanger mit einem Sone/in irem
Alter/vnd gebet jetzund im sechsten Mond/die im Bes-
chrey ist/das sie Unfruchtbar seye/dann bey Gott ist
kein

den Catechismum Ixxvii

kein Ding unntiglich. Maria aber sprach: Siehe ich bin des Herren Magde/nur geschehe/wie du gesagt hast/vnd der Engel schied von jr.

Wer jetz nun die Empfängnuß Christi will einbilden lassen/der laß jetz also den ganzen Bruch lesen/darwider würdt freylich kein rechtegeschaffener Christ sein. Aber jene Abgötterey sollend jr Kinder faren lassen/auch euch nicht mehr bereden lassen/das jr die Mütter Gottes grüssend/wie jr dann dessen gnugsame Ursachen werden anzeigen künden/der sie von euch erforderet. Vnd souil von dem Aue Maria.

Nun wollen wir auch sehen/warzu dise sechs Hauptstück/nicht allein euch Kindern/sonder auch den Alten vñ allen Christen menschen nutz vñd gut/auch nottwendig züwiffen seyen.

Vnd solt jr Kinder in einer Sum wissen/wölcher dise sechs Stück wol gelernet hat/der kan/souil einem Layen vñd gemeinen Man von nöthen ist/Rechenschaft seines Glaubens geben/wer sie von jme erfordert. Dann wer will im mit einichem grund oder schein der Warheit/die zöhen Gebott/den Glauben/das Vatter vnser/seinen Tauff/die Widmung Christi im heiligen Abendmal/vñd das Ampt der Schlüssel umbstossen: Wer will ein Christen menschen ereiben: Was mangelt einem Christen in seinem Verstand/wann er weiß auß den zöhen Gebotten/was rechte oder vnrechte ist: Auß den Artickeln des Glaubens/von wem er erschaffen/durch wem er erlöst sene/vñd vergebung aller seiner Sünden habe. Auß dem Vatter vnser/wie er mit seinem Gott reden solle. Auß seiner Tauff/was

Die zehendt Predig über

was Gott für einen Bund mit jme gemacht habe / vnd
er mit Gott. Aus dem Abentmal / wie er soll züm ewigen
Leben gespeist vnd getrenckt werden / vnd Gott wolgefä-
llige Gedächtnuß des leidens vnd sterbens Jesu Christi
halten. Auch was der Schlüssel / darmit jme der Himmel /
vnd die Thür (wölche ist Jesus Christus) auffgeschlos-
sen werden solle. Gott wolte / es were kein Christ / er wüßte
sollichs alles / vnd hät darnach / so wurde es freylich nicht
so übel vnd zerrissen in der Welt stehn / sonderlich aber in
der Christenheit.

Züm andern vnd über sollichs alles / seind auch dise sechs
Hauptstück darzū güt. Wann sie ein Kindlin oder Christ
recht vnd wol gelernt hat / das er nicht bald kan durch ein
falsche Predig verführet / oder mit irriger Leer betrogen
werden / sonder er kan die Predig richten vnd rtheilen / nū
bald mercken / wann ein Prediger recht oder vnrecht lee-
ret / wann er auff dem weg der Warheit herein gehet / oder
vom selbigen abweicht / vnd vnrecht leeret.

Wie dan Christus alle Menschen warnet / da er spricht:
Math. vii. Gehend euch für / vnd hütend euch vor den falschen Pro-
pheten. Vnd Johannes auch warnet: Liebe Kindlin /
i. Joan. iij. glaubet nicht einem jeden Geist (das ist / Prediger) pro-
bierend die Geister ob sie auß Gott seind. Vnd S. Paulus:
i. Tim. v. Probierend alles / vnd was güt ist / das behaltend. Auß
disen dreien Sprüchen lernen jr Kinder vnd jr Alten / das
es sich nicht wirt am jüngsten Tag verantworten lassen /
wann einer sagen wölte / lieber Herr Gott / mein Pfaff
hat mich also geleet / hat er vnrecht geleet / so solt er ver-
antworten. Main sagt Christus / du bist darmit nicht ent-
schuldiget /

Den Catechismum lxxviij.

schuldiget/du müßst auch selbs wissen/ was recht oder vnrecht ist. Dann wann ein Blinder den andern füret/spricht Math. xv. Christus/fallen sie nicht beid in die Gräben: Also würde das Vnglück nicht über den Pfaffen allein/sonder auch über dir außgehn/darumb sehe/ was du glaubest/ vnd was man dich lehre.

Da sprichst du/ich bin ein Lay/ein grober/vnerstendiger Mensch/ich kan weder schreiben noch lesen/wer will mir sagen/wölcher recht oder vnrecht predigte/wie solt ichs mittheilen können:

So merckend liebe Kindlin/wann jr dise sechs Hauptstück wol gelernet haben/ob jr gleich weder schreiben noch lesen können/so soll euch damoch nicht bald ein irriger Prediger verführen/vnd will euch solliches sein kurtz durch etliche Exempel leeren.

Wann ein Prediger auffstünde/vnd predigte/es were Sünde/wann du am Freytag oder in der Fasten fleisch essest/wie vnd war auß solstu mittheilen/das er vnrecht prediget:sonemte nun deine zöhen Gebott für dich/vnd sehe/ob dus auch darinnen findest/dann er sagt: Ich bin der Herr dein Gott/was ich dir gebiete/das soltu thun/vnd solt nicht thun was dich güt duncket. Hatz nun dein Gott verbotten: Nain ich finds nicht/ich finde wol dz es die Menschen verboten haben. Wer hat sie es geheissen: der Teuffel/dann also schreibe S. Paulus an Timotheum. Es werden in den letzten tagen irrige Geister kommen/vnd Teuffels Meer bringen/namlich die speiß verbieten. So hastu nun auß den Gebotten Gottes/das du dir kein Gewissen machen solt/wann du in der Fasten oder an einem Freytag
K
fleich

j. Tim. iiij.

Die löhendt Predig über

Fleisch esset. Wue Gott dienen / so thū / was er dir in den löhen Gebotten beuolhen hat / so hastu deine Händ wol zūschaffen / vnd wärst es dein lebenlang nicht alles thūn künden / wann du dich gleich auff das höhest beflusst gest.

Wann ein Priester auffstünde / vnd leeret / wer seiner Sünde wölle ledig vnd los werden / der soll auff Erbis zu vnser lieben Frayen Wallfahrt gehn / soll Rosenkrantz beten / soll etliche Almüßen geben / soll etliche Tag fasten / soll ein Nieß frümnen / ein Targtag stiften / ic. oder dergleichen thūn / so werde er darmit seine Sünd büßen vnd bezahlen. Vnd ein Kindlin oder sonst ein Lay stünd in der Predig / vnd hette zūvor die sechs Hauptstück Christlicher Leer wol gelernt / der würde bey ihme selber sagen / diser Pfaff weißt gewißlich noch den Christlichen Glaubennichte. Dann in vnserm Christlichen Glauben wessen wir gelernt / das wir vmb Christus Jesus willen (der gelitten hat vnder Pontio Pilato / ist gecreuziget / gestorben / begraben / vnd abgefahren zu der Hellen) haben Ablass / das ist / nachlassung / verzeihung vnd vergeltung aller vnserer Sünden. Ist das war / wie es dann die ewig Warheit ist / vnd der Hauptartickel vnseres Christlichen Glaubens / darauff all vnser vnd einiger Trost stehet / so müß volgen / das die Leer nurecht sey / wann man mich lehren wolt / ich müßte meine Sünde hie auff Erden / mit disem oder jhenem Werck / oder nach dem Tode / im Fegferer biessen vnd bezahlen. das kan ein Kind mercken / das nur seine sibben Jar erreicht hat. Vnd würde sich dessen nimmer mehr bereden lassen / es wölle dann

den Catechismum. 1777

Dann seinen Christlichen Glauben verleugnen. Dann ein mal vnd ewiglich bleibe war / das Johannes schreibt: 1. Joan. 4. Das Blut Ihesu Christi reiniget vns von allen / von allen vnsern Sünden / sagt er. Wie dann jr Kinder in dem andern Articel vnser Christlichen Glaubens gelernt haben.

Wann ein Priester aufstünde / vnd predigte / man solt die Heiligen anrufen / vnd ein Kind / das seine sechs Hauptstück wol gelehret hette / stünd in der Predig / vnd höret / das wüdt als bald bey jme selber gedencken: Dieser Pfaff kan noch das Vatter vnser nicht betten. Oder wann er etwan von einem alten Weib höret / das sie in freer Noth saget: Ach Merga Gottes Mütter komme mir zu hilff / so würde es auch gedencken / sihe dieses Weib ist so alt worden / vnd kan noch das Vatter vnser nicht betten.

Dann hat vnser Christus der Herr gelehrt / wann vns etwas an gelegen sey / so sollen wir betten vnd sagen: Vnser Vatter / der du bist in dem Himmel / etc. Ist nun die Hochgelobte Jungfrau / vnd Mütter vnser Herrn Iesu Christi / dein Vatter: Ist S. Peter dein Vatter: Ist S. Paul dein Vatter: Oder meinstu / Christus der für dich geboren vñ gestorben ist / hab dich nicht vil lieber / dan Maria / die für dich weder geboren noch gestorbt ist: Was mangelte dir an Gote / der dein Vatter ist: An Christo / der dein Bräuder ist: vñ so du mit Sünden beladen bist / hat heissen zu jm komment: Das kan auch ein Kind merck en / das nur sieben Jar alt ist / vnd vñ theilen / das ein sollicher

Die löbendt Predig über

Priester mit seinen alten Weibern das Vatter vnser noch nicht recht gelernt hat.

i. Pet. iij. Wann ein neuer Prediger auffstünde / vnd predigte / man solte kein Kind tauffen lassen / vñ es höret ein Kind / das seine sechs Hauptstück wol gelernt hette / so wurde es bey sich selbst sagen / Dis ist gewißlich ein falscher Prediger / vnd ein Versüßer. Dann weil der heilig Tauf ist ein Bund eines gütten Gewissens mit Gott / die Kinder aber seind ebenso wol im Bund Gottes als die Alten / die vil ein besser Gewissen haben dann die Alten / weil Christus sagt: Lassende die Kindlin zu mir kommen / vnd wöhret men nicht / dann sollicher ist das Reich Gottes / So muß es freylich ein verwegener Mensch sein / der den Kindern wider den außgedruckten Beuelch Gottes / wolt disen Bund abschlahen / den er men verheißⁿ vnd zugesagt hat / wie jr dann daroben von der heiligen Tauf jr. Jam / vnd nach der lenge gehört haben. Vñ wirt sich ein solich Kind ewiglich nimmer bereden lassen / das es sich wider tauffen ließe / Es ist ein mal auff den Namen Jesu getauft / das genieße jme in seinem Alter so wol / als dem David seine Beschneidung / die er in seiner Kindheit empfangen hat. Vnd laßt sich nichts jren / das ein anderer vil Bewäsch machet / das die Kinder noch nicht recht reden können. Hat Johannes der Teuffer Christum in Mütter leib gekennet / da er auch noch in Mütter leib was / so kan Gott auch sein Gnad in den jungen Kindern würcken / das sie jme gesfallen.

Wann ein Priester auffstünde / vnd leeret / die Layen solten das heilig Abendmal nur in einerley gestalt nemen /

den Catechismum. lxxx

men / vnd es hörets ein jung Kind / das seine sechs Haupt-
stück wol gelernet hette / so würde es bey jm selber gedenc-
en / Diser Priester weist noch nicht / wie unser Herr Jes-
us Christus das heilig Nachemal geordnet hat. Dann
Christus hat nicht gesagt / Nement hin vnnnd essend mein
Blut / er hat gesagt / nement hin vnnnd trinckent / das ist
mein Blut / darumb lieber Herr / werden jr mich nimmer
mehr bereden / das ich des Bluts Christi theilhaftig wer-
de / wann jr es nicht geben / wie es Christus geordnet
hat.

Also wann einer auffstünde vnd predigte / es were nichts
dann Brot vnd Wein / vnnnd es hörets ein solliches Kindlin /
so würde es auch bey jm selber gedencen / der weist auch
noch die Wort der Einsetzung Christi nicht / dann er hat
nicht gesagt / nemet essend vnd trinckend / das ist Brot vñ
Wein / sonder er hat gesagt / das ist mein Leib / das ist
mein Blut.

Deßgleichen wann einer predigte / es were ein güt vnd
Gottgefellig Werk / hinder einer Mess stehn / wann der
Priester für die Lebendigen vnd die Todten opfferet / vnd
ein solliches Kind hörets / würde es leichtlich schließen kön-
den / das der Priester noch nicht verstünd die Ordnung des
Nachemals Christi / daß Christus hats nicht geordnet /
das es einer für den andern essen vnd trincken soll / sonder es
soll ein jeder für sich selbst essen. Item es ist den Lebendi-
gen zu nutz vnd gutem / vnd nicht den Todten eingeset /
die es auch nicht nützet. Item es hat der Herr Christus
nicht ein solliche Gedächtnuß seines Leidens geordnet / das
einer ein Vater noster in der Hand hab / vnnnd ein Nach-
X iii liecht

Die löhendt Predig über

kiechelin vor jme klaißen / rñd zusehe was der Priester über dem Altar thū / Er hat gesagt: Solchs thū zu meinem Gedächtnus / was heiße das Wörlin / solchs / namllich essen rñd erincken / wie ers geordnet hat / darnach sein leiden rñd sterben betrachten. Darumb würde sich ein solliches Kindlin sein lebenlang hinder kein Nieß nimmer mehr durch Gottes Gnad bringen lassen / weil es grundelich anzeigen kan / was hie gehandelt würde / das es alles dem Beuelich rñd der Ordnung unsers Herren Ihesu Christi entgegön rñd zutvider seie.

Wann ein Prediger auffstünde / hette ein hanffen Ablass Brieff / rñd leerte / man müste den Himmel mit einem Sack mit Selt auffschliessen / das ist / mit Selt Ablass Brieff kaufen / Jartäg stüffen / Nieß frimmen / rñd der gleichen / rñd es hörete es ein Kind / das seine sechs Hauptstück Christlicher Lebr wol gelernet hette / das würde bey jme selber gedencen rñd sagen / sihe diser Priester waiße noch nicht was der Schlüssel zum Himmelreich ist / dann der Himmel laßt sich nicht mit einem erkauften Brieff oder gestüffen Jartag auffschliessen / sonder er würde allen Glaubigen Menschen durch die Gnadenreich Predig des Euangeliums on vnser Selt / allein umb des verdiensts Ihesu Christi willen auffgeschlossen / rñd wann ein sollicher Priester eingangen gelaiterten Wagen voller Ablass Brieff hette / würde jme ein solliches Kind umb alle nicht eineinigen bösen Heller geben. Ablass der Sünden laße sich nicht mit Selt kaufen oder lösen / wir seind ehewer erkauft worden / wie der heilig Petrus lehret / nicht mit vergenglichem Silber oder Gold / sonder durch das

f. Pet. 1. ehew

den Catechismum lxxxj

thern Blat des unschuldigen vnd unermackelten Lains
lins Gottes Ihesu Christi vnsero Herren vnd Hailands.

Deßgleichen würde es auch nicht ein Heller vmb ein
Digilt vnd Seelmeß geben/ noch ihme ein placebo mür-
nlen lassen. Durch den Glauben von wegen Christi ist
der Seelen schon gerhaten / vnd bedarff des dings gar
nicht/darmit man den Seelen vermeinet zähelfen/ dann
sie seind schon / da sie hin gehören/es hilfft nicht / es nütze
nicht / es ist jnen der Himmel vorlangest auffgeschlossn
worden.

Also sehend jr Kinder vnd alte Leut / wann einer dise
sechs Hauptstück wol vnd recht gelernt hat / das er nicht
allein güte vnd gnügsame Rechenrschafft seines Glaubens i. Pet. j.
jederman geben kan/wer es von jme begeret / sonder es kan
auch vast alle Predigen vntheilen/vnd bald mercken/wan
ein Prediger neben der Warheit außwischete / vnd etwas
falschs oder vnrechtes predigte / wie ich dann sollichs wol
weitlenßig durch alle Artickel vnser Christlichen Leer
wölte künden anzeigen/wan ich so lang künd bey euch gepli-
ben sein.

Alber es ist auff dis mal eß gnüg/vñ so man euch hernach
ein jedes Stück weitlenßig erklären wirt/werde jres sein
eidentlich nach ein ander/wol vñ grundtlich lernen/darzu jr
dann mit größtem fleiß kommen sollen/vñ euch nicht lassen
verdrüssig machen/wann jr den Catechismum solten tau-
sent mal hören außlegen/dan jr werden allwegen etwas zu
lernen haben zu ewer besserung / weil es ein Brunn ist / den
man nicht erschöpfen kan/wie ich dann sollichselbst erfah-
re / vnd nicht gnügsam darmit vmbgehn kan/Es erinnere
mich

Die zöhendt Predig über

nich immer etwas / das ich zu n. nicht gedachte / oder wie derumb vergessen het. Wir künden souil nicht hören vnd lernen / wir werden alles brauchen vnd wol bedürffen zur zeit des letzten Stründlin / wann wir sterben / vnd von diesem Jamerehal abscheiden sollen / darumb lassets euch mit ernst gesagt sein.

Es ist aber noch nicht gnug / liebe Kindlin / wann jr die Worte der Haupestuck Christlicher Lehrsprechen künden / vnd dazu auch verstein / dann man findet einen Buben / der es alles auff einem Negelin außwendig erzölen kan / ist aber darneben der bösest Büb / der auff zweien Bainen gehn mag / einen sollichen Buben / würde es nicht helfen / wann ers gleich noch so wol wüßte / sonder sol jme der Himmel auffgeschlossen werden vnd pleiben / so müß er auch lernen / das ich euch auß dem Psalmen David verlesen habe / namllich die forcht Gottes / die alles in sich begreiffe / dann so ein Kindlin Gott von hertzen fürchtet vnd für augen hat / so lernet es nicht allein seinen Willenerkennen / sonder befließe sich auch / das es den Willen Gottes thue / was aber der Will Gottes sei / vnd wie man Gottesfürchtig vñ Gott gfellig leben solle / das haben jr Kinder in der Auslegung der zöhen Gebott Gottes gehört / vnuonnöten hie widerumb zu erzölen. Sollichen Kindern ruffet der heilig David im Psalmen / vnd spricht: Kompe her jr Kinder vnd höret mir zu / ich will euch die forcht Gottes lehren / als wolt er sagen / Ir sollend mir billich zu hören / dan ich will euch nichts böses lehren / sonder den aller köstlichsten vnd theuersten Schatz lehren / der auff Erden sein mag / dann die forcht Gottes / wie Salomon lehret / in

bertriffe

den Catechismum. lxxxij

bertrifft alles. Darmit sie aber darzu lustig wurden/ zeige
er ihnen an/ was sie darvon haben/ wann sie Gott fürchten:
Wer ist/ spricht er/ der gut leben begert / vnd gern gütte
Tag hetter. Als wolte er sagen/ Ich weiß wol/ das jr Kin-
der gern lang lebten / vnd wolten / das es euch wol gienge.
Wer nun sollich begeret/der befeissige sich der forcht Got-
tes/ dan die Gottlosen/ sagt David in einem andern Psal. Psal. lv.
men/ werden das halb theil ihres lebens nicht erreichen/ wie
man dann sihet / wann die Kinder Gott nicht fürchten/
vñ sich aller Bosheit befeissigen/ das sie eineweder in ihrer
Jugende durch den Nachrichter getödtet / oder sonst in
Kriegen vnzeitig erstochen vñ erwürgt/ oder sonst jäm-
lichen umkommen/ haben keine gütte Tag auff Erden/
vnd müssen vnzeitig darvon/ das ist die Straff/ die Gott
über die Gottlosen gehn laßt zeitlich/ vnd wo sie sich nicht
bekerren/ auch ewiglich verdampft vnd verloren sein müssen.

Dargegen aber/ so ein Kind Gott fürchtet/ vnd in sei-
nen Gebotten wandelt/ soll es nicht allein lang leben/ son-
der auch wol leben/ vnd gütte Tag haben. Dann also wol-
get hernach: Behüte deine Zungen vor bösem / vnd deine
Lefftzen/ das sie nicht falsch reden/ laß vom bösen/ vnd thū
guts/ such Friede vnd jage ihm nach.

Wölches Kind sein Zung vor dem bösen behütet/ das
wäre gewislich ein froms/ Gottesfürchtig Kind sein. Dan
was das Hertz wol ist/ sagt Christus/ das gehet der Mund Matth. xij.
über / vnd gedencke ein Kind/ das es Gott müsse Rechen Luc. vij.
schafft geben auch umb ein vergebens Wort/ darumb hü-
tet es sich darvor / vnd sihet / das auß seinem Mund nichts
gehe/ das wider Gott sei. Es ist ein alt Sprichwort: Ein

h Vogel

Die lebendt Predig liber

Vogel kenneet man bey dem Besang. Also ein fromm Kind kenneet man bey seinem züchtigen vñ Botsfürchtigen Reden. Vnd wie sie nicht gern vnrecht oder feindselig ding reden / also mögen sie es auch nicht hören / fliehen darvon / darmit sie Gott nicht mit den bösen straffe.

Ein Kind aber / das verwegen Reden treibt / schandlos ist / vnd darzu flüchet vnd schwöret / gibe mit diesem seinem feindseligen / schandlichen Besang vnd Rappen geschrey zünerstehn / das kein Botsforcht in seinem Hertzen ist / vnd das es sey ein Kind Belial / das ist / ein Salgenkind / wie vor zeitten gewesen seind / die des frommen / alten / 4. Reg. 17. Propheten Elisei gespottet haben / vnd geschreyen / Kalkopff / Kalkopff. Vnd da er sie sahe / flüchte er inen in dem Namen des JEZU. Da kamen zwoen Beeren auß dem Walde / vnd zerrissen zwoy vnd vierzig Kinder. Diß erschrockenlich Exempel soll auch euch Kinder bewegen / das jr ewer Zungen behütet von bösem / als lieb auch Gottes Huld vnd Gnad ist.

Ir solt auch ewer Leffzen behütten / das sie nicht falsch reden. Dises Stücklin solt jr sonderlich lernen / vnd darmit durch alle Stuck der Kinderleer gehn. Dann so ein Kind die sechs Haupestuck kan ordenlich nach einander erzöhen / wor es höret / der sprichet / warlich das ist ein feins fromm Botsfürchtiges Kind / das kan / was ein Christen Mensch wissen soll. Aber so mans bey dem Liecht besühet / so redet ein sollich Kind mit seinen Leffzen falsch / das ist / es ist so me nicht recht ernst / es gehet nicht von Hertzen / sonder es ligt allein auff der Zungen. Es kan die zöhen Gebott wol sprechen / aber in seinem Hertze denckt es dem selben nichts nach /

den Catechismum. lxxvij

nach/es flücht m̃ schwidet/verschumpet Predig/oder schwaa-
get darin/wanner darfür solte zůhören. Es ist seinen El-
tern ungehorsam/ehret sie nicht / es zanket vnd hadert/
leigt vnd stilt / vnd redet vnzüchtige Ding / flücht vnd
schwidet / Soll ich glauben/das ein sollicher Bi.b die 38.
den Gebote kunder der sie mit Füßen tritt/ vnd nicht dara-
nach lebet

Also spricht einer wol die Artikel vnser Christlichen
Glaubens/er glaub in Gott Vatter/Son/vnd heiligen
Geist/vnd erkenne / das in Gott alle dise Väteraten be-
weisen hat/die in den Artikeln verfaßt sein. Wan ich aber
sib / das er vmb seines Gottes willen/ der in erschaffen vnd
erlöset hat/nicht ein überflüssigen trunck Weins mag vns
derwegen lassen/wie kan oder soll ich glauben/das er ein re-
chten / waren glauben habe / der neben vnd bey sollicher
Dandankbarkeit nicht stehn kan

Also auch wann einer bettet sein Vatter vnser/redet
mit Gott / vnd jederman meinet es sey ime ernst / er aber
ist mit seinen Gedanken überfeld/vnd weißt selbst nicht/
was er bettet/redet er nicht falsch mit seinen Leffzen/vnd
darzū mit der aller höchsten Majestet/ Gott dem Herren
selbst/da ihm billich ein Kind / vnd ein jeder Christen
mensch solte lassen ernst sein. Dann so einer allein mit ei-
nem grossen Herren redet/ der nur ein Mensch ist / laßt er
im ernst sein / vnd sibet / das er die Zungen in den rechten
Backen lege / was sollen wir dann thā / wann wir mit
Gott vnserm Herren reden wollen/auff das nicht der Herr
auch zū vns sage: Diß Volcke nähert sich zū mir mit iren
Geffzen / aber jr Hertz ist weit von mir. Darumb wir

Esa. lxxij.

Y ij auch

Die zehende Predig über

auch offtermals mit dem Gebett nichts ansprechen / weil
kein ernst / eifer vnd hertz da ist.

Darumb wann die Kinder vor vnd nach dem essen / oder
auch sonst betten / den Glauben vñ die zöhen Gebott sprech
en / sollen die Eltern iren Kindern nicht gestatten / das
sie hin vnd her gaffen vnd fantasieren / sonder sie mit Wor
ten vnd Geberden dahin halten / darmit es alles mit rech
tem ernst / vnd von hertzen geschehe / soult ein Mensch
schaffen kan. Darzü dann die Eltern sondern fleiß fürwen
den sollen / als an denen in disem fahl nicht wenig gelegen /
vnd iren Kindern mit gütten Exempeln fürgehn / sich auch
nicht scheuen / ire hand vñd augen neben vñd mit iren
Kindern / Vhalten vnd Besindgehn Himmel auffheben /
das heist recht die Lefftzen behütten / das sie nicht falsch

Joan. iij. reden / dann Gott will rechte / ware Anbeter haben / die
in anrufen im Geist vnd warheit / da es von Herten ges

Psal. xv. het. Wöllichs Kind nun die warheit mit Gott redet / das
würde großlich auch seinem Nächsten nicht falsch / sonder
die warheit zusagen vnd nicht liegen / dann kein feindseliger
ding ist an alten vnd jungen / dann liegen / darvor sich from
me Kinder hütten.

Es möchten aber jetze eetliche gedencen: kan nicht auch
einer in der Welt zu from sein / dann man sihet wol / wann
einer from ist / vnd thut nicht was der gemein Hauff thut /
so kaner nicht in der Welt aufkommen / es sitze jederman
auff in / er muß jedermans fñschlich sein. Wider solliche
Ansehung cröset vns David / mit nachfolgenden Wor
ten: Die Augen des Herrn sehen auff die Gerechten / vnd
seine Ohren auff ir schreien. als wolt er sagen / wie niemand
kan

den Catechismum lxxxiij

kan zu from sein / dann so wir alles gethon hetten / sollen wir noch sagen / wir seien unnütze Knechte: also soll sich niemand bey der fromkeit fürchten / das er bey der selben oder umh derselben willen solte verderben / oder vndergetruckt werden. Dann die Augen des Herren sehen auff die Gerechten / das ist / der Herr hat acht auff die frommen / das ihnen nichts schädlichs widerfare / vnd wann sie in irer Noth Psal. xxi. vnd Beschwärmuß in anrufen / vnd ir anligen klagen / so will er sich irer annemen / vnd ob ihnen halten / wie die Exempel der Altväter / Noe / Noth / Abraham / Isaac / Jacob / Joseph / David ic. vnd dergleichen bezeugen.

Es ist nichts verlässners in diser Welt / dan arme Waislin / die belaidigt vnd vndergetruckt werden / dann die Götlosen gedencken / vñ sagen in irem Hertzen / was gehet mich der Betler an / er kan mir weder nutz noch schad sein. Mein mein lieber Man. Wann du deren Waisen ein belaidigest / soltu wissen / das die Augen des Herren auff ine sehen / vnd so er zu Gott ruffen wurde / das du nicht vngestraft darvon kommen wirst.

Es siehet wol Gott ein weil zu / vnd thät eben als sehe ers nicht / aber wann er ein mal seinen Wagen anrichtet / vnd fehret herab / wie er den Sodomitern gethon hat / vnd Gen. xix. erfahret solliche vnbillige Händel (dann also redet die Schrift von Gott) vnd fehret wider hinauff / so laßt er hinder im Schwebel vnd feror herab fallen / wie über die fünfft Stett geschehe ist / da zuvor ein schön / lieblich Land gewesen / da ist jetzt nichts dann ein stinckender Pfül / allen Menschen die Gott nicht fürchten / zu einem Exempel Gottes Zorns fürgestellt.

V iij Dann

Die zehendt Pre. über den Catech.

Dann wie die Augen des Herren/ das ist/ sein gnädig
Angeſicht iſt über den frommen/ also iſt das Anſicht/ das
iſt das ſaror ſehen/ das erſchrockenlich vnd zornig Angeſicht
Gottes über die da böſes thun/ vnd das er jr Bedächtnuß
am 170j. außrotte von der Erden/ wie geſchehen iſt/ Chöre/ Abys-
ram vnd Dathan/ die das Erdreich verſchlunden hat/ mit
allem/ das bey ihnen gewoſen iſt.

Darumb ſollend jr Kinder den Herren lernen fürchten/
das jr nicht allein wiſſen/ was Gott gefellig/ ſonder auch
thun/ darmit jr ein gnädigen Gott/ zeitlich vnd ewig be-
halten mögen.

Vnd diß iſts das ich euch Kindern will zur letze laſſen/
weil ich nicht lenger bey euch bleiben kan/ das wöhlend mit
allem fleiß behalten/ vnd die tag ewers lebens nimmer mer
vergeſſen. Dann ich bezeug auch auff den heutigen tag/
das ich auch von ewer Kinder Blüt rein vnd enſchuldigt
gehe hin/ dann ich hab auch euch erwerlich vnd fleißig gelehrt
vnd vermanet von allen ſtücken der reinen Chriſtlichen
Leer/ vñ durch die gnad Gottes an euch nichts verſaumt.

Vnd verſehe mich zu euch/ weil jr mich ſo fleißig/ eifer-
rig/ andächtig vnd ernſtlich gehört/ das ich euch vor Gott
vñ der Welt zeugnuß gebe/ jr werden auch in ſollichem
Eifer hinfüro vnd die tag ewers lebens beharren/ darins
nen zunemen/ vnd ſtarck werden/ auff das jr auch auff ewer
Kinder ſolliche Erkennnuß bringen/ vñ ſie auff ewere
Kindskinder/ vnd also mit einander ewiglichen ſelig wer-
den. Das verleihe euch vñ mir der barmhertzig Gott
vñ Vatter vnſers Herrn Iheſu Chriſti/ ſampe
dem heiligen Geiſt/ wölchem ſeie lob/ ehr vñ
preiß in ewigkeit/ Amen.

